

Wm



10
11
12
13



DE
SCORBUTO
Liber Singularis.

AUTORE
GUALTERO CHARLETON, M.D.

Serenissimi, Potentissimiq;

CAROLI II.

Magnæ Britannie REGIS,

Medico Ordinario,


&

Incltyti Medicorum Londinensium

Collegii Socio.

LONDINI,

Typis E. Tyler, & R. Holt, prostant apud Guliel. Wells
& Rob. Scot ad Insignia Principis in vico Lit-
tle Britain dicto, cId Id cLxxii.



Amplissimo, Consultissimoque

VIRO;

D. GEORGIO ENT, M. D.

Equiti aurato,

Inclyti Medicorum Londinensium Collegii

PRÆSIDI atque *Oraculo*,

Egregio & patriæ & sæculi Ornamento,

Ἀείτω φύσιν ἔχοντα Ἑρμηνεύτη ;

Quo

Nil exactius, cruditiusque est,

Sed nec candidius, benigniusque ;

Amico suo

de se studiisque suis plurimum merito,

Hoc quicquid *Libelli* est,

ut exiguum, sed fidissimum

sux *Gratitudinis*, & *Observantiæ*, *Cultûsque*
testimonium,

ex antiqua votorum formula,

LUBENS. MERITO. DONAVIT. DEDICAVIT.

GUALTERVS CHARLETON.

Copyright © 1997 by the

Author

ALL RIGHTS RESERVED

Printed in the United States of America

Library of Congress Cataloging-in-Publication Data

Author. Title. Date of publication.

1. Title. 2. Author. 3. Date of publication.

4. Title. 5. Author. 6. Date of publication.

7. Title.

8. Author. 9. Date of publication.

10. Title. 11. Author. 12. Date of publication.

13. Title.

14. Author. 15. Date of publication.

16. Title. 17. Author.

18. Date of publication. 19. Title.

20. Author. 21. Date of publication. 22. Title.

23. Author. 24. Date of publication.

25. Title. 26. Author. 27. Date of publication.

28. Title. 29. Author. 30. Date of publication.

31. Title. 32. Author. 33. Date of publication.

34. Title. 35. Author. 36. Date of publication.



Προσφώνημα

LECTORI *Erudito.*

AUD sum incius,
Lector Cordate, nulli
unquam scripto, sum-
ma licet diligentia limato, eam
contigisse felicitatem, ut cum
statua *Minervæ*, inimitabili
Phidiae manu exculpta, extra
obtrectandi studium in arce lo-
caretur: nec tam vanus, ut spe-
A 4 rem,

rem, isthoc meum mitiori nunc
fato iri exceptum. Ita sanè in-
genio humano à natura compa-
ratum, ut cùm ipsam veritatem
in rebus *Physicis* nemo morta-
lium possit, quicquid ei videtur
pròximum avidè confectemur
omnes, & tacita cùm volu-
ptate amplectamur. Adeo-
que *Philosophia* Sacrum quid-
dam est, & Venerabile; ut
etiam si quid illi simile est, men-
dacio placeat. Hinc umbra-
tili sæpe veri imagine capti, de
via recta deflectimus; & ceu
fato quodam abducti, *errori*
sumus; tum *culpæ* obnoxii:
quàm proximè accedentes ad
ridi-

ridiculam incautorum amen-
tiam viatorum, qui dum
malignè lucentibus post pri-
mam facem ignibus *fatuis* u-
tuntur ducibus, se plerumque
vel nodosis vorticibus impli-
cant, vel si meliori genio du-
cuntur, coenosis paludibus
impediti, longissimam noctem
anxiè inter preces & vota con-
sumunt. In hac igitur *Dis-*
quisitione mea de natura, or-
tuque, & causis *Scorbuti*, in
multis me fugisse Veritatem,
nullus dubito: neque censu-
ram Tuam deprecor, sed ex-
pecto, quin vehementer etiam
exopto. Amo enim Erudi-
to-

torum judicia erudita : nec
animum sortitus sum adeò
conceptæ semel sententiæ te-
nacem, ut ὡς περ λεγὰς περὶ σίχωναι
illis, quæ quis falsa esse demon-
straverit.

Cæterùm spero me secu-
tum in plerisque tale tempera-
mentum, ut nusquam vel ul-
teriùs inquirenda pro jam ex-
ploratis, vel obscura pro ma-
nifestis, vel conjectanea pro a-
podiicticis, vel Theorica deni-
que pro Practicis posita esse
quæri possit, quisquis quæ dixi,
rectè, ac sine præjudicio in-
tellexerit. Occurrent Tibi
for-

fortassis (fatebor enim) non-
nulla, quæ licet non procul ab-
esse videantur à ratione; non-
dum sunt tamen extra omnem
dubitandi aleam constituta. At
quoties istiuscemodi quid in-
ter legendum observaveris; to-
ties Tecum considera, precor,
istam provinciam nostram in
rebus plerumque non ad Geo-
metriam, ast *Pathologiam* (u-
bi nihil non absconditum, ni-
hil non indemonstrabile est)
spectantibus versari: & de-
inde ostendas, quemadmo-
dum in talibus istam veri si-
militudinem ab ipsa veritate
dignoscere possim. His certas
utrin-

utrinque notas imprime, &
Phyllida solus habeto.

Interim, qualescunq; sunt hæ
lucubrationes, Tu illas sic lege,
tanquam verum quæram adhuc,
non sciam, & contumaciter quæ-
ram. Haftenus enim ad genero-
sum *Senecæ* spiritum me compo-
sui. Non me cuiquam ex illis,
qui antehac de eodem argumen-
to cum laude scripserunt, servi-
liter mancipavi: multum ma-
gnorum virorum iudicio attri-
buo; aliquid & meo vindico.
Nam illi quoque non inven-
ta, sed quærenda nobis reli-
querunt.


Porro

Porro in *differendo*, quantum
instituti ratio, & amplitudo ma-
teriæ ferebat, studui equidem *La-
conismo* : ne tibi fastidio foret in-
grata dicendi prolixitas, cum in-
genti rerum varietate conjuncta.
Dixi tamen satis ad animi mei
sensum de tam abstruso subjecto
strictim explicandum. Quem u-
tinam tuo per omnia suffragio
dignum comperias. Vale ita-
que, *Lector candide*, & hanc su-
bitam conductamque velut cœ-
nulam sine fastidio accipe.

Dabam è Musæo meo *Londini*,
anno *Æræ Christianæ*
cIo Io cLxxi.
Kalend. Augusti.



*Quid ? ego tibi videor interim sedere ? in hoc me recondidi,
& fores clausi, ut prodesse pluribus possim. Nullus mihi per
oritur dies exis : partem nocturnam studiis vindico ; non vaco
somno, sed succumbo, & oculos vigiliâ fatigatos, cadentēque,
in opere detineo. Seceffi non tantum ab hominibus, sed etiam a
rebus, & primum à meis. Posterorum negotium ago : illis aliqua
qua possint prodesse, conscribo. Seneca Epist. 8.*



INDEX CAPITUM.

- Cap. I. *Varia Scorbuti Nomina; horumque
Explicationes Etymologicæ.*
- Cap. II. *De ingenio & comitibus Scorbuti.*
- Cap. III. *De causis Scorbuti remotioribus
& externis.*
- Cap. IV. *De causa Scorbuti proxima & con-
tinente: itemque de Scorbuti differentiis.*
- Cap. V. *Scorbuti ex rancido sanguine ori-
undi historia.*
- Cap. VI. *De ortu Scorbuti è sale fixo.*
- Cap. VII. *Scorbuti acidi genealogia.*
- Cap. VIII. *De signis Diagnosticis, cuique
Scorbuti differentia propriis.*
- Cap. IX. *Signa quædam Prognostica, Medi-
cis in se Scorbuticorum curationem susce-
pturis diligenter observanda.*
- Cap. X. *Scorbuti Therapeia generalis.*
- Cap. XI. *Rancidi Scorbuti Therapeia.*
- Cap. XII. *Scorbuti à sale fixo exorti cu-
ratio.*
- Cap. XIII. *Curatio Scorbuti ex Acido præ-
sertim oriundi.*
- Cap. XIV. *Medicina gravioribus Scorbuti
Symptomatis facienda.*
- Cap. XV. **EPIPHONEMA**, in Me-
dicastro.

CAPUT. I.

Varia Scorbuti Nomina; eorumq; explicationes Etymologica.

SUMMARIUM.

Artic. (1.) Unde factum est, ut Scorbuto varia Nomina cum Antiqui tum Recentiores indiderint. (2.) Scorbutum Hippocrati cognitum fuisse, & descriptum sub duplici nomine: (3.) item Straboni, (4.) Marcello Empirico, (5.) Plinio, (6.) aliis. (7.) Quibus idem appellationibus insignitur apud Germanos. (8.) Quibus apud Danos. (9.) Quibus denique apud Belgas, Latinos, Anglos. (10.) Conclusio apologetica.



Lia inter Theoremata, quæ *Art. I.* magnus ille Philosophiæ oceanus, *Plato* (quem *Philo Judæus* Μωσὴν Ἀρκεζόντα appellavit) Dialogo suo Περὶ ἀνομάτων ἰσότητων copiosè inspersit; illud mihi cumprimis excerpendum, atque hoc loco memorandum occurrit: Scilicet

B

posse

Varia Scorbuti Nomina, &c.

posse quidem res easdem variis circumstantiis considerari, variisq; adeo nominibus insigniri; at ex illarum σχίστων natura deberi nomina imponi. Axiomatis autem hujus ratio in eo fundari videtur, quod Accidentia etiam suo modo dicantur περιέχουσαι, quatenus rem cui conjunguntur, χεμαπίζονται, id est, notant atq; designant.

Non est igitur, cur tibi aut insolens videatur, amice Lector, aut illicitum, quod morbo huic, in cujus indagine nos nunc versamur, varij Scriptores nomina imposuerint varia. Nam morbus ipse non unus est, sed morborum potius ilias, ex multiplici malorum concursu & complicatione oriunda; ut ipsum πολυγενήν & πολύπλοκον haud injuria dicas: & si faciem ejus spectes, vel Proteo mutabiliorem esse jurabis; tantum abest, ut uno se vultu in omnibus prodatur, ut in singulis etiam πολύμορφον apparere soleat. Unde factum est, ut dum ex Medicis in ipsius naturam versatilem inquirere aggredientibus, hic quidem in has, ille verò in illas, et tertius in alias ejusdem apparentias oculos attentius converteret; & sua quisque Νοήματα, pro diversa σχίστων natura, in animo efformaret: factum est, inquam, ut eidem varia nomina indiderint. Neque facile erat, ut aliter res fieret. Siquidem sua cuique est conceptorum idea. Et

sicut

sicut *Νήματα* rerum extra mentem positarum, sunt rerum ipsarum minimè fallaces imagines, atque *ὑποιώματα* sive repræsentationes: ita quoque & voces & scripturæ debent esse *Νοήματα* illorum in mente nostra hærentium, effigies & simulachra. Verbo dicam; animi humani conceptus sequuntur objectorum Phænomena: & *Ὅραθιστα* sequitur conceptus sive notiones.

Subtilitatem hanc, alterum illud ab Hippocrate medicorum lumen, Harvæus noster, verbis disertissimis explicuit, in præfatione ad librum suum de generatione Animalium. *Usu venit, inquit, ut plures eodem tempore ab eodem objecto, varias species abstrahant, & notiones diversas concipiant. Quemadmodum in Piætoribus & Poetis videre est: qui licet eodem tempore, & loco, cæterisque omnibus circumstantiis convenientibus, unum aliquod objectum intuiti fuerint; id ipsum tamen singuli diversimodè referunt & describunt; prout nempe quisque species differentes in Phantasia efformaverit.*

At quorsum spectat, inquires, iste tam magnificus rationum super hac quæstiuncula umbratili, quæ acumen irritum exercet, apparatus? Non aliorum profectò, quàm ut exindè tibi luculentur constet, nec te-

merè, nec ex mero scriptorum arbitratu, imposita olim fuisse Scorbuto nostro nomina diversa: ast prudentè, & cum respectu ad insignem illam Accidentium & Symptomatum, quibus malitiam suam ostendere amat, diversitatem. Id quod clarius adhuc apparebit ex Appellationum ipsarum recensione: ad quam proinde proximo loco deveniendum.

- Art. 2.* Affectum hunc *Antiquis* nec incognitum fuisse, nec prorsus indescriptum; omnibus quotquot sacra eorum monumenta evolverunt, compertum est. Ipsum enim *Hippocrates* (ἐκείνῳ ἡ γὰρ τῆς θεωρίας ἐπιστήμη, ut *Peto* dicitur in *Epist. ad regem Artaxerxem*) non tam descripsisse, quàm ad vivum usque veris coloribus depinxisse videtur: hocque duobus potissimum in locis libri sui περὶ τῆς ἐν τῷ παθῶν; partim sub *magni Lienis* nomine, partim sub *velo αἵματος* ubi quæ ad delineandam utriusque naturam affert, tam exactè *Scorbuto* nostro quadrant, ut vix aliū aliquem invenias morbum, cui cum pari congruitate accomodari possint. Verba divini senis huc non transferam: quia tibi satius erit, si oraculum ipse consultum adieris; et mihi satis est, indicis tantum officio defungi.

Nec

Nec à Scorbuto procul abfuisse videtur morbus ille, qui in exercitu Romano, cui *Cæsaris Augusti* gratia præerat *Ælius Gallus*, in Arabiam tunc temporis ducto, passim grassabatur: quemque *Strabo* sub finem lib. 6. *Geograph.* describens, *Στομακῆν*, & *Σκαλοτύρην* nominavit. Vocabula hæc quæ ejusdem morbi sunt, utrum primitus ab ipso *Strabone* huic malo indita fuerint, an à vetustioribus Græcis derivata: equidem post tot lustra Sæculorum, & in tanto Antiquitatis silentio, divinate nefas est. Illud tamen certissimum est, utrumque ex gravioribus morbi symptomatis desumptum fuisse: alterum nempe ab oris fæctore, quo milites infecti erant; alterum à crurum ac tibiarum imbecillitate, quæ iidem vacillabant. Quippe *στομακῆν*; rectius *στομακῆνη* (sic enim legendum *Strabonis* textum, cum *Cl. Sennerto* arbitror; quia Scorbuticis plerumque Os *κακῆν*, id est, *merdam olet*) vitium oris designat, quo qui laborant, pessimè fatentes halitus ore & naribus efflant. Unde *Germanis* etiam hodie idem oris vitium *Mündtfeule*, i. e. *Foulmouth*, satis concinnè dicitur. *Σκαλοτύρη*, verò à *σκῆλον*, *crus* (unde Belg. *Schene*, & Angl. *Shin*) & *τύρην*, *perturbatio*, derivatur: quia crura ita resolvit, ut homo rectus incedere non possit.

sed nunc sinistrum crus in dextrum latus,
nunc dextrum in sinistrum transfert ; nunc
pedem alterum trahit, instar eorum qui
locos acclives conscendunt ; ut scribit
Auctor Græcus Definit. Medic.

- Art. 4.* Eundem morbum quoque apud *Marcellum Empiricum* (qui *Gratiani & Theodossi*, Imperatorum, temporibus floruisse traditur) sub *Oscedinis* titulo indicatum volunt artium quidam ac Medicinæ peritissimi, quibus assensus noster jure debetur. Et si enim aliter hanc vocem accipiant nonnulli ; nempe ad significandum illud vitium, quo sæpe oscitando Os diducimus ; *Sereno* tamen ulcera oris denotat ;
- Hinc oscedo fugit, cedunt quoque vulnera linguae* : sicut *Isidorus* quoque interpretatur, *lib. 4. Origin. cap. 8.* ut *Marcello Empirico* etiam Scorbutus ita appellari videatur. Sed nil opus est, ad aliena provocare interpretamenta, quum Auctor ipse animi sui sensum haud obscurè exolvat, *de re Medica cap. 11.* ibi enim alia nulla præscribit contra *Oscedinem* remedia, quàm quæ Scorbuto, fauciumque ulceribus sanandis convenient. Unde concludere licet, ipsum oris vitium illud, quod Scorbuticis familiare est, per *Oscedinem* eo loco intellexisse.

Meminit

Meminit item *Plinius* (*lib. 25. cap. 3.*) *Art. 5.*
 morbi cujusdam, quem ob gingivarum à
 dentibus discessum, & solutas in genibus
 nervorum compagines, Medici *Stomaca-*
cem & *Scelotyrben* vocabant. Atque hunc
 affectum in omnibus eundem esse cum
 Scorbuto, ita in promptu est, ut ulteriori
 probatione neutquam indigeat.

Sunt et alia aliquot, apud Seniores ar- *Art. 6.*
 tis Apollineæ cultores, *Celsum* puta, *Gale-*
num, *Æginetam*, *Areæum*, *Avicennam*,
 Scorbuti vestigia; licet (ut quod deplora-
 randum est ingenuè fatear) nec satis ple-
 na, & densa vetustatis caligine obducta.
 His autem viritim describendis, & ex ob-
 scuris differentium inter se notionum, vo-
 cumque diversarum velamentis, quibus in-
 volvuntur, educendis, mihi herculè
 non vacat insistere: imò nec placet,
 quandoquidem doctissimus, & medendi
 scientia eruditissimus *Sennertus*, ingeni-
 um suum politissimum, summa cum in-
 dustria, nec minori felicitate, in illo ar-
 gumento dudum jam exercuit. Ad quem
 proinde Lectorem, ad monumenta τὰ τῶν
 ἀρχαίων excutienda addictum, humaniter
 remitto: dum ipse ad Scorbuti Appella-
 tiones quæ hodie obtinent, examinandas
 progredior.

Art. 7. Apud Germaniæ superioris incolas, isthoc malum duplici nomine insignitum est. Quippe à nonnullis **Schurmunt** vocatur, vel a verbo *Schoren*, *accendere*; & **Munt**: pro **Mund**, *Os*; quia scilicet Scelotyrbeis *Os* haud rarò inflammatur: vel à **Scheuren**, *rumpere*; quia iisdem *Os* ulceribus dirumpi solet. Aliis verò dicitur **Schurbock**; ab eodem **Scheuren** & **Bock**, seu **Dock**: eo quod pustulis urentibus, & exulcerationibus tum *Os*, tum reliquum corpus affligit.

Art. 8. *Danis* item bina reportavit nomina: (1.) **Schorbeck**, quasi *vitium oris*; quippe Scorbuticis *Os* sæpissime afficitur, laxatâ gingivarum compage, dentibusque propterea vacillantibus. (2.) **Schorbein**, a languidis cruribus; cui Græcorum Scelotyrbe ad amussim respondet. Addunt nonnulli & tertium, **Blawschuit** nimirum, à maculis lividis & purpureis, quibus crura inficit.

Art. 9. *Belgis* **Scheur buyck** appellatur; à modò memorato **Scheur**, *rumpere*; & **buyck**, *venter*, quasi diceret, Gastrocele, seu ruptura ventris: indubiè quia Scorbuticis ventres flatibus usque eo distendi solent, ut dirumpi videantur, & ex hoc vocabulo deflectitur
tuni

tum Latinum, *Scorbutus*; tum Anglicum, *the Scurvy*; quibus & Medicis & vulgo maximè innotuit. Atque hæc quidem de morbi nostri nominibus diversis, horumque Etymologematis compendio dicta sunt.

Nec visio mihi vertas, cordate Lector, *Art. 10.* quòd hujusmodi minutiis, quæ ad rem Philologicam propriùs quàm Medicam spectant, in ipso dissertationis hujus exordio, frigus tibi afflaverim. *Verba* enim sunt *rerum vehicula*: & ὅς τὰ ὀνόματα, εἰδὼν καὶ τὰ πρᾶγματα. Unde *Skinnerus* noster ὁ μακαρίτης (qui dum vixit, βιβλιοθήκη τις ἔμψυχον, καὶ περιπατῶν μεσῶν) haud minori jure quàm *Longinus* audire meruit) fidenter ausus est pronunciare, in *præfatiōe ad Etymologic. Anglican*: Eum qui vim & emphasin vocabulorum ex propriis fontibus eruerit, majores, & veriores in Philosophia omni progressus fecisse, quàm qui terminis scholasticis, planè Barbaris, & tum à còmmuni sensu, tum ab omni Linguarum Analogia àbhorrentibus cerebrum referferit.

CAP. II.

De Ingenio & Comitibus Scorbuti.

SUMMARIUM.

Artic. (1.) Scorbutum aliquibus regionibus Endemium esse; (2.) aliis, & speciatim Magnæ Britanniae, Sporadicum; (3.) aliis, sed non semper, Epidemicum. (4.) Eundem esse mali moris; (5.) contagiosum, (6.) & permagna infamem farragine Symptomatum. (7.) Quae generatim dividuntur in familiaria, & rarò contingentia. (8.) Quae prioris sortis sunt, dispescuntur in quatuor familias. (9.) Familiae primæ Synopsis. (10.) Elenchus secundæ. (11.) Tertiæ series. (12.) Catalogus quartæ. (13.) Rarò contingentium præcipua, exemplis quibusdam illustrata. (14.) Non eadem omnibus Scorbuticis esse communia: non omni tempore eadem pati singulos. (15.) Theorema, ex præmissis genuinè deductum; viz. Scorbuti materiam esse Nervis præcipuè infestam. (16.) Theorema alterum; Cau-
sam

sam ejusdem continentem & proximam, per universum corpus diffusam esse; idque vel sanguinis, vel Succi Nutritii, vel utriusque ductu.

A nominibus Scorbuti, ad ejusdem naturam, pro ingenioli nostri tenuitate investigandam progredior; ubi primo inquirendum occurrit, ad quam *Communium* morborum classem rectius referri debeat: scilicet, utrum ex eorum numero sit, quos *Hippocrates* Ἐνδημα νοσήματα, & ἐπιχώρια παθήματα vocat, id est, *Populares & Regionales*, seu alicui regioni familiares: an eorum, qui eidem dicuntur Σποράδες νόσοι, hoc est, qui eodem tempore sparsim grassantes, plures homines, ejusdem regionis incolas adoriuntur; non ex communi quadam causa, sed uniuscujusque proprio vitio, seu morbofo apparatu: an denique eorum qui ἐπίδημοι νόσοι appellantur, passim & in obvios quosque sævientes, & aeris inspirati malitiæ vulgo adscripti. Ubi in transitu notandum, sub aere, cœli conditionem, regionis statum, victûs corruptionem, aquarum pravarum potionem comprehendi: ex interpretatione *Galenî*, *Com. I. in lib. 1. Epidem.*

Endemium quidem Scorbutum esse re- *Art. 1.*
gionibus

gionibus haud paucis in hac Septentrionali orbis Terrarum parte ; putā *Hollandiæ, Selandiæ, Flandriæ, Brabantiae, Daniæ, Sueciæ, Norwegiæ, Frisiæ, Westphaliæ, Pomraniae* & finitimis populis, qui vel oceano Germanico, vel Balthico mari adjacent ; minimè dubitandum est : quandoquidem id Medici etiam ipsi, qui apud istas nationes aut nati sunt, aut sedes fixerunt ; scriptis testatum fecere ; & ex earundem incolis plerique aere, & victus ratione utuntur, quæ ad generandum Scorbutum valentissima perhibetur.

Art. 2. Sunt tamen climata alia etiam ad Arctum spectantia, in quibus idem affectus, non utique Endemicè, sed tantum *Sporadicè* grassari videtur. Exemplo sit (ut *Galiam* in qua vix quidem auditum est Scorbūti nomen, licet morbus ipse nimium frequens sit, silentio præteream)

Magna per immensum celebrata Britannia mundum.

Huic omnium quas Sol unquam aspexit insularum ut maximæ, ita & beatissimæ, Scorbutum, nimis licet frequentem, non esse tamen Endemium, equidem constanter affirmo ; eam in sententiam haud rina
ratione

ratione adductus. Primò enim ille non est in oris Britanvicis quàm apud exteras nationes frequentior: sed contrà longè rariùs quam in ulla ex modò dictis terrarum tractibus, Medicorum observatiōi occurrit. Deinde isthîc ortum suum non ab ulla aeris pravitate, non ex inclementia soli ducere censendus est: ast solum ex illorum quicō laborant inordinata vivendi ratione, & apparatu morbofo; aut saltem ex eorundem cum infectis commercio nimis familiari. Verum est quidem, *Britanniam* nostram, ut oceani amplexibus undique cinctam, ut innumeris propè fontibus aquarum ubique locorum scaturientibus irriguam, ut imbribus, pluviisque frequentioribus obnoxiam, ut longè ab *Æquatore* distantem; Atmosphæra ut plurimum investiri ad humidam frigidamque temperiem nonnihil vergente: at isthac aeris dispositio nec inspirantium sanitati gravis ullatenus existit, ut nostratium & corporis animique præstantes vires, & ingens senum etiã ad miraculum usque vegetorum multitudo hic passim observanda, clarè ostendunt: nec ad inducendum Scorbutum, utpote cujus essentia neutiquam in humiditatis cum frigore conjunctæ excessu fundatur, necessariò conducit, neque etiã incolis omnibus adeo commu-

nis

nis morbi cujufvis, multo minus Scorbuti causa esse potest; ut cautiores etiam, eosque qui debitum, locoque accommodatum vitæ regimen observant, indiscriminatim corripiat inficiatque. Et præter aerem crassiusculum, nihil sanè! quod hominum seu sanitati, seu longævitati quoquo modo impedimento sit, in cælo solove Britannico reperire est. At verò ad morbum quemcunque Endemium, quo propriè sic denominetur, requiritur, ut existat in illa regione, cui attribuitur tanquam Vernaculus, quàm in alia ulla frequentior: ut ortum ducat ex aliquali regionis insalubritate: utque insalubritas ista sit omnibus incolis ex æquo communis, nec quovis utcunque recto rerum Non-naturalium usu præcavenda. Certum igitur perspicuumque est, *Britanniæ* non Endemicum, sed *Sporadicum* esse Scorbutum: qui inibi per multa loca vagatur, haud paucos ex iis, qui vel otio luxuque degunt soluti, vel pravis alimentis per egestatem uti coguntur, vel cum infectis conversantur, invasurus. Hæc equidem eo potissimum consilio diximus, ut Veritati simul litaremus, & Patriæ.

*Quæ nimio nec stricta gelu, nec Sydere
fervens,*

Clementi Cælo temperieque placet;

quam

quamque quasi alterum orbem, extra orbem, ad delicias humani generis, natura constituisse videtur; ut incolas taceam, quorum pars maxima, corporis habitudine optima, commodissimis moribus, mitissimis ingeniis, & maximis animis præditi sunt; quorumque virtus rebus domique bellicque gestis est universo terrarum orbi testatissima.

Cæterum idem morbus est interdum *Art. 3.*
quoque *Epidemicus*: ubi nimirum consue-
to plus viget causa illa communis, seu in
prava victus ratione, seu in passim diffuso
aeris miasmate, seu demum in utroque si-
mul concurrente, & sensim magis magisque
in hominum Eucrasiam prævalente consi-
stens, unde Scorbutus primordia sua atque
fomentum desumere solet. Tunc enim ip-
sum in vulgus & multo frequentius, multo-
que gravius quam antea consuevit, invo-
lare necessum est: aucto quippe mali fomi-
te, & ejusdem sævitia simul augetur. Ita
anno 1556. Epidemium *Brabantiae* popu-
lo Scorbutum redditum fuisse; idque ex
eò, tempore famis, advecti fecalis cor-
rupti usu vulgari, testatum reliquit *Rem-
bert. Dodonæus, observ. Medic. cap. 33.* i-
demque *Belgiæ* quoque anno 1562. contigisse
observatum à *Petra Foresto, lib. 10. ob-
serv. 12.*

16 De Ingenio & Comitibus Scorbuti.

serv. 12. Ex dictis itaque patet esse morbum hunc aliis quidem terrarum plagis *Endemium* seu *Vernaculum*: aliis verò tantum *Sporadicum*; eundemque nonnunquam ascendere ad *Epidemici* etiam malitiam, licet iis duntaxat in locis, ubi ante familiaris existere consuevit.

Art. 4. *Secundo* loco consideranda venit genuina Scorbuti *indoles*, seu agendi *Modus* peculiaris, quo ægrotos pro apparente sua pravitate afficere solet: omnibus quippe morbis, suis cuique est τὸ ἴδιον (*Hippocratica* vox est, quam τρέπον exponit *Galenus*) quo tanquam charactere essentiali, suam ut ut aliàs absconditam prodit naturam; quique tum ex propria morbi forma; tum ex supervenientibus morbo casibus constituitur. *Meritis* igitur hujus respectu, nullus dubito quin Scorbutus κακίνθης νόσημα, seu morbus *Malignus* jure merito audire debeat; sive ipsius ἰσοκακίας spectes, seu quæ eidem superveniunt. Nam & sua natura *contagiosus* existit, maximè ubi inveterascere incepit, viresque sibi diutino in nobiliora corporis viscera maleficio acquisivit: & prælongam gravissimorum etiam *Symptomatum* seriem secum haud rarò inducit; ut facultatum naturalium, vitalium animalium vix ullam, ne unam quidem ex universis corporis

poris partibus, ab ipsius plusquam Scythica feritate immunem reperias.

Contagiosum esse, idque pluribus modis; Art: 3
lugubri prope infinitorum experientia sancitū est. Fuere, qui liberis suis Scorbutū legarent, jure possidendū hæreditario: in sobolem traductā, cum ipsis generandi principiis, *semine* nimirum, *lacteque* uterino; ipsius labe. Fuere qui charissimis communicarent conjugibus: morbi feminio oscula inter & amplexus transfuso. Nec desunt nutricum ex numero, quæ cum *lacte* in subrumantia pupulorum ora instillarunt: quos alere susceperant, lenta morte lactantes. Tacite serpit insidiosum virus ab hospite in hospitem, spiritūs, lecti, mensæ, poculorum communione: fædor Scorbuticorum miasmate, expirato aerī, sudoribus, humori salivali, cæterisque id genus purgamentis inhærente, suaque spicula sanorum quos tetigerit membris atque præcordiis altiùs infigente. Imò post mortem quoque vivit vigetque nonnunquam dira lues: ipsis eā extinctorum cadaveribus exhalante, vespillonumque & dissecantium Chirurgorum vitalia inficiente, toxicorum ad instar, fætores; cujus rei dignum memoratu exemplum habes à Cl. Sennerto (lib. de Scorbuto cap. 10) allatum.

Art. 6. Neque minus certum est, eundem *numero* aliorum morborum atque *symptomatum satellitio* stipatum circumvagari. Tot enim, tamque varios, quin & nonnunquam toto genere inter se differentes affectus, ceu adhærentes lateri suo comites habet; ut non tam morbus simplex, quam omnium penè morborum, quibus nos miselli homines obnoxii sumus, Συρδρουν & πορυμυρία videatur. Horum autem Symptomatum alia Scorbuticis existunt magis familiara; alia minús.

Art. 7. Prioris fortis rursùm, hæc facultates *Animales* potissimum affligunt: illa funestum *Vitalibus* bellum inferunt: alia organorum publico *nutritionis* muneri dicatorum œconomiam perturbant: alia denique in partes à centro remotiores, quæque *habitu* corporis constituunt, immanè sæviunt. Cuncta ad calculos redigere, opus Jupiter longum esset, & laboriosum: quædam recensere, necessarium, quò tandem de occulta fontis unde dimanant natura, minus incertam faciamus conjecturam. Seligemus igitur, inque catalogum ex ordine conjiciemus, quæ cæteris & frequentius obvenire, graviúsque excruciare solent. Sunt autem sequentia.

I. *Dolores*

1. *Dolores Capitis* diversimode affligentes; tensivi nimirum, punctorii, gravantes; nunc vagi, & incerta post temporis intervalla recurrentes; nunc periodici, ut plurimum vespere insilentes, cum calore febris æmulo conjuncti, & sudationibus matutinis evanescentes. His maximè torquentur, qui Scorbutum ex Hamorrhoidibus Menstruivæ suppressis contraxerunt. Art. 8:

2. *Sopor profundus*, cum insigni spirituum torpore opprimens; qui lentam febrem, nunc quidem continuam, aliquando intermittentem, pro comite habens, cum paroxysmo ingruit, & cessante recedit. 3. *Vigiliis immoderatis* tandem supervinentes *terrores, metus, tristitia*, quin & *deliria*, ut ex improvise invadentia, ita & brevè evanescentia; nec cum morbis acutis, sed lentis conjuncta. 4. *Vertigines* crebrò corripientes, inque Epilepsiam aut Apoplexiam haud rarò desinentes. 5. *Convulsiones* modò universales, modò particulares, cum rigida membrorum contractione; quæ ita interdum invalescit, ut ægri nullum articulum extendere possint, & quasi in orbem incurventur. Nonnullis cardo oris ita rigidus manet, ut inferiorem maxillam à superiori nequeant diducere. Hujusmodi Convulsiones plerumque cum

C 2

febre

febre conjunctæ sunt: & eadem facilitate, quaprehendunt, remittunt, iterumque recurrunt. Item excipere solent vel totius corporis rigores, vel tremores, vel paralyfin modò evanescentem, modò præter expectationem redeuntem. Quibus sibi propriis signis, ut & urinis crassis, turbidis, ac lixivium referentibus, haud difficulter distinguantur ab *Antiquorum* convulsione. 6. *Paralysis*, quæ nunc crura, nunc totum alterutrius lateris occupat. *Differt* autem à *Paralysi Veterum*; quòd affectis aliquis motus remaneat; quòd ex intervallis remittat; quòd non inopinato adoriatur, sed paulatim prius tentet, antequàm sedem figat; quòd sequatur, non tam fixum stuporem, sed Colicam, ventrisque dolores acerbissimos; quòd post invasionem, aliæ partes motibus suis sponte restituantur; aliæ resolutæ maneant, vel ad motus spasmodicos disponantur. 7. *Dolores Hypochondriorum incircumscripti*; modò in lumbos & inferiora corporis, modò per cuncta ejus oberantes: nunc *Nephriticis* similes; nunc *Ἀγδωσιν* seu *Lumbaginem*, aliàs *Tabem Dorsalem*, cum acerbissimis, nec ullum requiei tempus concedentibus circa coxendicis ossa tormentis, inferentes. 8. *Dolores Pedum* circa talos & plantas, macularum sæpius

piùs prodromi, & ob tenuitatem materiæ morbificæ; partes quasi penetrantes. 9. *Arthritis vaga*, cum levi paralyfi conjuncta; quæ cum dolore cessat, cum dolore redit, & in eandem partem cum dolore migrat. Est etiam huic Arthritidi scorbuticæ hoc peculiare, quòd si loco maximè dolenti vivus imponatur Lumbricus, exsiliat, circumgyretur, incurvetur, tabescat & emoriatur, ut haud pauci experimento plus semel factò se deprehendisse ferunt. 10. *Dolor crurum*, qui tensivus, obtusus, $\delta\pi\sigma\kappa\alpha\theta\epsilon$, in profundo latens, sub noctem ingravescens, mane post sudatiunculas mitescit. 11. *Ventris dolores*, usque eò immanes, ut ipsum lancinando ac distendendo peritonæum disrumpere videantur; imò & quibusdam reverà dilacerarint. Vexant non continuo, sed ex intervallis; ad quadragessimum usque diem, & ultra nonnunquam extenduntur; non solum colli ductu circumscribuntur, sed huc illuc per universum abdomen discurrunt; distensionis sensum potius secundum longitudinem, quàm latitudinem inferunt; ventrem non tam attollunt, quàm cum umbilico introrsum revellunt, ut is lumbis quasi annexus videatur; solutâ alvo, flatibusque per inferiora explosis, neutiquam mitigantur; interdum in paralyfin desinunt; est & tempus,

De Ingenio & Comitibus Scorbuti.

quando intestinum etiam rectum superiora versustam validè retrahunt, ut nihil plane nec prodeat, nec intromittatur. Quibus indiciis, dolor ventris *Scorbuticus* à *Colico* facile discriminetur.

Art. 9. *Secundam* classem constituunt Symptomata *Vitalibus* præcipuè infesta: & in his recensitu dignissima sunt. 1. *Pleuritis Spuria*; in qua dolor, etsi non minus atrox quàm in vera & genuina succingentis thoracem membranæ inflammatione, non tamen æquè continuus est, nec tussim aut sputi expectorationem, nequè etiam pulsum durum, sed parvum, mollem & inæqualem, sibi conjunctum habet. Febris item, si adjuncta est, non acuta, sed lenta existit. Adhæc, respirandi libertas parum imminuitur. 2. *Respiratio difficilis*, & pectoris angustia interpolata; quæ absq; stertore, sibilo & tussi afficit; interdum adeo augetur, ut Lipothymiam minetur, & caliginem oculis offundat, ægrosque in vitæ desperationem conjiciat; idque frequentius post vehementiores corporis animæque motus. 3. *Καρδιακὴ παλμὸς*, *Cordis palpitatio* & *Lipothymia* frequens: quarum utraque in quiete intermittens, maximè corripit è lecto surgentes, vehementerque exasperatur immodica exercitatione, æstu, balneis,

balneis, venere, crapula, & excandescencia; posterior verò interdum usque eò effera evadit, ut repentina morte extinguat. Alterutra ubi in parvo ad sensum morbo affligit, certissimo Scorbuti indicio sit. 4. *Febres* multigenæ; nunc lentæ & continuæ; nunc intermittentes; frequentissimè ex continuæ & tertianæ typo mixtæ; semper ab aliis febribus quadantenus differentes. Nam frigoris sensus sæpe ad sex vel septem horas extenditur, antequam ardor erumpat: pulsus præter rationem febris tardus est, debilis, inæqualis, in declinatione; circa vigorem, durus & magnus; urina, qualis Scorbuto peculiaris esse infra dicetur: ingruente paroxysmo, plerumque adsunt membrarum crurum, dorsi, lumborum, aliarumque partium vellicationes in tantum molestæ, ut ægroti carnes sibi ab ossibus divelli ac dilacerari exclament: aliquibus dorsum intus ad spinalem usque medullam algere videtur, reliquo corpore interim caloris excessum patiente; & vice versâ: aliis superveniunt motus convulsivi, lethargus, dolores erratici, & id genus alia Symptomata cæteris febribus rara: denique febres Scorbuticæ haud rarò in alios morbos nec opinatò mutantur.

Art. 10. *Tertia* classis sunt Syptomata, quæ functiones *Naturales* dictas, quo minus inculpatè suis muneribus perfungantur, impediunt. In his, heic memorari præ cæteris merentur. 1. *Deglutitio lesa*, cum *strangulationis* metu, cibum sumpturis acerbissima; ex constricto, vel superiora versus retracto per halitus acerbos & austeros œsophago. 2. *Vomitus*, seu potius inanis vomendi conatus, nullam ventriculi gravitatem, nullum dolorem antecessorem habens; præter rationem & spem remittens, denuoque ex improvise recurrens; adstringentium vim eludens; sed lacti, emulsionibus, aliisque acrimoniam humorum demulcere aptis natis facile cedens. 3. Πτυαλισμὸς seu *Salivatio prodigiosa*, haud multo inferior illi quam Hydrargyri inunctio excitare solet lue venerea infectis. 4. *Alvi fluxus* tam *diurnus*, quàm *nocturnus*; quo ejiciuntur fæces compactæ, sed copiâ cibum excedentes, coloris varii, nunc herbacei, nunc cinerii; magis confertim, quàm in diarrhæa vulgari erumpentes: nonnunquã etiâ *sanguinolentus*, sed sine torminibus intestinorum, & cum alijs Scorbuti criteriis. 5. Ἐραδύνησα διαχώρασις, *tarda atque pigra alvi dejectio*, qua fæces & cibi reliquiæ rarò, nec pro assumptorum ratione

ratione descendunt. 6. *Hæmorrhagiæ* ingentes, ex uteri, ani, narium, pulmonum, ventriculi, crurum, labiorum arteriolis inconspicuis erumpentes, nullumque aperturæ vestigium post se relinquentes. 7. *Urinæ insigniter variæ*; initio *tenuēs & citrinæ*, materiâ tartareâ in viis quas præterlabuntur subsistente: nunc *crassæ & albescentes*: nunc, humoribus magis adhuc corruptis, *rubræ*, & propter uberiores falsedinis adustæ admistionem, lixivii more splendescentes, cum crustula salis fluidi innatante, aut matulæ parietibus affixa. Interdum *turbidæ* sunt & permanent: aliàs clarescunt, *rubrumque sedimentum*, quod farinam latericiam refert, ad fundum deponunt: nonnunquam multa cruda & pituitosa recrementa supra sedimentum suspendunt. His verò, quibus hæmorrhoides suppressæ malo occasionem dedere, guttatim cum dolore & ardore exstillant; & materiam tartaream, mucosam, salisam & subnigricantem continent.

Quarta denique legio ex iis constat Scorbuti militibus quasi auxiliaribus, qui signa defigere solent in partibus ad habitum corporis spectantibus. Horum primipilares sunt. I. *Exanthemata* seu *maculæ* crurum, dorsi, pectoris, aliarumque partium cutim

vario

vario sparsim stigmatē fædantes: primo *rubicundæ* & pulicum morfibus perfimiles; aucto deinde malo, *purpureæ*, *sublividæ*, *nigricantes*: interdum mox ab eruptione *disparentes*; interdum ad plures annos, quin & mortem usque *infixæ*; aliquando tam indomitæ malignitatis, ut in *squam-*
mæ nunquam extirpandas, imò & *gangræ-*
nam & *sphacelum* abeant: nunc plures; nunc pauciores: semper quo magis ad nigrorem vergunt, eo peioris ominis: adultis ut plurimum infestæ; in senio jam prope confectis *ulcerosæ*. 2. *Tubercula dura* undique dispersa, & *tumores magni*, in *inguine*, cæterisque glandularum sedibus fixi; ægris dum ambulant, indolentes; quiescentibus inquieti & luctuosi: ubi subito erumpunt, moxque ad interiora se recipiunt, brevī successuram minantes paralyfin, ob materiæ in nervos metastasin: *Pepasmi* ferè incapaces: tristemque excipientes vitam, ut Gallici *luxuriosam*. 3. *Erysipelas* (illa nempe *Phlegmones* species quam à rubro roseoque colore Germani *die Rose* vocant; nostrates verò nunc *S. Anthonies Fire*, à summo ardore quem infert; nunc *a Blast*, hoc est, *syderationem* seu venenatæ auræ afflatum, satis ineptè appellant) quod cum horrore, magno languore & anxietate, nonnunquam & levibus animi deliquiis invadit

vadit; de loco in locum migrat; sæpe singulis ferè septimanis, interdum menstruatim, aliàs non nisi semel in anno efflorescit. 4. *Ulceræ*, crurum, furarum, faciei, pudendorum &c. carnes exedentia: non pus, non saniem proferentia; aut sicca ut plurimum, crustosisque & ad livedinem tendentibus labiis circumscripta: imò maligna etiam, Telephiisque ob insanabilem virulentiam æquiparanda: item in Carcinoma aut Gangrænam aliquando desinentia. Hæc atrabilariis (ut Medicorum vulgo dicuntur) tum magis familiaria, tum maximè funesta perhibentur: forsàn quòd talibus insint succi austeri & caustici. 5. *Pedum Tumores* œdematosi, duri, renitentes, cum tendinum aliquali rigiditate; illos cum primis, quibus Hypochondria crassis humoribus repleta sunt, vexantia. 6. *Hydròps*, qui & cum duriori ventris, hepatis & lienis tumore, & cum respirandi difficultate majore (quæ post Catharsin ingravescere solet) quàm aliàs affligit. 7. *Gingivarum intumescencia, laxitas, putrefactio, cruentatio*; unde dentes nunc nigredine quasi siderantur, nunc vacillant, ipsorum alveolis ab ichore subacido occupatis, & nonnunquam exesis; & *halitus oris* adeo *mephiticus*, ut ne bestię quidem ferre possint. 8. *Atrophia universalis*, ex succi

28 De Ingenio & Comitibus Scorbuti.

fucci nutritii tūm inopia, tum incongruitate; & ob vitiosam diathesin, partibus ipsis nutriendis, temporis processu, impressam.

Art. 12. Atque ita tumultuariè strictimque lustrato morborum & Symptomatum agmine illo, quod ex iis quæ & frequentius Scorbutum comitari observantur, & malignum ipsius ingenium clariùs indicant, constitutum esse diximus: proxime sub uno pariter aspectu ponenda veniunt & ea, quæ inter *rare contingentia* recensentur. Hujus igitur comitis sunt. 1. *Scabies* aspectu foedissima, ex succo nutritio summè depravato, sordesque in cute relinquente: & 2. *Cæcitas Subitanea*, ex iisdem impuritatibus à circumferentia corporis in cerebrum, indeque in nervos opticos versis; cum summa pectoris angustia, difficili respiratione, & urinis turbidis, subruissis, nigricantibus conjuncta: interdum præter spem evanescens, & post quadriennium inexpectatò recurrens. Cujus bina extant exempla apud *Cl. Sennertum, lib. de Scorbut. cap. 4.* 3. *Icterus cum Hydrope Ascite, Asthmate & Favis* universum caput obsidentibus: observante doctiss. *Doringio* apud eundem *Sennertum.* 4. *Crepitus ossium*, ad quosvis articulorum motus & inflexiones; qualem ex commotis & collisis sceleti ossibus

ossibus, aut nucum corticibus inter dentes contractis audimus. Symptoma sanè admirandum, plus semel tamen Medicis notatum: testibus D. D. *Timotheo Ulrico*, quem citat *Sennertus*; & ornatiss. Collega nostro, D. D. *Willisio*, in lib. de Scorbuto.

5. *Ossium fragilitas* tanta, ut sine aliqua vi externa incidente seu contundente, sine ullo impetu inter movendum impresso, nunc brachii, nunc femoris ossa quasi sponte transversim diffiliant. Exinde fortassis, quòd ossium substantia & compages insigniter quidem, sed vix explicabili modo, corrupta sit, ferèque dissoluta; ab acribus, acido-salinis, & aquæ Stygiæ corrosivam facultatem æmulantibus humoribus, in eorum cavitates ac porulos, alimentaris succi loco, sensim importatis. Monstri hujus dignissimas lectu historias æternitati commendarunt *Marcellus Donatus* (de hist. med. mirabil. lib. 4. cap. 5.) *Schenckius* (lib. 5. observ. 8.) *Fabric. Hildanus* (cent. 2. observ. 68.) & alii, quos viritim hic citare, satietatem afferret & nauscam.

Sunt insuper & alia aliquot, nec supra enumeratis prodigiosa minus, symptomata, quibus immanis, & tantum non pestilentialis hic morbus noster, genii sui pravitatem, ut ut sub alienis larvis latentem, nonnunquã subindicasse, imo & detexisse traditur. Sed
reliqua

reliqua studiose omitto; ne in re dudum jam perspecta nimius sim, & quia summa sequor fastigia rerum.

Art. 13. Æquum est tamen, antequam ad alia progrediar, paucis admoneam; *non eadem Symptomata omnibus esse communia; non omni tempore eadem pati singulos.* Sunt enim, sicut aliorum morborum, ita pariter & hujus quasi gradus quidam: & in his, nondum crevit ultra sui principium; illis, in augmento est; in aliis usque eò viget ut ad summum jam tum dicatur tyrannidis suæ fastigium seu *ακμή* ascendisse: & pro *temporum* horum varietate, variant quoque Symptomata. Quæ proinde nunc pauciora & mitiora, nunc plura & graviora infestant. Sunt etiam hominibus *temperamenta* magis adhuc inter se diversa. Sunt item insigniter ab se invicem discitepantes causarum tum procatarcticarum, tam conjunctarum *Συνζυγία*, *combinationes*, & *apparatus* ad Scorbutum. Et ex tanto utrinque discrimine, nil mirum est, diversis subjectis ingentem Symptomatum diversitatem exoriri. Adhæc, diris Scorbuti effectibus nil solennius est, quàm excruciare per periodos; ipsisque etiam individuís, in quos recurrunt, mutatâ sui specie, illudere; ut vix eos lem esse agnoscantur

scantur. Non est ergo, quod quis aut e-
osdem in omnibus, aut semper ejusdem
moris aliquos in quovis expectet repe-
rire.

Jam verò sic descriptis per compendium
Scorbuti malitiâ militiâque, quibus huma-
ni generis sanitatem, nunc latenter qui-
dem, velutique ex insidiis; nunc aperto
Marte aggreditur atque devastat: quid lu-
cis inde nobis effulserit, ad investigandam
ipsius essentiam, tot difficultatum tenebris
absconditam, hic conjungere consenta-
neum arbitror; atque vindemiatio secun-
da instituenda est. *Porismata* igitur *bina*
ex jam enarrata Symptomatum Scorbuti-
corum historia sese colligenda offerunt:
quorum alterum plerique medicorum pro
indubitato amplectuntur; alterum, ad-
huc paradoxum est, ideoque ulterius suo
loco ventilandum.

Prius est, Humoris illius (qui & qualif- Art. 14.
cunque demum is fuerit) unde ortum su-
um & specificationem Scorbutus ducit, hanc
esse naturam & conditionem; ut cum Ner-
vis, horumque progenie inimicitias gerat
exerceatque graviores, quàm cum cæteris
quibuscunque universi corporis partibus. Si
quis enim oculos suos in prælongam istam,
quæ præcessit, Symptomatum seriem at-
tentius

32 De Ingenio & Comitibus Scorbuti.

tentiùs reflexerit; menteque singula eorum seriò & citra præjudiciū pensitaverit: perpauca sane tanto ex numero inveniet; quæ non ad cerebri & spinalis medullæ, aut enatorum ex utroque nervorum, aut membranarum denique ex nervulorum fibrillis contextarum molestam irritationem & læsionem commodiùs referantur, quàm ad quarumlibet cæteris ex partibus offensiones: manifesto satis indicio, acrem atque internecinam esse cum nervoso potissimum genere Scorbuto hostilitatem.

Art. 15. *Posterius est, Causam Scorbuti continentem & proximam, non in hoc vel illo ex visceribus, tanquam in propria sui minera, stabulari: sed per universum corpus diffusam, vel sanguini, vel succo Nutritio, vel utrique (licet fortasse non ex æquo) primariò inherere. Theorematis hujus partem priorem pleraque ex symptomatibus clarè evincunt: utpote quæ non huic, non illi, seu visceri, seu membro, speciatim & præ cæteris affixa manere solent; at de uno in aliud licenter migrando, sævire in cuncta. Ut universalia (successivè saltem) quàm alicui ex partibus propria, rectiùs vocitari mereantur. Et ubi universalis morbus est, ibi causam quoque esse pariter universalem*

universalem necessum est. *Posteriori* fidem faciunt ubicunque præsentes isti humores, *Sanguis* scilicet, & *Succus Nutritivus*. Præter hos enim (excepto tantum *Lymphæductuum* liquore, qui tamen partim ex sanguine, partim è succo alibili scaturire creditur) nil prorsus superest in corpore nostro perenniter discurrens per totum, quod *Miasmati* Scorbutico potest pro subjecto in hæfionis simul & pro vehiculo inservire. Ratum igitur esto, Scorbuti causam materialem per cuncta corporis moveri atque diffundi: idque vel cum uno ex dictis humoribus, vel cum utroque commistam atque confusam. Sed utrum huic, an illi copiosius & frequentius admisceri soleat, non hujus loci est disceptare: proindeque sufflaminanda tantisper. Lectoris super isto quæsito curiositas, donec eò exercitationis hujus perveniamus, ubi magis opportunum nobis fuerit, viritim solvendis *Quæstionibus* Scorbuticorum præcipuis immorari.

CAP. III.

De causis Scorbuti Remotioribus & Externis.

SUMMARIUM.

Artic. (1.) Nondum luci expositam Miasmatis Scorbutici essentiam, & ὡς ἔστιν rite perscrutatus, exordiendum esse, ab ipsius causis remotioribus & externis: & quare. (2.) Causarum istarum in tria genera digestio. (3.) Quæ primo sub genere comprehenduntur. (4.) Aeris vitia quæ ad generandum faciant Scorbutum: & quomodo unumquodque ex iis eò conducatur. (5.) Quæ istorum contrarietates quoque spectet. (6.) Quemadmodum Motus corporis, sive excessu, sive importunitate culpandus, idem malum producat. (7.) Quies item nimia, ut Scorbuti parens fiat. (8.) Consimilis maleficii accusantur somnus etiam & vigiliæ modum excedentes. (9.) Eodem notantur crimine quoque consueti diutius intermissæ recrementorum quorundam Evacuationes. (10.) Maxime verò

verò in jñs vocatur Tristitia. (11.)

Ut oriatur Scorbutus è noxiis morborum nonnullorum reliquiis. (12.)

Esse aliquot eidem cæteris magis obnoxios, ob secretam quãdam inordinatior. (13.)

Propositiones quãdam, ad illustrandam Contagionis morbiferæ rationem necessariò præviæ; (14.)

accommodantur ad præsens quæsitum, de modo Scorbuti per effluvia contagiosa propagandi. (15.)

Effluvia illa vim fermento analogam obtinere; constarèquæ maximam partem ex

Sulphureis atque Salinis particulis, jam exerto motu ferventibus. (16.)

Conjectura, de affinitate illa quæ Scorbuto cum Luc Indica observatur interesse.

AD naturaliter comparandam de re qua- Art. 1.
libet scientiam unica via patet; quã nempe à notioribus ad minùs nota, & à manifestis ad obscuriorum notitiam ratiocinando progredimur; est Aristotelis (*Physic. lib. 1. t. 2.*) pronunciatum. Nobis igitur in Scorbuti genesin & essentiam (quantum valet pauxillum illud ingenii, quo præditi sumus) inquisituris, per viam inductionis; consultissimum videtur, ab ipsius causis remotioribus & externis exordiri. Hæ enim, vulgi etiam docente experienciâ, notiores existunt proxi-

mâ & continente; quæ post anxias eruditissimorum Medicorum indagines, lumen adhuc & doctrinam desiderat. A notioribus itaque auspicanda, isthæc disquisitio est. Hinc enim sperare licet nos tandem aliquando de natura abstrusissimi illius humorum *Miasmatis*, quod Scorbuto peculiare & proprium est, feliciori nonnihil augurio divinatuos.

Art. 2. Quæ ad Scorbuti generationem remotiori quidem, sed evidenti maleficio conducere observantur; sunt omnino vel 1. Eorum quibus necessario sustentandæ vitæ causâ uti cogimur, vitiosæ dispositiones: vel 2. Morborum præcedentium reliquæ: vel 3. Haustum ex commercio & consuetudine cum jam inveterato Scorbuto infectis contagium.

Art. 3. Sub prima classè comprehenduntur res *Non-naturales* Medicis dictæ; aer nempe quem inspiramus, *cibus & potus, motus & quies, somnus & vigiliæ*, quæ excernuntur aut subsistunt, & *animi pathemata*. De quibus singulatim inquirendum, qua ratione, quôtque modis corpus nostrum possint adeò in pejus immutare, ut exinde, tanquam ab infauſto seminio, *Cacochymia Scorbutica* subnascatur. Et ab ambiente quidem

quidem *Aere* exordiendum; ut qui in
 τῷ ἔξωθεν προσπαρόντων, seu foris incidentium
 genere, primum in hac *Scena* sibi locum
 vendicat.

Vitæ ipsius rationem (quantum con- Art. 4.
 jectando assequi fas est, quippe hîc ἐκάζομεν
 duntaxat, ὃ μαρτυρούμεθα) in sanguinis &
 πνεύματι, & πνευματώσι præcipuè positam esse
 vel saltem ab utrâque necessario pendere;
 summè consentaneum est. Nec minus
 credibile videtur, *Aerem* inspirando in
 pulmonum penitissima exceptum, inibi-
 que cum permeante simul sanguine com-
 mistum, ei majorem tum fluiditatem,
 tum ad proferendos suo ex penu spiritus
 vitales promptitudinem (ut de purpurea
 ipsius tinctura nunc sileam) elargiri: id-
 que beneficio, particularum illarum *Nitro-*
sarum, quibus ipse prægnans est, quæque
 pro eximia sui tenuitate, penetrabilitate,
 mobilitate, & ad expansionem proclivi-
 tate, sanguinem blandis quidem, & spi-
 rituum sublimationi convenientibus, sed
 velocioribus motibus exagitent, & tum mi-
 care, tum quasi fermentescere cogant. Item
 verisimile videtur & illud; ejusdem sangui-
 nis impuritates quasdam ex intimis pulmo-
 num recessibus, per tubulos pneumaticos,
 unà cum inspirati aeris reliquiis, inter ex-

pirandum explodi; tam densis utique agminibus, ut conjicere fas sit, ἀδύνατον illam διαπνοήν (quæ tamen, dum frigore cælum horret, ἀδύνατον non est) non minore forsitan proventu è pulmonibus solis, quàm è toto reliquo corpore prodire. Cæterùm quoties in aere vitiosum quid inesse contingit, unde is minùs aptus evasit usibus his respirandi ritè explendis; toties sanguini deest requisita ad ipsius perfectionem puritas, micatio, & spirituascentia. Ita ad Scorbuti genesin facit aer, ubi vel excedentibus modum frigore & humiditate densatus est, vel aliunde exceptis inquinamentis corruptus. Unde usu venit, ut locis Boreæ patentibus, uliginosis, palustribus, lacustribus, maritimis Scorbutus maximè familiaris sit. His enim circumfusus aer utplurimum Aquilonius est, frigidus, humidus, crassus, falluginosus, maris vaporibus & exhalationibus, & id genus aliis inquinamentis gravis; qui inspirando attractus, sanguinique admixtus, eum crassiores, fixiores, & ad πνευματώτερον concipiendam inhabiliorem reddit. Et inconspicua cutis spiracula constringendo constipandoque, perpetim ex sanguinis flumine exsurgentes halituum nubes, aliàs per transpirationem insensibilem evoluturas, reprimat, introrsumque repellit: quæ
 sic

sic retentæ, in sanguinem mox revertunt, eumque & mole adaugent, & incongruis recrementorum reliquiis inquinant. Huc faciunt quoque insalubres adium calce recens obductarum expirationes; & in Carcerum, fornicum, speluncarumque angustiis conclusus, nec solutus syderum luce aer. Qui gravi humore passim intersperso piger, omnique ferè vi *Elastica* seu expansiva destitutus; utrumque sanguinis motum, *circularem* nempe, & *Diastalticum*, impedire atque retardare aptus est. Hincque fit fortassis, ut non solum Dyspnoici, verum & prosperâ valetudine utentes, humidis tempestatibus ægriùs spirent: hocque, vel quia pulmones ab uvido cœlo magis infarciuntur; vel quia Atmosphæra forinsecus thoraci gravius incumbit; vel saltem ob utriusque causæ concursum. Non fuit itaque de nihilo quod Medicinæ parens, *Hippocrates*, Ἀσθενέων Ψυχὴν αἰεὶ φέρεται, *animam humanam semper nasci*, pronunciavit: quodque *Aristoteles* pariter sensit, τὸ ζῷον ἐν τῷ ἀναπνεῖν καὶ ἐκπνεῖν, *vitam ipsam in hauriendo, ac reddendo spiritu sitam esse*.

Aeri proximè succedunt *cibus & potus*, Art. 5. quorum vitia, ad morbum hunc producendum, pari, ne dicam majori maleficio conferunt. *Experientiâ* enim compertum

est, Scorbuto præ aliis maximè tentari eos, quibus alimenta sale ac fumo indurata, crassa, viscida, terrestria, nautica atque id genus alia, quæ nec facilè digeri, nec ad statum summæ fluxilitatis citò perducì norunt, diutino in usu sunt; seu ex meliorum penuria, seu in crapulæ lenocinium. Idem malum incurrunt etiam, qui pane ad perennitatem bis cocto, nec probè asservato, vel ex submucido & ad putredinem vergente frumento confecto, per egestatem vescuntur: quoniam hujusmodi panis, ut propè exsuccus est, & perpauci alimenti; ita & excrementis abundat crassis, fixis, neque à Chylo venas Lactæas demum ingressuro nisi difficulter separandis. Item quibus vina Polygophora, & spiritus ardentés sunt in deliciis: utpote ex quibus confertim scaturientes particule Salinæ & Sulphuræ, Sanguinem, Succumque Nutritium foedâ ranciditate inficiunt. Adjice & illos, qui Oxygari, omphacii, acetariorum, aceti, &c. ejusdem commatis condimentorum usu, languenti per luxum stomacho malè consulunt. *Acida* quippe omnia, dum Chylum & sanguinem acore imbuunt, strenuè faciunt ad productionem *Melancholiæ Hypochondriacæ*; quæ *Scorbuto* adeo affinis est, ut non nisi gradibus quibusdam ab eo differre videatur. Sub
eodem

eodem censu cadunt insalubres *potus*, *aquæ* nimirum corruptæ, crassæ, faculentæ, graves, subfalsæ; vina acida, turbida, subauftera, pendula, rancida; *Cerevisia* novella, minus rectè cocta, infermentata, vitioso ex Malto parata, vetustate acefcescens, aliòve ullo modo corrupta. Horum nempe omnium materia ita comparata est, ut faculentis, crassis, melancholicis, ac tartareis, *i. e.* falso-terrenis succis originem atque fomentum præbeat; & illam quam in alimentorum concoctione *Hippocrates* cum Natura exigit, ζύμωσις & μετασυσμυς seu πρὸς μείωσιν, impediat: iisque nominibus Cachexiæ Scorbutiæ fundamenta ponat,

Tentio loco veniunt *Motus* & *Quies*, su- Art. 6,
a quoque Symbola infauſta nonnunquam ad *Scorbuti* productionem conferentes. In *Motu* autem commissi errores, in ipſius vel *excessu* consistunt, vel *importunitate*. In *Excessu*, ubi corpus vel nimis violento, viriùmque ἐνδογίαν transcendentem; vel diutius quam par est continuato labore exercetur. Utròque enim in casu, spiritus tum Vitales, tum Animales (hoc est, purissimæ, subtilissimæ, mobilissimæ, atque ad summum fluxilitatis gradum jam tum erectæ sanguinis particulæ) dissipantur & exhauriuntur. Unde & u-
niversa

niverſa ſanguinis maſſa citò depauperatur, Nervorúmque roſcidus liquor, nutriendis partibus comparatus, rapidè colliquatur & abſumitur: in utrinque ſucceſſuri Scorbuti apparatus; quemadmodum ex brevì dicendis luculenter conſtabit. In *importunitate*, quum exercitio nos malè multamus intempeſtivo; mox à paſtu nimirum, vel dum pravis ſuccis adhuc corpus ſcatet. Hinc enim efficitur, ut Chylus ex dimidio tantum coctus, nec dum ab excrementitiis ſuis partibus ſat repurgatus, in Meſenterii glandulas, indèque per ductus *Pecquetianos* in ſanguinis ad cor redeuntis conſluvia rapiatur; unà cum aliis, ſi quæ in viſcerum confiniis exiſtunt, impuritatibus: unde corruptâ ſanguinis puritate, exoritur Cachexia, & obſtructiones, Scorbuti haud rarò parentes. Sapienter itaque *Galenus* (2. de Sanit. tuend. cap. 2.) Non debet, inquit, cum adminiſtratur exercitium, crudi incoctique cibi, aut ſucci multitudo, vel in ventriculo, vel in vaſis contineri: unde periculum ſit, ne priùs quàm per maturam coctionem utilis ſit, in omnes animalis partes rapiatur.

Art. 7. Quies verò nimia, ſeu plùs æquo intermiſſum corporis exercitium, multo frequentius

quentius, & pluribus utique modis Scorbuto sementem facere solet. Scilicet, *Chyli* per angustissimos Lactearum anfractus distributionem remoratur; *Sanguinis* circuitum, fluiditatem, micationem impedit, utriusque familiæ *Spiritus*, vitæ putà & functionum animalium præsides, crassos, torpidos, adque se expandendum ineptos reddit; & impedimento est, ut neque *Succus Alibilis*, per imperceptibiles quidem, licet apertos Nervorum canaliculos, in partes exinde reficiendas satis liberè dispensetur; neque ejusdem superfluitates ad Glandulas sive *Emunctrices*, sive *Reductrices* tempestivè, regerantur. His autem de causis, necessum videtur, ut uterque liquor, sanguis nempe, succusque Nervosus, à debita sui generositate degener factus, variisque simul faculentis refertus, sensim dyscrasiam subeant excitando Scorbuto opportunissimam. Hinc fit, ut qui delicatè vivunt, magis Scorbuto obnoxii sunt, quàm qui laboriosè, famiæ, viris; urbani, agricolis. Studiosè igitur sibi provideant *Eruditi* (ut otio & socordiâ torpentes, ceu telluris inutile pondus, indignanter præteream), ne dum ad libros anxie sedent, Musarumque sacris noctes atque dies operantur, se in mali hujus, quod vitam sedentariam

tariam

tariam agentibus semper impendet, discrimen infelicitè conjiciant.

Art. 8. *Quartam* in hac tragœdia scenam merentur *Somnus & Vigiliæ*; ex quibus modum supergressis, eadem ferè, atque ab immoderatè usurpatis Motu & Quiete, incommoda Scorbutum minitantiæ emergunt. *Somnus* enim (definiente *Aristotele*) est *Σιένσις τις τῆς ἐγρηγόρευσεως*, quies quædam, & privatio vigiliarum, seu exercitii sensuum: *vigiliæ* autem in ipso sensuum motûsque exercitio consistunt; ac proinde necessum est, ut quæcunque ex diutiùs intermisso corporis exercitio profluere modò diximus mala, eadem quoque à somno diutiùs continuato dimanent; exque vigiliis immoderatis eadem, quæ à nimio motu ac labore.

Art. 9. Heic etiam pro tribunali adducenda sunt, quotquot præter morem in corpore *subsistunt*. Quodocunque enim contingit, ut quodvis eorum, quæ ex naturæ instituto, seu periodicè, seu ad incerta temporis intervallâ, tanquam corporis sanitati non ampliùs utilia, evacuari debent, supra modum ac tempus consuetum retineatur: fieri vix potest, quin Oeconomia animalis inde perturbetur; idque magis vel minus

minùs, pro suppressi humoris indole, proque dignitate partis quam is inundârit. De variis *recrementorum* in corpore humano perpetim subolescentium generibus, deque numerosis *Affectibus*, qui ex eorum singulis consueto diutius retentis suppululare solent; nos olim (*in Exercit. Pathologicis*) ex professo fusèque egimus. Ut cuivis quæ in *Exercitatione nona* libri illius tradita sunt attentius consideranti, haud difficile sit exinde colligere, qua ratione, & quatenus præcipua ex illic enumeratis excrementis, indebitè suppressa, ad *Cacochymiae Scorbuticæ* inductionem facere possint. Hac igitur occasione nobis aliud nil heic addendum restat, præter illud unicum; *communem* nempe rationem, qua suppressæ præter consuetum evacuationes videntur ad *Scorbuti* generationem conducere posse, vel in eo consistere, quòd ita retentæ impuritates, sanguinem juxta ac succum Alimentarem inquinant; vel in eo, quòd eadem publicas vias, interioresque viscerum ductus obstruendo, Nectaris vitalis circulationem motumque expansivum cohibent atque impediunt; vel saltem in *utroque*, ut sæpius usu venit. Ita in foeminis *Mensum*, *Hæmorrhoidumque* in viris suppressio, sæpissimè & occasionem Scorbuto dedit & rudimenta: toto sanguinis

guinis flumine impuritatibus illis, quas ex utero, aut locis sedi vicinis abluerat, quæque menstruatim prorsus debebant eliminari, corrupto contaminatoque. Ita similiter humores, erumpens ex *Ductu Cholidoco* bilis effera, miasmate sulphureo & amarulento interdum inficit, adeoque Scorbuto exinde mox orituro occasionem simul & feminium præbet.

Art. 10. Cæterum in universo rerum *Non-naturalium* ordine, nihil certioris efficaciam est ad homines in Tullianum Scorbuti præcipitandos, quam illa *Animi Pathemata*; quæ *Epicurus* noster (bone Deus, quantus, quam sanctus vir!) generatim retulit ad *Ἀλγίστηα*, & in quibus spiritus & sanguis, proxima Animæ instrumenta, introrsum moventur *Συσταλτικῶς*, i. e. per modum *contractionis*; tanquam de malo quodam præsentis anxietatis, seque ab eo vindicare conanti Animæ suppetias allaturi. Et in hoc genere, ingratiſſimus ille Animæ languor, qui ex opinione mali jam urgentis oritur, quemque *Tristitiam* vocamus, merito suo primas tenet. Nam spiritus intro paulatim retrahit, ita ut sanguis sufficienti eorum influxu destitutus, nec sat agitato ad sui expansionem; lento nimis motu cordis penetralia pertranseat

transeat : utque quasi vincula sentiantur circa cor ipsum, quæ orificia ipsius coarctant ; ac veluti stiriæ, quæ sanguinem congelare videntur. Hoc pacto incrassatus, depauperatus, latóque suo genio exutus *sanguis*, in liquorem effætum, subacidum, & coagulationi pronum degenerat ; eoque nomine insignem *Melancholiæ*, quæ *πρωτον δειπνιον* videtur *Miasmatis Scorbutici* esse, proventum exaggerat. Eadem passio insuper & *Succum Nutritium*, corrupto prius Chylo, generosa atque balsamica sua indole spoliatur, & in illatabilem quasi vappam aut garum transmutat. Est igitur, quod credamus *Engaleno* (de *Scorb.* p. 3.) scribenti, *Quos cum crassiore victûs ratione diuturnior Mæstitia exercuit, de his ægrotantibus se constanter prædicere ausum fuisse, eos Scorbuto vel solo, vel aliis morbis permixto teneri :* & Doctiss. Willisio nostro, qui observat, *homines, propter occasionem aliquam, luctu ingenti percussos, & deinceps diu mæstos, Scorbuticos tandem fieri.*

Quæ hætenus cursim examinavimus, et- *Art. 11.*
si seorsim assumpta, & suo quodque maleficio in corpus humanum agentia, ad Scorbutum in eo producendum sufficiant : multò facilius tamen ac promptius id solent præstare

præstare, ubi *morbis aliquis præcedens*, vitiosum quodvis, nec nisi longo tempore debile sui vestigium, seu sanguini ac succo Alimentari, seu alicui ex visceribus præcipuis impressum reliquit. Ita sæpe *Febribus* tam continuis quam intermittentibus, maximè ubi diuturniores sunt, Scorbutus à tergo succedit: hocque potissimum fortassis ex eo, quòd sanguis febrili incendio adustus, sulphuréque suo puriori orbatus, tum sale in fluorem everso insigniter infectus, in falsum, muriaticum, & lixivii æmulum succum degeneraverit. Hic enim ingratisimo *salsedinis* prædominio subjectus, suoque ita ingenio ad *πνευματώσει* comparato exutus: & ægrè suum deinceps peragit circuitum, & *Miasma Scorbuticum* sibi facilè contrahit; quin & labem suam non solum partibus quas alluit solidis, ast & succo etiam *Nutritio* in ipsas delato, indeque redeunti *Lymphæductuum* liquori sensim communicat. Ita pariter Scorbutus affectionem *Hypochondriacam* sapissimè aut comitatur, aut excipit: Melancholicâ, id est, *acidâ* aut *subaustera* sanguinis dyscrasiâ, tandem in Scorbuticam transeunte. Ita denique nonnunquam è *Chylo*, ob ventriculum malè affectum, fermentove alieno imbutum, imperfectè cocto, aut inter coquendû corrupto

rupto, Scorbutus exoritur: Chyli vitiis tum sanguini, tum balsamico Nervorum liquori mox communicatis. Sunt & alii ad huc morbi ex numero *Chronicorum*, unde malum hoc *πολυγύνης* primordia sua ducere potest & solet; sed infinitus essem, si ipsum ad omnes suos fontes persequerem. His igitur consultò prætermis-
 missis, ad illud cui in isthoc Scorbuti remotionum forisq̃ue incidentium causarum catalogo ultimum assignavimus locum, *Contagium* scilicet, progrediemur; hinc addito priùs, ex abundanti, hoc unico notatu dignissimo.

Esse nimirum nonnullos, qui ad concipiendum intra se Scorbutum ceteris Art. I 2
 sint longè procliviores; idque proculdubio ratione *τῆς ἰσοσυγκρασίης*, qua ludens Natura ipsos donavit. In quo autem ista diversitas dicam, an proprietas fundatur; utrum in quodam corporis temperamento illis peculiari, & miasmati Scorbutico magis affini; an in vasorum Chyli, sanguinis & succi Alimentaris hinc illinc transmissioni inservientium, exilitate & angustia (ob quam crassi ac sæculenti humores faciliùs in iis hæreere atque stagnare possunt;) an denique in alia aliqua fabricæ singularitate: perarduum sanè est, si
 E non

non prorsus impossibile, definire.

Art. 13. Cæterùm utcunque ad Scorbutum disponat latens nos isthæc ἰδιουνοπαθία, equidem quamplurimorum sexu etiam, constitutione, ætatéque & vitæ præterea genere inter se imparium haud levi damno compertum habemus; plures id sibi malum *Contagio*, quàm ex alia ulla ex modò dictis causis forinsecùs advenientibus, contraxisse. Commodum igitur & consentaneum est, hîc strictim exquiramus, *qua ratione morbus hic*, quem suo modo *malignum* esse suprà notavimus, *ab alio in alium*, contagionis *interventu*, *traducatur*. Quod ut feliciùs præstare possimus, rémq; ab ipsis Physiologiæ sanioris principiis paulo altiùs deducere; quædam nobis occurrunt, propositionum loco præliminarium, præstruenda.

Primum est, effluere continuò è concretionibus quibuscunque, ut ut ad sensum solidis, multòque densiùs è corporibus Animantium, corpuscula quædam; quæ in aerem circumfusum excepta, circumcirca veluti nebulam seu Halonem, ad extremum diffusionis suæ, constituunt.

Secundum est, corpuscula ista, seu (ut cum Epicuro nostro rectiùs loquamur)

Atomorum

Atomorum moleculas, concretionum earum, quibus recens decesserint, naturam & conditiones usque eò resipere; ut quæ è corpore insigni aliqua virtute ac efficacia prædito effluxere, eandem ipsæ in se separatim tueantur retineântque illibatam. Omnis enim concretio, majorem utique minorémve energiam sortitur, pro majori minorive particularum quibus constat, mobilitate & activitate. Ita fit (ut *Magnetica & Electrica* transiliam) ut à Sulphureis ac Bituminosis, qualia sunt Succinum, Ambra grisea, Camphora, Bitumen, Moschus, &c. avolantes moleculæ totam viciniam odoribus repleant.

Tertium est, Animalium morbo quovis contagioso laborantium corpora, à se perpetim emittere non solùm vapores sive halitus, quos *Græci* *ροσπῆς ἀποσπῆς* & *ἀποσπῆς*, *morbidas expirationes* vocant; verùm *inquinamenta* etiam quadam velutique semina, *Hippocrati* proinde *μείγματα* & *ἐνίγματα* dicta: quæ originis suæ indolem malignam planè plenèque referentia, ubi se, sive per contactum, sive deferente aere, in corpora quidem alia, iis tamen unde ipsa profluxerint analogia latenter insinuarunt; sensim in ea morbum ejusdem speciei introducere valeant. Id quod in Peste fieri, sole meridiano clarius apparet.

Quartum ultimumque est; Miasmata illa ex integro amulari naturam & activitatem *fermenti* (cujus exigua tantum portiuncula grandi farinæ cumulo admixta, blandoque caloris fotu excitata, totum mox fermentescere facit) parique virtute ac modo agendi insigniri; ita ut corpori cuivis analogo tacite communicata, sanguinem ipsius reliquosque humores in sui naturam convertere possint, eoque pacto eidem morbum inducere ejusdem speciei cum illo, quo prius affectum corpus, unde dimanarint, laborabat.

Art. 14. Jam verò in medium adductis his, de ratione Contagii in genere; ad solvendum præsens quæsitum, de modo propagandi ex alio in alium Scorbuti, pressius accedam; remque paucis expediam. Quum igitur Scorbuto graviter inquinata corpora (quippe his solis morbus jam *in facto* esse videtur) à se, jugi fluore, emittant *Miasmata*; quæ licet mole quidem per exigua, maximæ tamen energię sint, & activitatis, ut è fonte maligno expirata; quæ item pravam ejusdem fontis indolem per omnia referant; quæque præterea quamproximè accedant ad naturam fermenti, si vim modumque agendi spectes: cum hac, inquam, ita se habeant, verisimile

mile est, derivari ab infectis in sanos Scorbutum, per subtiliora effluvia de illis in hos transmigrantia; quæ excipientium sanguinem ac Succum Nutritium fermentando alterant, inquinant, maleficoque suo genio sensim quasi imprægnant; sicque Scorbutum denuò producant.

Porro quoniam *fermenti* cujusvis virtus Art. 15.
& energia precipuè, si non unicè, debetur spirituosis illis, tumultuosoque & exerto motu ferventibus particulis, ex quibus moles ipsius, utcunque exigua, maximam partem conflatur; talisque ex mistorum *solutio Sulphure, Salisque* ad summum fluxilitatis apicem deducto, quàm è cæteris ea constituentibus principiis, copiosius multo emergere, notum est: videtur sanè verisimillimum, *Scorbuto* proprium illud ac peculiare *Miasma*, cui vim & efficaciam fermenti morbiferi attribuimus, & ex hujusmodi *Sulphureis* atque *Salinis* particulis, actu jam tumultuantibus, motuque subtili æstuantibus, constare; totumque contagii opus moliri ac perficere, non aliâ, quàm quæ ab iis solis exeritur, potentia & energia. Hæcque insignis adeo est, ut haud multum interesse videatur qua via, quove vehiculo miasma ipsum fuerit ab infectis in sanos translatum; u-

trum nempe à viro in mulierem, aut ab hac in illum, per *tañum* (in coitu) *spermaticum*; an deferente *semine* à parentibus in prolem; an consortio *lactis* à nutrice ad infantem; an per *anhelitum*, *salivam*, *Sudores*, extillantem ulceribus *Saniem*, &c. quæ Scorbuticorum corporibus decedant. Accepto enim semel Miasmate, fermentativam suam mox exercere incipit potentiam in Sanguinem Succumve Nutritium, vel utrumque; quasque in alterutro incurrit *Sulphureas*, & *Salinas* particulas, ut suis *Symbolicas*, supra modum evehendo, universam liquoris massam corrumpit, suoque fascino inficit.

Art. 16. Mirari tamen subit, unde haud raro contingit, tum *lue Venerea* infectorum liberos cæteris degere *Scorbuto* magis obnoxios; tum utrique morbo communia quædam Symptomata esse, ut nonnunquam vel expertissimis Medicis perdifficile sit alterum ab altero distinguere. Nec ænigmatis hujus commodiorem solutionem (arbitror) quis facile afferet, quàm si concesserit, Miasma Scorbuticum quamproximè accedere ad naturam indolémque illius, quod *lue Indica* correptis impressum est, quoque eadem contagiosa fieri nec sine fontica causa perhibetur. Huic enim cum illo magnam

nam intercedere cognitionem & analogiam, ex utriusque effectibus inter se compositis conjectare fas sit. Atque hæc quidem dicta sint de *Scorbuti causis forinsecus* corpori obvenientibus: quas ideo cursim ac leviter pertransivimus, ne aut adstricti ad compendium instituti nostri parum meminisse videremur, aut Lectori tædio esset prolixitas.

CAP. IV.

De Causa Scorbuti Proxima & Continente.

SUMMARIUM.

Artic. (1.) Transitiō à causis Scorbuti Remotioribus, ad Proximan & Continentem, ex eis denique exsurgentem; (2.) quam non semper unam, nec simplicem esse; sed variam & complexam indicat affectuum inde sobolescentium varietas. (3.) Scorbuti tria constituuntur genera præcipua: (4.) quæ ad mentem Divi Hippocratis, quantum res ferat, illustrantur. (5.) Affertur ex eodem Hippocrate textus quidam eximius, magnæque ad dignoscenda Scorbuti natalia momenti. (6.) Inhærecere sanguini alimenterum æquum & iuxta. (7.) Quas in partes heterogeneas sanguis illic ab effusione, analysi spontanea revertitur: (8.) quas exhibet per ignem resolutus. (9.) Dictorum clausula.

Quibus

Quibus ex causis forinsecus corpori ad- *Art. 1,*
 venientibus ortum suum Scorbutus
 ut plurimum ducit, hactenus examinavimus.
 Et proximo loco administranda nostræ hu-
 jus provinciæ pars, in eo potissimum sita
 est, ut factò à notioribus ad obscuriorum
 indagationem progressu, strictiori scrutinio
 inquiramus, quæ ejusdem *proxima* sit, & *con-*
tinens Causa, quam istæ remotiores malefica
 sua in toties memoratos humores, *Vitalem*
 nempe & *Alibilem*, energia producere aptæ
 natæ sunt; seu ut pressius loquamur, quænam
 sit Miasmatis Scorbutici *essentia* & ὁ πηγὴ.
 Hac enim ritè investigatâ, plus lucis simul &
 fidei adstruemus iis quæ deinceps de seria-
 tim solvendis morbi hujus Phænomenis
 præcipuis, deque iisdem ex artis Hippocra-
 ticæ methodo ac doctrina curandis, veni-
 ent dicenda.

Expositis ob oculos effectibus, de cau- *Art. 2,*
 farum natura si non scienter judicium ferre,
 at saltem ratiocinando *πρὸς τὰς αἰτίας* licet:
 & quid quæque vis effecerit, ex ipso ge-
 nere injuriæ intelligitur. Ex permagna
 igitur illa, quam suprà notavimus, Scor-
 buto vel conjunctorum, vel mox super-
 venientium affectuum varietate; fas est
 genuina inductione colligere, ipsum non
 semper ab una aliqua singulari & simplici
 causa proxima exoriri ac dependere; aut
 à mul-

à multiplici, quæ suam *ὑπερξεν* & *ἰσταν*, pro diversa elementorum primiceriorum complexione variat. Quid enim, nisi complexum, pesti adedò *παρασκευ* producendæ sufficiat? In his equidem *sanguini* præcipuè inhæret infausta labes: illis de nectarea sua dulcedine dejectus vitiatur præ cæteris *Succus Nutritivus*: aliis *uterque* ex æquo inquinamenti participes fiunt. Ad hæc, tempus est, ubi utriusque liquoris *Sulphureæ* particulæ, initâ cum fixis ac salinis quibusdam societate, dominium usurpant in cæteras omnes: est item quum ferociunt, & ad tyrannidem aspirant *Salinæ*: danturque plures, quorum in sanguine pariter atque succo alimentari eximius *accor* inauspicatò regnat: Sunt denique in harum unaquaque factionum seu intemperierum varii *gradus*, quibus ab invicem haud minùs diversificantur. Ut tantam effectuum varietatem ab una eadémque dyscrasia, quæcunque ea demum esse supponatur, deducere impossibile videatur: & perarduum, suam cuique efficientem indubitanter assignare. Vix equidem plura *Sulphurum Salinumque* genera in Hermeticorum ergasteriis, quàm in sanguine Scorbuticorum est reperire. Hic enim in his, gravem *Sulphuris* mephitim olet; in illis, ad *Tartari* figentem falsedinem propius

piùs accedit; aliis, stypticam refert *Calcanthi* aciditatem; aliis, *Alumen* simulat; nec defunt quibus à genio suo usque eò abhorret, ut corrosivam *aquæ Stygiæ* atrocitatem induisse reputetur. Et de *Succo* quoque *Nutritio* idem prorsus existimandum. Communia enim utriq; liquori eadem vitia esse necessum est: altero alterum, dum in intimis partium recessibus concurrunt, inficiente. Tot itaque Scorbuti species seu *differentiæ* supponere licet, quot sint vitiosæ sanguinis tincturæ, è diversis salibus, horumque tam inter se, quàm cum cæteris illius elementis primiceriis diversimoda combinatione oriundæ. Omnium non inibimus censum; ne in immensum excrescat dicendorum seges. Et nostro instituto sat erit, paucas, easque eximias à suis usque primordiis qua licet verisimilitudine deduxisse; ut quibus vacat & placet, pro sua quisque sagacitate de reliquis certiori augurio divinet.

Mihi igitur ab effectibus inter se manifesto discrimine differentibus, de causarum diversitate conjecturam desumentem, *tria* Scorbuti genera præcipua videntur constituenda. Unum scilicet, cui pro causa proxima & continente est ea sanguinis intemperies & impuritas, in qua Sulphuræ

phuræ ipsius particulæ, initâ cum paucioribus ex *Salinarum* censu conspiratione, cæteris omnibus præfunt. Aliud, ubi suppresso velutique sub jugum serviliter misso Sulphure puriori, *Tartareæ* seu *Salino-Terrestres* principatum in sanguine tenent, ejusque *πνεύματι* impediunt. *Tertium*, quod ortum suum juxta ac fomentum debet eximio sanguinis *Acori*; quando ad fluorem jam tum adspirantes, sibi-que communi mistionis vinculo associatas cæteras sua libertate multantes particulæ *Salinæ*, universam sanguinis massam infensissimâ imbuerunt *aciditate*.

Art. 4. At tibi fortassis, generose Lector, ingratum est, sic ad factiosa *Chymicorum* elementa revocari: aurêque minus aversa hanc doctrinam accipies, si vocibus tradetur ad dialectum *Hippocraticam* accommodatis. Scias igitur, si ita tibi videtur, *primi* generis Scorbutum posse ad efferæ *Bilis* exuperantiam; *secundi*, ad falsuginosi præpollentiam *Phlegmaticæ*; & *tertii*, ad immanitatem *Melancholiæ* haud incommodè referri. Vide sis tamen, ne ullum existimes ex tribus hisce veterum humoribus, ut ut in sanguine luxuriantem, producendo Scorbutum suffecturum; nisi peculiarem quandam *ἀπὸ τοῦ καυνοῦ*, seu

feu non nisi ab effectu dignoscendum corruptionis modum prius susceperit. Quamplurimi enim viscerum obstructione, & humoribus melancholicis laborant, qui Scorbuto non afficiuntur: & in iis regionibus, quibus biliosi humoris ex aeris fervore collectio est familiaris, Scorbutus ignotus est. Idem insuper & præcipuè apparet ex Scorbuti contagio, quo alii morbi tam biliosi quàm phlegmatici & melancholici planè destituuntur. Sed causæ cardinem hæc non attingunt: magisque expedit, ut ad modò dicta revertamur principia Chymicorum; utpote quæ ad Scorbuti genèsin ritè enucleandam multo plus lucis afferant, quàm cuiquam liceat ex chimærica humorum quadriga Galenicorum haurire. Quod ex sequente rationum contextu luculenter constabit.

Extat apud oraculum nostrum, *Hippocratem*, de morborum primordiis sapienter, & tanquam ex Apollinis dictamine disserentem, textus quidam percelebris, quique præsentī huic nostro de recens assignatis Scorbuto causis scrutinio lucem simul & auctoritatem præferat dignissimus. Sic verò iste, in lib. *de veteri Medicina*. Art. 5.

Ἐν γὰρ ἀνθρώπῳ καὶ πυρετὸν, καὶ ἀλμυρὲν, καὶ γλυκὺ, καὶ ὀξύ, καὶ εὐρυρόν, καὶ πλατύτερον, καὶ ἄλλαν
μυσίαν

μυρία παντοίας δυνάμεις ἔχοντα, πλῆθός τε καὶ ἰσχύος.
 Ταῦτα μὲν ὑμμεψαίνα καὶ κακημένα ἀλλήλοισιν, ἔτε φα-
 νερά ἐσιν, ἔτε λυπία καὶ ἀνθρώπων. Ὅταν δὲ τὶ τοῖον
 ἀπεκριθῇ, τότε καὶ φανερόν ἐστι, καὶ κυρίως δὲ ἀνθρώπων, &c.
 Quorum hanc ego paraphrasin tibi offici-
 osè offero: Cùm animalia ex plantis na-
 scantur, plantæ suum è terra hauriant ali-
 mentum, hæc autem in se Sulphuris, Sa-
 liumque diversorum ingentem vim conti-
 neat: necessum est, ut alimenta quibus nos
 homines vescimur, ἀντικρίδια, ἀκρητα καὶ ἰσχυρά
 ut idem Hippocrates appellat, multa in se
 contineat Mineralium effluvia; quæ cùm
 nullo modo corpori in alimentum cedere
 possint, nec ita immutari, ut in sanguinem
 non deriventur; inibi manentia, morbo-
 rum causæ fiunt. Idque quatenus *amara*,
salsa, *acida*, aut *acerba* sunt, & id genus
 alias δυνάμεις calori nostro insuperabiles ha-
 bent: quumque quid horum à benigni-
 oribus secretum, se manifestat, hominem
 lædendo.

- Art. 6. Post absolutas quam felicissimè ciborum
 concoctiones, adesse tamen & immanere
 particulas quasdam inalterabiles, quarum
 suggestu sanguis imbuitur; ita in promptu
 est, ut disputatione non indigeat. *Chy-
 lo* namque tales inesse, assumptorum in
 vitæ sustentamen qualitatibus diversis un-
 dique

dique respondentes; certissimum est vel ex variis inde emergentium Excrementorum generibus, quorum maturæ evacuationi per cuique convenientissima loca naturæ prospexit solertia. Insunt nempe *terrea, aquea, spiritiosa* seu volatilia, *acida, salsa, oleosa, viscida* & si qua alia sint, *ἄνετον & ἰσχυρά* quæ vocat Hippocrates: quorum ex complexione Chylus conficitur, ventriculo in illa quâ calore, quâ fermento suo subacido inter coquendum agente. Subdita quidem cæteris potissimum *terrea* & *aquea* sunt: *spiritiosa* societatem ineunt cum *acidis*, reciprocæ contemperationis ergò (coercetur enim acidi vigor dulcedine volatili exundante: sicque vini salisque spiritibus per repetita cohobia excuscatatur dulc-aciditas) *acida aqueis* promptè diluta associantur, *salsaque oleosis*, utraque *terrenis* amica: *viscida* verò ab *acidis* atque *salinis* inter se odio plusquam vatiniانو colluctantibus distrahi solita, potissimum *aqueis* immerguntur. Horum tamen nihil non aliquota sui parte remanet in Chylo immutatum.

Sanguini etiam eadem inhærere, Art. 7. quamplurimis experimentis in ipsius tum *spontanea*, tum *Chymicorum igne coacta analysi* factis, extra omnem dubitandi

tandi aleam positum est. In eo enim foras emissio, inque pelvim excepto, evanescente mox spiritu vitali, illius utique conservatore; partes quædam vel ad sensum *heterogeneæ*, & sua quæque in loca seorsim secedentes, conspiciuntur. Primò scilicet à sanguine in *cruorem* transit; paulo post in partes *rubras*, & *albicantes*: partèsque rubræ *superiores*, sunt intensiori *purpura* tinctæ; inferiùs autem sitæ ad *nigredinem* vergunt. Adsunt partes porrò aliæ *viscidiores*, & *fibrosæ*; quæ reliquis *vinculi communis* vicem præstant: aliæ *ichorosæ*, & *serosæ*; quibus coagulatus deinceps *thrombus* innatare solet, quæque inspissabiles ab igne, & coagulabiles ab infuso acido ipsæ existunt. Atque in hoc *serum* sanguis tandem ferè totus dissolvitur. Adest item nonnunquam, maximè paulò post pactum, *substantia* quædam *densa* & *subalbicans*; quæ cum primis grumescens, ac reliquis superiorem occupans locum, gelatinam ex Cornu Cervino, aut albumen ovi crassius planè refert. Hæc non *crudior* (utì voluit *Aristoteles*) non *frigidior* (sicut Medicorum vulgo, pituitæ nescio cujus imagine per insomnia decepto placuit) pars sanguinis æstimanda est; ast pro *nobiliori*, & magis *spiritali* habenda: utì arbitratur *Harvæus* noster

(de

(*de Gener. Animal. exercit. 52.*) duplici præcipue experimento motus. *Primo* quod floridæ & rutilanti parti (quam pro sanguine arterioso *Galenî* sectatores temerè accipiunt) tanquam calidior, & spiritu plenior, supernatet, sedemque supremam in solutione sive partitione sanguinis obtineat. *Deinde* in venæ sectione, sanguis hujusmodi prosiliens (qui plurimus abundat hominibus calidæ temperaturæ, robustis & torosis) longiori filo, impetûque vehementiore (ceu è Syphonè elisus) exsilit: ideoque is calidior, & magè spiritalis debet judicari; quemadmodum & genitura fecundior, spiritibusque refertior æstimatur; quæ longè validèque ejicitur. His *tertium* subjungere licet; *aquosam* nempe, sive saniosam sanguinis partem, igne leviter coctam, in consimilem gelatinam abire: & vice versâ, gelatinam ipsam, corruptione recrudescentem, reverti insaniem. Indicio manifesto, & gelatinam hanc sanguinis partem esse omnium maximè elaboratam ac spirituosam, velutique metam quò reliquæ diuturniori coctione perducendæ sunt: & *aquosam*, licet urinæ forsan materiam aliquam, non tamen *urinam ipsam* esse, quamvis colore illam & consistentiâ æmuletur. Quippe urinæ coctione nunquam densabitur

tur in istiusmodi mucaginem, sed potiùs in lixivium transibit. Atque hæ quidem integrantes sanguinis partes sunt, ex quibus præcipuè compositus est, & in quas per corruptionem denique dissolvitur; imò in quas & *viscerum* etiam, *musculorumque carnes* ipsæ post mortem (ut in iis, qui è patibulo pendent, observare est) paulatim redeunt; ut sal in lixivium, unde ortus est, resolvitur.

At *objicies* forsan; *partes istas non inesse vivo sanguini, sed à morte solùm corrupto, & jam dissoluto.* Dico igitur, dari haud pauca indicia, illas ipsas (forfitan & plures) in sanguinis massa, dum per venas adhuc & arterias circumfluit, contineri. Medicorum nemini sanè non innotuit *expansiva* sanguinis *spirituositas*: coercita quidem cùm communi mixtionis vinculo, tum crassiusculis, aqueisque particulis quibus immerfa est, tum vasorum continentium angustiiis, nè citiùs quàm expedit, avolet; sed ex reciprocante sanguinis *æstu & micatione*, quam & primitùs inceptit, & perpetim instaurat, sat intelligibilis. Hæc autem potissimum *Sulphureis*, summèque *volatilibus* deberi videtur particulis. *Pingue* verò & *oleosum*, calori fomitem continuò sufficit. *Salem* sanguinis vel gustus ipse subindicat: ex alimentis quidem fixum, at requisita digestionem

digestione volatilem effectum. Hunc deprehendisse videtur Acutissimus *Thom. Cornelius*, *Progymnas.* 7. *de vita*; dum tenuissimum quendam halitum in sanguine agnovit; non mente tantum, sed sensu ipso. Quippe ex calente adhuc cruore, acri & salsa quadam mordacitate exhalans hujusmodi halitus, palatum ipsius & linguam feriebat. Istumque saltem ille pro *vitæ Balsamo* accipiendum censuit. Et ex *terrestri* portione sanguini inspissamentum, ex *aquosa* fluorem obtingere perspectum.

Cæterum huic liti de tantuplici sanguinis Heterogenietate dudum jam finem imposuit *Ars Spagyrica*: quæ accuratissimam ipsius *Anatomen* destillando instituit, exitumque felici sapissimè administravit. Nam per ignem resolutus sanguis, vel sensibus ipsis distinctimè agnoscenda - commonstravit ea, ex quibus olim constitutus fuerat. Exhibuit nimirum 1. *Spiritus*, aquæ ad instar vitæ limpidos, subtilitate juxta ac volatilitate præstantes; sed &, ob saltem adhaerentem, valdè acres, & linguæ nariumque vim inferentes punctoriam: 2. *Sulphur*, sub olei nigricantis larva quidam delitescens, gravi autem empyreumate dignoscendum: 3. *Saltem* sumimè fugacem,

fugacem, qui unà cum spiritibus, urgente intensiori igne, ascenderat: 4. *Phlegma*, instar lymphæ, ἀχρυσὸν καὶ ἀπυρόν; quod præcedentia omnia plusquam dupla quantitate excederet: & 5. *Terrestres* particulas, in spongiosum, levique digitorum affrictu in pulverem resolubile *Caput mortuum* coagmentatas: hocque majori quàm inexpertus quis facillè credidisset quantitate. Sed quid opus est tanto experimentorum pondere, cùm hac luce clariùs apparet, sanguinem ex *Chylo* confieri, & Chylum ex *esculentis*; quorum ἀκρυστα & ἰσχυρὰ in utroque liquore, quin & in Succo etiam Nutritio manent immutata?

- Art. 9.* Tantum præliminari verbo de iis, unde sanguis componitur, perpetuòque refarcitur, in statu suo naturali. Sequitur, ut ab eorundem præcipuis irregulariter ad invicem constitutis, & de principatu inter se concertantibus, *triplicem* quam diximus *Scorbuti differentiam* deducere adnitemur.

CAP. V.

*Scorbuti è Sanguinis ranciditate oriundi
historia.*

SUMMARIUM.

*Artic. (1.) Unde fit, ut sanguinem non-
nunquam incessat Sulphurea quædam
ranciditas, in Scorbutum transitura:
(2.) quam conati sunt nonnulli per
illius quæ vinis Sulphure suo distempe-
ratis obtingere solet, analogiam expli-
care; sed incertum an satis congruenter:
(3.) quæque diutina & habitualis
esse debet, ut Scorbuti parens fiat.*

QUoad Primam igitur Scorbuti spe- *Art. 1.*
ciem, quam ad Sulphuris in san-
guine luxuriantis, & cum Salis
nonnihil conjuncti dominium, tanquam
ad proximum efficiens, retulimus; obser-
vandum est, haud rarò contingere ut san-
guinis

guinis massa particulis *Sulphureis* ad excessum usque abundantibus, & dominationem in cætera alimenta exercentibus imprægnata; à naturali sua temperie degeneret, inque liquorem transmigret impurum, præfervidum, biliosum, variisque tumultibus ac effervescentiis obnoxium. Illud ubi contingit, tanta sævientis in omnia Sulphuris potestas est, ut sibi in societatem adseitis aliquot ex numero *Salinarum* (eis scilicet quæ ad statum *fluxilitatis* jam tum propius accesserint) suppressisque simul spiritibus generosis; sanguini universo noxiam quandam brevi inducat *ranciditatem*. Qua is insigniter distemperatus, non solum inutilis ad nobilissimum illum usum, cui ex Naturæ instituto destinabatur, evadit: verum etiam plerisque partium, quas circuitione lustrat, gravis & infestus. In has enim recrementa quædã, seu coagmentatas ex *Sulphure Salæque* moleculas passim dispergit: quæ illas pro peculiari cujusque contextura diversimodè affligant. Quippe in *habitum* corporis extrusæ, *maculis* cum, *exanthematis*, *pustulis*, *tuberculis*, *exulcerationibus* sædè deturpant: interaneis verò affixæ, *Cardiognos* pariunt, *vomitiones*, *diarrhæas*, *dysenterias*, & ejusdem commatis alia Symptomata, quæ vulgò solent mordenti ventriculum

triculum & intestina efferatæ *bilis* acrimoniæ adscribi ; quæque Scorbutum sæpè & comitantur, & indicant.

Hanc Sanguinis *dyscrasiam* sunt quidem *Art. 2.* qui explicarent per illam quam in *vinis*, postquam aliquandiu efferbuère, *ranciditatem* deprehendimus, odore gustûque ingratiſſimam. Scilicet suppositâ vinum inter & sanguinem *analogiâ* quadam, seu affinitate ; de hujus intemperiebus ex vitiis illius sic ratiocinantur. Quemadmodum in *vino*, inquit, particulæ *Sulphureæ*, cum *Salinis* confociatæ, ubi cæteris elementis præpollent, omnem liquorem corrumpunt, spiritibûsque generosis sub jugum missis, odiosa ranciditate inficiunt : ita pariter feres habet quoque in *sanguine*. Et de aliis etiam in sanguine observatis *dyscrasiis*, eundem in modum dissertant, eas cum similibus (ut arbitrantur) alterationibus, quæ vinis obtingere solent, per omnia conferendo. Atqui nondum planè constitit, talem ullam sanguini cum vino intercedere similitudinem, ut seu rectè seu malè habuerint, de utroque paria dicantur. Est autem, quòd alterum suspicer ab altero haud paucioribus momentis discrepare, quàm animal à planta, aut vinum ipsum à lacte : & suspicionis hujus argumenta

F 4

aliquot

aliquot hîc in medium attuliffem, fi licuiffet extra propositum divagari. Hîscetamen Scriptoribus non tam repugnabo, quàm de iis quæ ignoro vel dubito, folertiam ipforum interrogabo.

- Art. 3.* Interim experienciâ compertum habeo, vix generando ifthanc Scorbuto fufficere ranciditatem, nifi *dinturna* fuerit, & *habitualis*. Recens enim, nec novo indies fota pabulo; aut, excretis vigore Naturæ quæ ex Sulphure ac Sale concreverant moleculis, pauculos intra dies extinguitur; aut febrem Synocham accendit, fanguinem inflammando. Neque minùs certum illud eft; eidem maximè obnoxios effe illos, quibus in deliciis funt vina fortiora, aquæ ardentes, caro porcina, pisces Testacei, allio aut pipere condita, id genus alia, afotis in gulæ lenocinium expetita. Ex his enim fanguini exfurgit uberrimus Sulphuris & Salis rancidorum proventus: ficut haud obfcurè colligatur ex eo, quòd pleraque eorum, dum putrefcunt, graviffimè fœtent.

CAPUT VI.

De Ortu Scorbuti è Sale fixo.

SUMMARIUM.

Artic. (1.) Derivatur Sanguinis Μέλνους à fixo Sale, ipsi ubertim admixto. (2.) Analogica ejusdem Cruditatis explicatio. (3.) Scorbutum non ex omni sanguinis cruditate oriri; ast unicè ab illa quæ salis prædominio debetur: (4.) quemadmodum ostendunt Symptomatum ei maximè familiarium rationes, & (5.) remedia eodem affectis summè proficua. (6.) Epitome vulgaris doctrinæ de Fermenti Lienaris generatione, & usu primario. (7.) Nondum satis constare, tale quid in Liene unquam repertum fuisse. (8.) Incertum pariter esse, an ulla sit suppositi illius Fermenti necessitas. (9.) Sanguinem qui Lienem egreditur, eundem per omnia apparere cum ingressuro. (10.) Incongruum videri supposito Fermenti usui, ut non rectè in venæ Cavæ truncum, sed longas per ambages

in Hepar feratur. (11.) Dictorum capita sub uno aspectu posita. (12.) Ingenue-profitetur Auctor, verum se Lienis usum adhuc nescire ; (13.) suam tamen de enigmate illo conjecturam proponere audet : (14.) & falsi Scorbuti originem petit præcipue à diuturno usu alimentorum Sale fixativo abundantium. (15.) Hancque suam opinionem confirmat Halophagorum exemplis.

Art. I. **Q**Uoad secundam speciem, cui pro causa continente dedimus Tartareas impuritates, unà cum Chyli tributo in publicum vitæ thesaurum, sanguinem puta, investas, ejusque *πνεύματ' ὄντι* repugnantès ; non est quòd longâ rationum catenâ utamur ad hujus genesin elucidandam. Nemini enim in eruditis Modernorum Scriptis Pathologicis diligenter versato novum aut obscurum esse potest, plurimùm facere ad Scorbutum sanguinis *μέθυσις* sive cruditatem : quæ vix aliunde quàm à *Salino-terreis* cruditatibus seu fæculentiis sanguini copiosè admistis oriri videtur. Talium enim de natura est, ut cæteras omnes sanguinis partes figendo detineant in statu cruditatis : unde fit ut universa illius massa in falsum & gari æmulum liquorem brevè degeneret,

Quàm .

Quàm sanguinis essentiaè necessaria sit *Art. 2.*
meteorizatio, vel exinde liquet; quòd ipse-
 met modus sanguificationis aliud nil esse
 videtur, quàm advecti noviter in sangui-
 nem Chyli à cruditatis sive fixationis sta-
 tu ad statum fusionis seu volatilitatis
 processus; quo spiritus ejus, qui antea fixi
 & depressi jacebant, jam exaltantur, &
 ad summum expansionis gradum promo-
 ventur. Interverso igitur isthoc processu,
 necessum est ut non tam verus sanguis,
 quàm liquor quidam impurus, crudusque
 & Scorbuticæ indoli proximus fiat. Cru-
 ditatem hanc quadantenus exprimunt
Mustum, Cerevisia novella, Hydromel, alii-
 que liquores ex heterogeneis particulis
 constantes. Hi enim, ante debitam sui
 fermentationem, nihil spirituum elargiun-
 tur: nec ullâ cum suis recrementis pugnâ
 initâ, prorsus insalubres manent. Haud
 disparis immaturitatis sanguinem in hoc
 casu esse puto. Non quòd istos liquores
 amissidem sanguinis velim: ast similitudi-
 nem aliquam, & illustrandi modum illinc
 traho.

At verò utcumque se demum habeat hu- *Art. 3.*
 jusmodi cruditatis analogia, ad illam quam
 in dictis liquoribus nondum fermentatione
 defacatis

defæcatis observati diximus; certum interim est, Scorbutū hunc non ex omni sanguinis cruditate oriri; ast unicè ab ea, in qua uni *Sali* parere coguntur omnia. Est enim alia sanguini per *μύλυνσιν* inducta intemperies, unde *cachexia* potissimū *Hydropica* emergit; alia, cui in virginibus ortum debet *Clorôsis*, & *Malacia*; alia ad producendam affectionem *Hypochondriacam* propior; alia, quam *Leucophlegmatia* sæpius excipit. Sunt forsan & aliæ adhuc, quarum differentia nobis nondum satis perspicuæ innotuerunt. *Peculiarem* igitur sibi in crudo sanguine dispositionem hic quoque exposcit *Scorbutus*, ut inde nascatur: talem nempe (ut nobis videtur) quæ à *copiosi*, & in *fixitatis statu* adhuc *manentis Salis præpotentia* exsurgit.

- Art. 4.** Pro *Salis* quasi despotica tyrannide fidem suam interponunt ipsa *Symptomata*, quibus hæc Scorbuti species à reliquis distinguitur; quorum præcipua censentur universi corporis *torpor*, *angustia pectoris*, *cordis tremor*, & *viscerum obstructions*. Scilicet, sanguinem præ salis contumacia deficiens *πρωιάτωσις*, hancque necessariò excipiens spirituum paucitas, torpida reddit membra: unde *lassitudo spontanea*. In pulmonibus

pulmonibus pariter à Sale incrassatus sanguis, ægrè itque reditque per eorum licet laxissimam substantiam: hinc *respiratio* admodum *difficilis*, & anhelosa. *Cordis* item *anxiam palpitationem* pari jure retuleris ad eundem crudum, ac Sale fixativo copiosè imprægnatum sanguinem: cujus crassiores particulæ, styptica infames aspredine, dum nervosâs ventriculorum cordis fibrillas in transitu acriter pungunt; id ad se consueto violentiùs agitandum, undique vibrandum, & quasi contorquendum, quò ab illa quamprimùm injuria vindicetur, irritant atque exstimulant: quemadmodum sternutatio excitari solet ab acribus humoribus in anteriores Cerebri membranas delapsis. Et quantum ad *obstructiones* attinet; nil utique solennius est, quàm ut crassus, & lixivium falsugine æmulans sanguis, dum pertransit viscerum angustias, his nonnihil de tartareis suis impuritatibus affixum relinquat.

Porro hujusmodi Scorbuto affectis ea *Art. 5.*
duntaxat medicamenta profunt, quæ *Sale volatili* abundant. Argumento sanè validissimo, eundem non aliunde quàm à *fixo Sale* ortum trahere. Cùm enim omne agens, quatenus in patiens agit, ei contrarium est: sequitur de necessitate, *Salem volatilem*

volatilem; cujus virtute morbus hic expugnatur, in id agere, quod sub eodem genere proximo est ipsi contrarium, *i. e.* in salem *fixum*. Constat itaque, ab hujusmodi principio, huic Scorbuto originem adserere tum quæ ipsum comitari solent, tum quæ aperto Marte vincunt.

At unde isthæc tanta, tamque perniciofa excepti in sanguinem Salis fixatio? Equidem de fonte hujus, quàm de Nili fluminis origine haud minùs inter se dissentiunt eruditi: ut dies me deficeret, si eorum sententias diversas singulatim recenserem. Oblivioni ergo devotis eis, quæ, ex quo Medicinæ cultoribus summè propitium illud *Circulationis Harvæanæ* sydus primùm affulsit, in mera unde constabant figmenta spontè evanuerunt: unam duntaxat, quæ cæteris omnibus palmam præripuisse censetur, afferam in medium, justisque ponderibus expendam.

Art. 6. Medicorum, qui curioso hoc seculo, de *Lienis usu*, seu ex professo, seu in transitu tantùm in scriptis suis tractârunt, maxima pars in eo judicio consentiunt; conditum à Divino rerum universitatis Architecto Lienem fuisse, ut *invectum in penitiores sui parenchymatis recessus sanguinem*, in summè activi Fermenti naturam exaltet,
 & pro

& promoveat ; talèmq̃ue refundat in venas.
 Ut rem paulò apertius declarem ; suppo-
 nunt, sanguinis per Lienis vascula capilla-
 ria, & spongiosam substantiam permeantis,
 portionem quandam sæculentiorẽ (ter-
 restri scilicet materia, Salèq̃ue fixo con-
 stantem) in ipsius porulis diutulè relictam,
 illic tanquam nova digestionẽ ulteriùs elã-
 borari, & ad æmulam fermenti energiam
 efferri : ut denuò sanguini per venas re-
 fluo admista, ei ζύμασι inspireret, qua ejus-
 dem crassiores, fixioresq̃ue particulæ ad
 statum volatilitatis, motùsq̃ue expediti-
 ores urgeantur. Addunt deinde ; si ali-
 quando contingit, Lienem hoc munere suo
 non rectè defungi : tum deficiente sangui-
 nem *Fermento Lienari*, ipsum Tartareis
 seu Salino-terrestribus suis particulis gra-
 vidum, & spirituascentiæ inhabilem re-
 manere ; quin & indies invalescente in
 spiritum vitalem Sale fixativo, *Miasma*
 inducere *Scorbuticum*. Atque hæc quidem
 summa est doctrinæ illius de fermento Lie-
 nis, quæ hodie usque eò invaluit, ut vix
 in censum redigas omnes in ejus patrocini-
 um propendentes.

Non tamen adeò illustris, adeò Arco-
 pagitica nobis videtur, ut nemini liceat
 de certitudine ipsius dubitare. Nam pri-
 mo

Hi autem decernere non potuerunt, unde aciditas illa quam deprehenderant, provenerit: utrum nempe ab acido quodam Lienis innato; an (quod magis probabile esse Chymici nōrunt) ab igne Sale eliciente. Nodum hunc se putant solvisse, qui defæcatori palato degustatâ etjam tum spirante Lienis carne (quam Anatomicorum oculatissimus *Malpighius* ferè ex membraneis cellulis voluit, exiguisque glandulis componi) affirmârunt, se manifestum deprehendisse *acorem*; quâlis à ventriculis quorundam animalium erumpit: hinc quippe concludunt, *Connaturalem Lienis aciditatem* esse. Nobis autem haud paucos Lienes mox ab exsectione gustu examinantibus, nil tale unquam oblatum: quin & illud pro comperto habemus, Lienis sive recentis, sive exsiccati frustula *lac* neutiquam cogere, etiamsi totam noctem immaceraveris; haud obscuro indicio, eidem nihil, aut perexiguum aciditatis naturaliter inesse. Cæterum si inesset; meo quidem iudicio, ad sanguinis non tam meteorizationem faceret, quàm ad coagulationem: *Acida* enim sanguini admista, cum in thrombos grumescere compellunt. Exemplo sit oleum *Sulphuris*; quod calenti adhuc, & fluido sanguini inspersum, partes quas immédia-

tè tangit, & quibus innatat, primùm quidem turgescere facit in bullulas; sed mox subsidentes, & nigrescentes, in solidam quasi crustam coagmentat. Idémque accidit, infuso pariter oleo *Vitrioli*; aut *Aluminis* pulvere asperso. Cùm itaque neque in crudo, neque etiam in Chymicè dissoluto Liene ulla hæctenus comparuerint suppositi hujus *Fermenti* vestigia; equidem solitum illud Romano Senatui verbum subscribo; *non liquet*.

Art. 8. *Secundo*, nondum constitit ulla *Fermenti* hujus ad sanguinem fermentatione ulteriùs perficiendum *necessitas*. Carent enim sine noxâ Liene, quibus vesicam natura denégavit; ut *Chamaeleon*, *Lacerta*, & alia multa. Carere possunt & *animalia perfectiora*, quæ multum sanguinis elaborant; hocque sine vel minimo sanitatis, vel à sanitate dependentium functionum detrimento. Hujus rei quamplurima habuimus exempla in genere quadrupedum; *canibus* nimirum, *suibus*, *ovibus*; quorum in unaquaque specie aliquot Lienem nosmetipsi, experientiæ causâ, exemimus; incommodi ne minimo quidem cuiquam indè superveniente. Idem quoque (saltem in Canibus) fecêre Doctissimus noster *Lownerus*, *Steno*, *Malpighius*, *Kerckringius*, & ex

& ex hodiè florentibus Anatomia cultoribus quis non? ut illustri huic seculo se deridendum exponeret, imò & haberetur pro insano, qui negare auderet. *Homines* quinetiam Liene nunc naturaliter, nunc Chirurgiâ administrâ destituuntur. Memoriae proditum est fide *Clariss. Andr. Laurentii* (*Histor. Anatom. corp. human. lib. 6. quæst. 25.*) dissectum fuisse Lutetia cadaver juvenis *benè habiti*, & sine Liene inventum. Refert item modò memoratus *Kerckringius*, vir de re Anatomica optimè meritus, binos se foetus secuisse, qui Liene carebant. Sed quid pluribus exemplis opus est? Percelebris illa historia, quam narrat *Fioravantus* de Græca muliere, cui Lienem pendentem uncias duas & triginta exsecuit, & intra viginti quatuor dies perfectè sanatam reliquit; satis liquidò evincere videtur, hoc viscere carere posse hominem, & vitam tamen sine incommodo transigere. At si Lien conficiendo dicatus esset Fermento, cujus maxima ad dissolvendas, attenuandas, atque ad dignitatem spirituum vitalium promovendas sanguinis partes Tartareas supponitur necessitas: certè, eo deficiente, homo neque diù, nec sine gravissimis morbis, ex defectu fermentationis in sanguine oriundis, vivere posset.

Art. 9. *Tertiò*, ulteriorem dubitandi ansam nobis ipse suggerit *Sanguis* : qui Lienis confinia *egrediens*, idem per omnia apparet cum *ingressuro*. Quippe si quis æquus arbitrer duas conchas repleverit, alteram sanguine secta *arteria Splenica* effluxo, alteram eo quem apertus effudit ramus *Splenicus venosus* : profectò nec colore, nec sapore, nec consistentia, nec pondere minimum discriminis reperiet, quo hunc ab illo distinguere valeat. Quod fateri videtur ipsemet etiam *Malpighius* (*Exercit. de Structur. Lienis*) his verbis ; *Sanguis ab arteria Splenica excretus, non majorem quàm reliquus crassitiem possidet* : quam nuper decantatæ illi *Cl. Franc. D'elbœ Sylvii*, de *Fellei* excrementi nobilitate, opinioni palam favens ; fermentum quoddam novum, & ab illo, de quo nos nunc inquirimus, planè distinctum, in Liene præparari conjectat, ad biliosi humoris in Hepate separandi cum faciliorem secretionem, tum exaltationem haud parum conducibile. Affirmat quidem *Bernhardus Smalve*, elegans Juppiter, & eruditus Scriptor (*lib. de Pancreate pag. 80.*) redeuntem à Liene sanguinem usque eò fermentatum esse, ut *Sale ad fluorem evecto refertissimus* : appareat in vena Porta : sed (quod

(quod in tam docto viro admiror) affirmat tantum ; ad cogendum Lectoris assensum ne uno quidem in medium allato experimento. Idem pari fiducia affirmarunt & alii : ast utinam probassent. Tunc enim finem imposuissent obscurissimæ huic de *Lienis usu* primario quæstioni, quæ ab omni ævo Medicorum ingenia anxie exercuit, & (ni augurio nostro fallimur) ad feros etiam posteros indecisa descendet. Adeo verum est illud *Plinii senioris* effectum ; *ignota nobis sunt, per quæ vivimus.*

Adhæc, à Lienaris Fermenti patronis *Art. 10.* discere percupio, si illud in Liene confectum alii nulli inservit usui, nisi ut perenniter permeanti sanguini admistum, universam ipsius massam sua vi fermentifica imbuat; *cursu fermento noviter imprægnatus, rediensque à Liene sanguis, non immediate in venam Cavam deducitur, sed per longas venæ Portæ ambages in ipsam Hepatis substantiam?* Certè si fermentum universo sanguini tantum utilitatis esset præstiturum ; frustra per anfractuosos venæ Portæ ac Hepatis labyrinthos, inibique perturbatam sanguinis consistentiam, quæ Bilis separationem necessario præcedit, circumduceretur ; cum proximior simul & patentior via occurreret per venæ Ca-

væ truncum : in quem recto transductu rami Splenici sanguis exonerari posset, sicque tota sanguinis massa, quin & præcordia citius & promptius expectato fermento inficerentur. Naturæ mos est, ubique τὰ δ' ὀρτὴ πρίεσθαι : & semper ab ambagibus abhorrere, ubi quæ instituit perficere licet per compendium. Igitur, aut illa hîc à recto tramite deflexisse videtur ; aut suppositum sanguinis fermentum in Hepar transmittitur, eo consilio, ut in ejus angustis refringatur & debilitetur ; aut idem nullam prorsus, nisi precariam & à Medicorum quorundam scriptis emendicatam habet existentiam.

Art. II. Jam verò, ut quæ sparsim diximus de hac quæstione, in unum quasi manipulum contrahamus; cùm Fermentum suppositum nulla satis manifesta sui indicia, neque in dissecto, nec in dissoluto Liene, hætenus (quod sciam) exhibuit : cùm ex ipsis etiam hominibus haud pauci Liene destituti, non incommodè tamen vixerunt ; cùm Lienem egrediens sanguis ei, qui ipsum jam ingressurus est, usque eò persimilis apparet, ut perarduum sit alterum ab altero discriminare : & cùm supposito fermenti istius usui vix conveniat, ut nescio quo exquisito artificio in Liene elaboratum

tum

tum, mox obtundatur, & reprimatur in Hepate: his inquam admissis, equidem non video quin mihi fas sit de ejusdem existentia dubitare, donec immeritò dubitâsse certioribus experimentis constiterit. Interim Lienî injuriam facerem, si ipsum toties ad Prætorem raperem, quoties hujusmodi Scorbutus occurrit, quem meliori jure à sanguinis *μέλυνσι*, quàm aliunde deducendum puto. Maximè cum inadubitata extispicii fide constat, quamplurima Scorbuto extinctorum cadavera, cultro Anatomico à morte confestim exposita, Lienem, ut ut gravissimis antea oneratum criminibus, omni tamen culpa vacuum demonstrâsse. Medicorum vulgo quidem nil solennius est, quàm Lienem contumeliis afficere, quasi omnium propè malorum esset Pancrenè: Extà autem à fato consulentibus rarius nil, quàm vitii quicquam in eo detexisse. Hujus rei locupletissimus testis est *Cl. Fr. Sylvius, Disput. Medic. 5. thes. 7. In cadaverum humanorum*, inquit, *ex variis morborum generibus defunctorum* longè ultra centum à nobis dissectorum examine atque observatione, vix sumus mirati nullum viscus, si cor excipias musculosum, minus offendi labe factum ipso Liene; etiam in affectibus Melancholicis, perperam Lienî malè habenti vulgò adscriptis.

Art. 12. Quid igitur, *inquies*, de tam affabrè composito viscere sentiendum? Licetnè cum *Erasistrato* frustrà conditum existimare? aut non nisi ex eventu necessarium statuere, ad mentem *Aristotelis*? Imò absit, procul à cogitationibus nostris absit tam impia in divinam conditoris *πρόνοια* stupiditas. Scimus, & venerabundi agnoscimus Naturam optimum esse œconomum: scimus in structura corporis nihil fortuitum esse, nihil quod sapientiæ summæ majestatem non referat. Scimus præterea, ejusdem Naturæ tam absconditam solertiam, esse in fabricandis Animalium organis, ut nec Anatomicis ipsis quantumcunque diligentibus & oculatis concessum videatur, mechanicas, *i. e.* veras eorum rationes ex tenebris, quibus obductæ sunt, eruere. Veniâ igitur, imò & miseratione digni sumus, qui post exhaustum diuturnæ indaginis cursum, quamplurésque diversorum animalium Lienēs anxia dissectione examinatos, fateri cogimur; ea quidem invenisse nos, quibus aliorum dogmata de Lienis usu expugnare valeamus; nihil autem quo nostræ satisfaciamus curiositati.

Art. 13. Haud improbabile quidem est, sanguinem dum per diffusile ac bibulum visceris hujus

hujus parenchyma trajicitur, attenuari, in rivulos propè innumeros, quin & minutiores moleculas diffringi (aquarum more per manicam *Hippocratis* transmissarum) adeoque preservari à coagulatione; cui natura sua pronus est, maximè post e-
menſum tam longum à Corde iter. Hoc enim augurari licet, partim ex immenſa multitudine, miràque implicatione *Fibrarum*, quibus univerſus Splen ſtipatur; partim ex ingenti numero *Arteriolarum*, in quas arteria ſplenica mox ab ingreſſu ſuo diſpergitur, quàsque pariter in minimos hinc inde ramulos ſubdiviſus *Nervus* comitatur: ut utriſque adjunctas, & per totum Lienem diſperſas *Glandulas*, ab accuratiſſimo *Malpighio* luculenter deſcriptas, tacitè prætermittamus. Quippe vix fieri poſſe videtur, ut tot, tantàsque viarum anguſtias ſanguis permeet, quin ſimul in minutiffimas guttulas comminuatur. Quæ omnes rurſum coeuntes in rami Splenici Venofi alveum, conceptàmque denuò fluxilitatem retinentes, quod itineris reliquum eſt facilius, & citra coagulandi diſcrimen conficiunt. Atqui magis artificioſa Splenis ſtructura eſt, quàm ut huic tantùm uſui ipſum inſervire credamus. Scilicet in eo detecti ſunt *Glandularum*, ſeu potius membranearum veſicularum quaſi racemi

racemi propemodum innumeri; qui uvæ botrum exactissima similitudine exprimentes, collocatque seriatim inter arteriarum & nervorum plexus, maximam parenchymatis partem constituunt. Detecti pariter sunt & *Nerviuli* multi, à *paris vagi* funiculo, propè *Casserii Renes Succenturiatos* contorto, derivati; & (ut incomparabilis ille vir, *Glissonius noster* voluit) fibris reticulare opus in Liene efformantibus arctè adèdè copulati, ut his cum illis commercii nonnihil suspicemur interesse. De his igitur partibus quid sentiamus? Sanè nescio. Nam quantum ad *Glandularum* congeriem attinet; hodiernis Anatomicis notissimum est, Naturam ut plurimum ministerio Glandularum uti, quoties in Animalium visceribus liquorum separationem aliquam molitur: quid autem hîc à sanguine separandum veniat, obscurissimum. Siquidem separatus à Glandulis Succus (si qui sit) sejunctim recolligi, & ad sensuum examen revocari nequit; vel ipsomet *Malpighio* fatente. Et quoad *Plexum Nervosum*; utrum hujus officium sit, Spiritum Animalem à cerebro delatum, in Liene cum affluente per arterias sanguine commiscere; quod *Doctiss. Franc. Sylvio* placuit: an contrà materiam aliquam à sanguine Lienem permeante separatam

paratam excipere, & auferre in Glandulas Renales Solertiff. *Whartono* dictas; quemadmodum laudatus *Glissonius* conjectavit: Nemini hætenus contingit scienter determinasse; multaque adhuc indagine res indigere videtur. Sagarioribus itaque relicto hujusmodi Scrutinio, eo instituti nostri, unde inquirendi ardore abrepti sumus, nunc revertamur.

Detectâ hunc in modum iniquitate *Art. 14.*
 rû, qui ignorato Lienis munere, ipsû tamen Scorbuti ex sanguinis cruditate generandi accusârunt; superest ut aliam aliquam pro tribunali adducamus causam, cui maleficii istius culpa cum majori probabilitate impingatur. Talem verò in promptu habemus; nempe *Cacotrophiam*. Existimo enim nihil magis facere ad sanguinis μόλυσσις, quàm diurnû usû ciborû & potuû *Sale fixativo* abundantium. Siquidem quale alimentum, talis & Chylus; & qualis Chylus, talis item Sanguis: cujus constitutio semper mutabilis est, pro varia materiæ unde constat, & quotidie instauratur, conditione. Unde apud omnes *Hippocratis* alumnos in proverbii consuetudinem venit; τὸ ποικίλον διαίτης, ποικίλα νοσήματα parit. Alimenta quidem in os ingesta emollit, imbuítque liquor *Salivalis*; *dentes* moliturâ comminuunt;

nuunt; olla *ventriculi* excipit, acido suo fermento incidit, calore coquit, & in chylum denique dissolvit; *intestina* prolectant, succutiunt, ulterius elaborant, à *fecibus* secernunt; *venæ lacteæ* elutriant, & in commune receptaculum transferunt; *ductus chyliiferi* effundunt in sanguinem; *Cor* exagitat, calore expandit, motu in orbem impellit; nihilominus nunquam ita de integro immutantur, quin eorum *αἷμα καὶ ἰσχυρὰ* remaneant in sanguine semper *immutata*.

Art. 15. Hinc perpaucis unquam impunè fuit victûs ratio *φρύλη καὶ φλαυ'ρα Hippocrati* dicta: maximè ubi sale ac fumo indurata, crassa, viscida, terrestria, nautica, abjectissima quævis in cibum & potum diù venerant. Talia enim laudabilis tributi loco illata in sanguinis ærarium, non solum spiritualscere nequeunt, aut volatilia reddi; verùm etiam in penitiores viscerum recessus vi circulationis penetrantia, congestis obstructionibus, suam cuiusvis imprimunt labem: unde cordi, cerebro, reliquis summa spirituum pauperies, & functionum omnium dejectio subnascitur. Velut immaturis fructibus acerbitas inhæret, ingrataque austeritas; per maturatorem autem spiritus *ελαφροὶ* innascentur, arte

arte Chymicorum facilè eliciendi: sic confectus ex *salsis* ac *terrestribus* sanguis, crudior, fixiorque in universo remanet, nec *meteorizationem* quam ad ejus perfectionem exigit *Hippocrates*, admittit. Nil mirum ergò, si in *Hollandia*, *Dania*, *Norwegia*, *Suecia*, aliisque regionibus finitimis adeò frequens hujusmodi Scorbutus reperiat; harum siquidem incolis, quorum pars magna rem nauticam exercent, & maxima delectatur *Salsamentis*, familiarius nihil est, quàm hujusmodi pravâ victûs ratione assiduò uti. Nec magis mirum videri debet, si *Nostratium* quoque haud pauci, Comedones in primis, Ventres, & *Nepotum*, *Apiciorumque* turba; fastidienti ab hesternâ crapula stomacho cupediarum, *salsugine* lenocinantes, garique æmula ciborum condimenta dictim ingerentes, tantoperè conqueruntur de Scorbuti talem sæpe ingluviem excipientis atrocitate. Nam

—Cum *Salsi* vis penetravit
Acris, & in *venas* discessit diditus ardor;
 Consequitur gravitas membrorum, præpedi-
 untur
Crua vacillanti, &c.

Horum 'ut præmia scias; nocituris illecebris

cebris peccant. Quæ fecêre, patiuntur. Ipse in tormentum vertitur insanus salforum appetitus. Sic *Halophagorum* quisque sibi tor tor datur; supplicia, morbi sunt, & præ cæteris Scorbutus: unde languor ætatem occupat, & ad metam non nisi per acerbos cruciatus itur. Sed vereor ne nimia jam prolixitate usus sim, in enarranda Scorbuti hujus *Salini* origine; & monet Laconismi sponso, progressum mihi ad alia maturandum.

CAP. VII.

Scorbuti Acidi genealogia.

SUMMARIUM.

*Artic. (1.) Sanguini innatum esse Succum quendam acidum, cui suam grumescen-
tiam debet: quique dulcium ac volatili-
um consortio coercitus, pacem colit; sed vin-
culis liberatus, tyrannidem affectat. (3.)
Quomodo de quieto hospite hostis fit. (4.)
Tres diversæ Scriptorum sententiæ, de e-
jusdem exuberantia. (5.) Primæ senten-
tiæ fundamentum instabile. (6.) Se-
cundæ rationes singulatim recensentur,
ex Sylvianorum dogmate de Succo Pan-
creatici acore. (7.) Hujus materia è
Nervis potissimum deducitur. (8.) Eun-
dem in statu naturali non acidum esse;
sed dulcem, vel saltem insipidum: (9.)
neque semper acidum reperiri in statu de-
pravato; sed sapore varium: (10.) ne-
que etiam huic proprium esse, per putre-
dinem acescere. (11.) Dictorum ἀντιπα-
ράστασις, & vindicatio à suspitione mali-
gnitatis.*

gnitatis. (12.) Quatenus munere suo deficiens Pancreas, ad generandum Scorbutum conducere videatur. (13.) Tertiæ opinionis expositio, & prælatio ; deductis argumentis à ratione ; (14.) ab experientia eorum , qui nimium indulgendo vinis acidis, & austeris, se in hujusmodi Scorbutum præcipitarunt : (15.) & ab eximia præsidiorum Edulcorantium, & Analepticorum efficacia in eodem curando. (16.) Admittuntur tamen, in partem tragediæ etiam aliquot è visceribus ; Ventriculus nimirum, & Glandulæ quedam. (17.) Admittitur item Sal, à fixitate ad fluxilitatis statum deductus.

Venio igitur ad tertiam quam supra constituere visum est, Scorbuti speciem, ab exsuperante sanguinis *Acore* breviter deducendam.

- Art. 1.** Innasce in sanguine $\eta \acute{\alpha}\mu$, *Acidum*. quid ; nullus dubito. Illud ipsum & veneranda Magni Hippocratis *Coi* auctoritate jam monstratum, textu citato ; & exinde sanciri potest, quòd sanorum etiam extravasatus sanguis confestim *grumescit*. Id enim admisto præsertim *acido* adscriptum volunt omnes quotquot in sacris Medicinæ castris

castris, sub auspiciis Philosophiæ sanioris, fidissimoque experimentorum ductu militarunt. Horumque in partes equidem eo promptius adducor, quod animo vix concipere possim, unde alias tam subitanea recens effuso cruori obveniat grumositas: nisi coagulumi emergere concedatur ex acido inhospitante; nunc à volatilibus spiritibus libero, suamque protinus energiam exserente. *Frigori* hunc affectum attribuerè, est sanè insulsum: quia in ære etiam calidissimo sanguis æquè citò coigitur; imò & intra sui conceptacula nonnunquam; ut in febre *pestilentiali*, & *Pseudopolypo* cordis contigisse observatum est.

Acidus autem hic Succus (*Melancholiæ* Art. 2, nomine Medicorum vulgo insignitus) quamdiu modum tenet, imperceptibilis manet; & sub purpureo sanguinis velamento cuncta corporis innoxie pervadit; quin & utilis est ad conservandam sanguinis crasin, ac Sulphurearum ejusdem particularum fugam aliquantisper remorandam. Cæterum dulcioribus quibus implicatus fuerat, dissipatis; repressisque amarulentis, quibus contemperatus: mox sævum redit ad ingenium, turgentique acore molestus esse incipit; imò interdum

eò malignitatis procedit, ut in haud paucis vel è gravissimorum censu affectibus totam tragœdiam impleat. Quod indicare videtur divus Hippocrates, sub finem libri sui *de veteri Medicina*, disertissimis hisce verbis; ἄρα δὲ οὗς χυμὸς ἀνισπῆδι περιφόρων ἀν τῶν λοιπῶν μάλας εἶναι; ergo acidus humor reliquos præcellens, maximè incommodus fuerit. Quibus, expositionis ergò, & hæc addere licet; ὅταν ἀποκρυφθῇ, quando secretus fuerit. Ita in ulceribus quibusdam Cacoethis, ossium corrosionem parit. Ita in lotio abundans, Stranguriam accendit, cum acerbissimo inter mingendum ardore: in articulis Arthritim; in intestinis tormina, & cruentas nonnunquam dejectiones; in pleura dolores punctorios; convulsiones in nervis, & sexcenta paris infamiae mala producit.

- Art. 3. At unde tanta tamque efferata humorum in statu præter-naturali aciditas, nisi remissior ea supponatur in naturali præexistisse? quo jure quis contenderit, morbificū quodvis infundi, nihil autem in corpore præexistens, à naturæ suæ congruitate in pravā indolem degenerare? Certè omnis acrimonia modum excedens, è remissiore excrevit. Hujusmodi ergo Succus acidus alimentis ineffic concedendus est; nec sanguini proinde

inde cæterisque humoribus denegandus : sed debilis, sed temperatus, & a ferociendo coercitus in statu sanitatis. Idem autem iusta exutus temperie, sibi que imperium superbè usurpans in socios ; de quieto hospite hostis fit, & tyrannus ; omnia bello, tormentis, fame, incendio devastaturus. Talis enim Chymicorum Salibus in fluorem adactis feritate quadrat. Talem in *Cancro*, in *Carcinomate*, in *Herpete*, in ulceribus *Sarcophagis* concipere fas est. Talis infuisse videtur in *urinis* eorum, qui referente *Doringio*, lotii sui aspergine corroderent linteamina, non aliter quàm si spiritus Vitrioli iis inspersus fuisset : itémque illius in sanguine, qui sudarium corrumpit *hæmorrhagia* pariter corrosiva. Et ne quis *Sudores* existimet semper esse à consimili acrimonia immunes ; novimus in agro Glocestrensi virum quendam, Equestri dignitate ornatum (illum nempe ipsum, cujus admirandum pariter ac miserrimum statum *Doctissimus* noster *Willisus* graphicè descripsit, (*libr. de morb. Convuls. cap. 9.*) qui prodigioso quodam Convulsionum genere per longam annorum seriem excruciatum, nonnunquam sudorem profunderet adeò corrosivum, ut instar aquæ Chrysulæ, lintea exederet. Equidem dies me deficeret, si Succi hujus

ad summum acoris gradum provecti crimina singulatim aggrederer enumerare. Satis itaque esto, ipsum sanguinis indigenam esse; placidum quidem, mitémque, & quodantenus proficuum, dum non sui juris est: at irrequietum, ac factiosum, ubi à benigniorum humorum regimine emancipatus, excusso mistionis jugo, in ultimos impetus exardet. Et ne huic singularem adscribas *κακότητος*; aliorum factiosis tumultibus se adjungens, in hominis exitium multimodis conspirat. Quod & cæteris commune vitium est. Eadem quippe falsorum, eadem amarorum, omnium quotquot ad *Hippocratis* *δυσάμειος* & *ἀνέσθικτος* spectent, natura. Dum contrariis temperantur, ac demulcentur; tranquillè agunt: secreta autem, suoque genio reddita, noxias vires produnt, sociósque paulatim trahunt in rebellionem. At si sævitiam præ cæteris horum vitiis spectes; primatum sibi & jure, & *Hippocratis* suffragio, *Succus acidus* vendicat; ut qui in vulgò adscriptis *Melancholiæ* affectibus, omnium facile choream ducat.

Art. 4.

Cæterùm *quonam* à fonte possit Succus hujus tam infausta sanguini, ac universo deinde corpori exuberantia scaturire? Unde tantas sibi vires, quæ tyrannidi sufficiant

ant in omnia exercendæ, acquirat? Hic profectò in ancipitem, nihilque tandem fortassis profuturam cogitandi curam incidimus: & nobis incertæ magna est discordia mentis. Res utique sua ex natura intellectu perdifficilis est: eamque multùm inter se discrepantes Auctorum sententiæ magis adhuc adumbrârunt. Nodo nempe huic solvendo, aliis visum est in scenam adducere *Lienem*; exceptas à sanguine fæculentias atrabilarias convertentem in activum nimis, & incongruum, sanguinisque tandem corruptivum Fermentum. Alii, vindicatâ Lienis innocentia, crimen in *obstructum Pancreas* summa cum fiducia transferunt. Nemini autem (quod sciam) sua adèò ex voto successit industria, ut dum rem hîc in questione positam determinare laboraret, nullum nobis dubitandi locum reliquerit. Nam

Ad primam sententiam quod spectat; *Art. 5.* cuique obvium est, hanc alio nullo niti fundamento, præter *Fermenti Lienaris Hypothesin*: quæ quàm incertæ fidei sit, quantisque difficultatibus implicata, ex iis quæ jam à nobis circa Lienis usum *microscopis* dicta sunt, luculenter constet. Et petere exorbitantis in sanguine acoris scaturiginem, à nondum satis intellecto Lienis ma-

lè constituti fermento supra modum exaltato; quid aliud est, quàm ignotum magis ignoto suffulcire, aut dubia multiplicare?

Art. 6. Quod ad *Secundam* attinet; quanquam apud nonnullos, hósque scriptorum suorum gloriâ celeberrimos *Medicos* hodièque florescentes summis laudibus prædicatur; nec rationis patrocinio videtur prorsum destitui: eam tamen si, abjecto auctoritatis præjudicio, ad stateram exegeris; tali fundamento superstructam esse invenies, de quo nihil certi, nihil definiti hætenus à sagacioribus statui potuit. Quod ne gravis videamur dixisse; æquum est, in medium prius allatâ passim jam decantati dogmatis hujus summâ, qualem *Doctiss.* illi viri, *Franc. Sylvius*, & *Bernhard. Swalve* (ut cæteros ejusdem patronos fileamus) scriptis suis eruditis tradidère: eas deinde quibus præcipuè idem innititur rationes, singulatim quidem, sed strictim examine-mus; quò tandem *tibi* (*Lector cordate*) securius liceat, de tota causa, tanquam de Problemate utrinque disputato, judicare.

Primò itaque supponunt dicti *Autores*, primariû *Pancreatis* usum in eo consistere, ut

ut exceptum ab arteriis sanguinem, spiritusque animales per nervos à cerebro simul immisos in penitiores Glandularum suarum recessus (ex his enim maximam partem coagmentatur) ita commisceat, digerat, exaltet; ut inde succus quidam emergat nobilissimus, sui generis, ac *Pancreaticus* proinde dictus: venis interim per ramos splenicis reliquum sanguinis revehentibus.

Secundò supponunt *Succum hunc* (in quo *Acidus Spiritus*, spiritu *volatili* præsertim temperatus, ut arbitrantur, primum obtinet) *Chyli* & ab alvinis facibus *secretioni*, & per *Lactæas vectioni* plurimum inservire; quin & *Pituitæ* multæ in tenuibus intestinis restibili materiam suppeditare.

Ad hæc suspicantur eundem succum, ex diutina in *Glandulis Pancreaticis*, harumque *Ductu Excretorio* stagnatione (quod semper fit per Emphraxin) sensim magis accescere, ac acriorem reddi; ita ut factâ per turgescentiam spontaneam eruptione, inque delapsum è ventriculo Chylum, & deinceps in sanguinis confluvium sese insinuans; acorem suum tum sanguini, tum Succo Nervoso communicet, in utriusque corruptelam, & temporis progressu, in Scorbutici etiam Miasmatis apparatus.

Quid est causæ cur ita acescere censeant ?
 Quoniam, *inquiunt*, ab ipso inter stagnandum sensim secedit spiritus volatilis, ei secundum naturæ institutum conjunctus, ipsūque blandè contemperans. Testatur enim experientia quotidiana, Acida quævis suapte sponte indies reddi acidiora: uti observare est in Aceto; quod quo servatur diutius, eo magis acescit: idque proculdubio quia indies magis magisque evanescunt spiritus volatiles, aciditatem illam attemperantes. Atque hæc quidem Epitome est eorum, quæ *Sylvius*, ejusque *Seçtatores* de origine, materia, confectiōe, usibus, depravatione Succī Pancreatici conjectârunt.

Art. 7. Verū enim verò, utcunque ingeniosa, & plusquam *Chryssipeis* subtilitatibus exstructa esse hæc *Hypothesis* videatur; restant haud pauca tamen, quæ ipsam manifestæ incertitudinis arguant. Nam si ad *primariam* Succī Pancreatici *materiam*, quam sanguine statuit exhauriri, respiciamus: cam forsan potius à nervis comperiemus, quàm ab arteriis deducendam. Id quod solertissimè olim advertit Candidissimus noster Collega, *D. D. Whartonus* (vir sanè, cujus famam virtus, & litteræ facient immortalem) *Adenographiæ suæ*
cap. 13.

cap. 13. ubi sit differit. Arteriæ Pancreatis perexigua sunt, & haud multum sanguinis in ipsum effundunt. Nec credibile est, universalem ejusdem depurationem per tam exilia vasa sufficienter administrari posse. Nam quanquam sanguis ille, qui in Pancreata effunditur, ab eodem depurari posset: is tamen si comparatur cum reliqua sanguinis massa, planè inconsiderabilis ejusdem portio, & parvi momenti est; nempe vix millesima totius pars. At, affirmante Cl. Bernh. Swalve, quicquid sanguinis fuerit spiritu acido incubatum, id totum rectà pergit in Pancreas. Deinde, ipsa Pancreatis substantia, si colorem spectes, alba est; si saporem, dulcis: at neque videtur albedo cum copioso sanguine, nec dulcedo cum subacido consistere posse. Imò dices forsan, cum toties à nobis hîc laudato Bernhardo Swalve, usque eò obscuram, spirituúmque volatilium societate in tantum refractam esse sanguinis in Pancreata excepti aciditatem; ut inibi ne minimum quidem sui indicium seu inspicientibus, seu degustantibus exhibeat: & non tam in actu, quàm in proxima esse potentia concipi debeat. Rogo igitur, unde cuiquam tunc innotescere possit Acidus iste spiritus, quem in Pancreate supponunt inhospitari? Certè scientia non apparentis
nulla

nulla est. Porro, excrementa sanguinis copiosiora sint oportet, in suo quodque genere; quàm *Succus* hic *Pancreaticus* esse reperitur. Si ergo Pancreatis manus sit, in acidum vergentes sanguinis particulas in se excipere, & deinde ablegare per suum vas Excretorium, *Ductum* nempe *Wirfungianum*: indubiè oportet ad multo majorem proventum tales assurgant, quàm ille humor quem Pancreas eliminat. Hunc verò *perpaucum* esse (comparativè loquor ad cætera sanguinis excrementa) vel ad sensum in dissectis liquet. Succo enim suo repletum quis unquam vidit Pancreatis Ductum? Nunquam vidisse fatetur *curiosissimus Whartonys*; nec quenkum credit visurum, etiamsi in viva dissectione ligamentum ductui, ubi intestinū ingreditur, quantociùs injecerit, ad effusionem contenti humoris præpediendam. His ergo perpenſis, vix consentaneum videtur, majorem ac potioſorem Succu Pancreatici partem à sanguine elutriari.

Hujus igitur perennem Succu scaturiginem, unde petamus? Certè non è *Lacteis*, quas in suam insertas substantiam Pancreas prorsus habet nullas. Non è *Lymphæductibus*, qui eidem Pancreati pariter defunt. Non è *venis*, quia harum in universo munus est sanguinem regerere, in orbem de-

nuò circumferendum. Ast tantùm a Nervis, qui soli supersunt solvendo huic tributo non impares. Non itaque extispicio sinistro divinasse videtur *consultissimus Whartonus*, glandulam Pancreatis (quemadmodum & alias omnes) nervis ministrare: & cùm sit *Excretoria*, nonnullas nervorum *Sexti* seu (ut hodie sapius audit) *vagi* paris, cum spinalis medullæ ramulis in majore abdominis *plexu* unitorum superfluitates excipere, & per vas suum proprium deponere in intestinum. Etenim *plexus* superior Nervorum (qui celeberrimus est in toto corpore) Pancreati contiguus est, eique surculos frequentes sufficit; ita ut Nervi in hanc glandulam distributi, tum arterias, tum venas omnes ejusdem mole ac numero longè superent. Ac si glandulæ hujus substantiam, temperiem, dulcedinem, lævitatem, albedinem, mollitiem spectes; facillè deprehendas, nullatenus eam abhorre ab excipiendo peculiari quodam dictorum nervorum recremento; quod Succus forma excernit in Duodenum. Postulat proinde ratio ut credamus, *Pancreata* si non totum, at maximam saltem partem sui vectigalis profusioni Nervorum debere.

Verùm undecunque affluxisse reputetur *Art. 8.*

Succus

Succus iste ; certissimum tamen est, vel ipsius palati testimonio, eum in statu suo naturali non acrem, non subacidum esse ; sed dulcem, vel saltem insipidum, lenem, anodynum, feréque per omnia mitiori Pancreatis genio consimilem. Nec aliam facilè conceperis causam, cur ipsum Pancreas tam suaviter sapiat. *Quid ergò est causæ, cur tam benignus humor tanti acoris invidiâ defametur ?* Quoniam, inquit *Sylviani*, non sustollendum augurium ab invento per vices Succii sapore subacido depromptum : & quoniam moderata illa, quam eidem inesse concipimus, aciditas acumen suum ex temperie seu mixtione cum aliis amisit ; nec se prodere potest, nisi post diutinam in minoribus glandularum Pancreaticarum ductibus stagnationem.

Art. 9. Hæc autem solvendo dubio non sufficient. Nam quodad prius attinet ; ne-
tiquam diffitemur quidem, contingere posse, ut Succus in Pancreate acidus reperiatur. Nec ignari sumus, diligentissimum illum Anatomes cultorem, *Thom. Kerckringium*, in *Spicileg. Anatomici observ.* 65. testatum fecisse, à se reperi-
tum fuisse in dissecto cadavere pueri bi-
cennis Pancreas magnum, & scirrhosum,
cum

cum Succo tantopere acido; ut in Duodeno bili admistus, tamen etiam tum insigniter eum saporem retineret. At huiusmodi exempla *perrarè contingentibus* adnumeranda sunt: nec unquam fortassis observata, nisi in iis quos febris *Quartana*, vel *Melancholia Hypochondriaca*, aut *Scorbutus* cum inveteratis Pancreatis obstructionibus conjunctus lenta morte extinxerant; in his verò affectibus vix dubitandum censemus, quin non solum Succus Pancreaticus, sed & universa sanguinis massa, & Succus Nervosus, & liquor quoque Lymphæductuum insignem sibi acorem acquirant. Id quod misello *Kerckringii* puero obtigisse haud improbabile est. Is enim macie ita confectus erat, ut vix hæreret ossibus; & profundè exulceratus in jugulo; Lienem præterea habebat grandem, & induratum; fermèque consumptum Hepar: omnia summæ ac ubique sævientis aciditatis indicia. In benè constituto Pancreate, in sanis violento fato interfectis, quis Anatomicorum tale quid unquam detexit? Se nunquam detexisse ingenuè fatetur ipsemet *Sylvius* (qui tamen longè ultra centum cadavera consecuit.) *Disputat. Medic. 5. thes. 37.* ubi hæc habet: *Pancreaticum Succum*, inquit, *quamvis Salivæ* [in qua spiritus acidi

cidi tantillum inesse paulò ante supposuerat] *proximè accedere suspicemur ; id tamen certò asseverare non possumus ; postquam illum naturalem nunquam conspeximus , multo minus examinare potuimus . Idem fatentur & alii .* Ad hæc non semper in statu etiam *præter-naturali* acidum reperitur Pancreatis excrementum ; sed nunc planè insipidum, nunc falsum, aliquando dulce, aliàs alio sapore imbutum ; quemadmodum testantur modernorum Anatomicorum observationes : quasi id esset, *αὐτοῦ λόγος*. Adjicias, in plerisque morbis, maximè in Chronicis, ex humoribus vix unum reperiri à sua natura aliquo usque non alienatum ; ut inconsultius sanè nihil sit, quàm quale quidpiam morienti, immò jam mortuo inest animali ; tale in vivo illo fuisse æstimare. Inciso non omnia æquè ipsunt, ac integro corpori : plurima, dum anima suo ex domicilio migrat, immutantur.

Art. 10. Quoad *Posterius* similiter ; si *naturaliter* & benè habentis succi hujus aciditas tam exigua, spirituúmque volatiliùm admistione adeò suppressa esse supponatur, ut se nequeat manifestare, nisi postquam illi per putredinem avolârint : quo jure obstringimur credere, ipsam non merè *imaginariam*.

ginariam esse? Irregularis, incertusque est à statu degenerare ad naturalem arguendi processus: nec valet ratiocinium à constitutione valetudinaria ad sanam. Possè quidem succum ex diutina stagnatione in ductuum Pancreaticorum angustis acescere, non inficiamur: at esse eidem proinde connaturalem acorem, non sequitur. Nam & alios corporis nostri humores, ingruente primùm putredine, pariter acescere, notissimum est. Omne putredinis principium monstrare acorem, ipse concedit *Swalvius*: & culinariis etiam experimentis edocti sumus, carniū juscūla, omnesque vegetabilium succos acidum sibi saporem putrescendo acquirere. Estne igitur necessum ut credamus, Succum hunc, quia nonnunquam per putredinem adventitio inficitur acore, idcirco & dum rectè constitutus manet, nativo quodam imprægnatum esse? maximè quum contrarium vel certissimo degustandi experimento clarè ostensum. Numquid quod sensu comprehensum est, potest ulla ratione convelli? Certè desipientis arrogantia est, conjectandi plausibilitatem sensuum auctoritati antepondere.

Jam verò ut quæ super hoc Thebremate, *Art. II.*
non

non contradicendi quidem, sed altius inquirendi consilio differuimus, per ἀναλογισμὸν repetamus, in *Lectoris* memoriæ subsidium; cū nondum satis liquet, materiam illam unde Succus Pancreaticus conficitur, ab arteriis præsertim exhauriri; cū idem Succus in statu suo naturali nunquam, & non nisi perrarò in degenerare, aciditatis particeps repertus fuerit; cūque acorem aliqualem ex sui depravatione induere, non Succus hujus proprium, sed & aliis quoque corporis nostri humoribus commune vitium sit: his positis, inquam, non est quòd ex candidioribus *Sylvianæ* ὑποθέσει Sectatoribus quis, aut alius quispiam nobis succenseat, si de tam mirificæ illius quam Succo Pancreatico affixam volunt, aciditatis certitudine pergitur dubitare, donec eam viderimus certioribus quàm quæ hæcenus in aciem producta sunt, argumentis demonstratam. Res sanè est non exigui momenti; sed tenebrarum plena, & examinis adeò obscuri; ut pro certo quid de ea pronunciare sit periculosum. Quæ igitur à nobis hîc de dogmate illo *Sylviano* in transitu dicta sunt, non ita accipi velimus, quasi illud è Medicorum Scholis eliminandum esse existimemus; sed ulteriori Anatomicorum Serutinio proponimus, ut veritas

tās tandem eluceat. Etenim hærere mihi
aquam liberè profiteor: animo infixum
semper tenens axioma illud à *Palladio* an-
tiquis *Brachmanibus* adscriptum; ἵσθ' ἐστὶ, τὸ
πιστεύουσαι, καὶ τὸ πείθεσθαι; idem est men-
tiri & citò fidem adhibere. Mentiens e-
nim, illum cui persuadet injuriā afficit:
injuriā etiam facit, qui credidit menti-
enti, fidem adhibens priusquam vera edi-
dicerit.

Neque etiam mihi consilium est, *Pan- Art. 12.*
creata de crimine objecto ita in totum
excusare, ut ipsum etiamsi muneris sui
oblutum, nullatenus tamen ad genera-
dum Scorbutum facere censeatur. Absit
à nostro judicio ista tam iniqua prævari-
catio. Si enim Glandulæ hujus provin-
cia in eo præcipuè consistat, ut peculiare
quoddam Nervorum à plexu abdominis
maximo excurrentium excrementum ex-
cipere possit, atque per vas suum excre-
torium transmittere in Duodenum; quem-
admodum ad mentem *Cl. Whartoni nostri*
suprà conjectare ausus sum: quoties Ductus
Excretorii capillaribus obstructio obve-
nit, toties necessum est, ut humor ille,
qualiscunque sit, qui eliminari debuit, re-
gurgitet in universum corpus; eoque
pacto cum sanguine, tum Succo Nutritio
I sensum

ſenſim inquinatis, Cachexiam pariat, in Scorbutum fortaffis brevè tranſituram. Ac in omni Pancreatis obſtructione, maximè ſi contumacior, & diuturnior fuerit, obſervare eſt, univerſum corpus ignavia, torpore & ineptitudine ad motum gravari: ut de *Ictero* inde etiã ſapiùs oriundo in præſentia nihil dicam. At quã ratione iſtæ Scorbuti ſpecies, in cujus indaganda cauſa nunc exercemur, ab obſtructione Pancreatis exoriri poſſit, planè non video: ſiquidem humor Pancreaticus non *acidus*, non *acris* eſt; ſed contrà dulcis, lenis, & ſucco nervoſo, unde elutriari videtur, affinis. Hic igitur rurſum *ἰνέχεται*, & iudicium ſuſpendere cogor; ne dubia pro certis venditare videar.

Art. 13. Jámque tandem perventum eſt ad TERTIAM ſententiam; quæ ultra diatæ errores in immoderato *Acidorum* uſu commiſſos non inquirens, viſcerumque nullo in maleficii partem aſcripto, quicquid criminis ſit in generando huiusmodi Scorbuto, id totum tranſfert in *Chyli aciditatem*, Sanguini, ſuccoque nervoſo, & Lymphæ communicatam, iſſque conſtanter inhærentem. Et hæc quidem à vero non prorfus aliena videtur.

Primò enim Hippocratis auctoritate sancitum est, ex omnibus alimentorum partibus ἀσκήτως & ἰσχυροῖς, quæ inter coquendum à calore nostro immutari nesciant; nullas esse quæ τὸ δέον χυμῶν seu contumaciâ, seu pravitate superent. Ubi igitur hujusmodi esculenta, quibus τὸ δέον copiosè inest, in usum quotidianum diù admissa sunt, nec benigniorum aut volatiliū imperio correctâ; ibi vix fieri posse puto, quin Chylus primò, & consequenter Sanguis, cæterique simul humores concepto illinc acore contaminati, labem sibi Scorbuticam contrahant.

Deinde vulgari etiam experientia compertum est; homines ἰσχυροὶ; & acidis vinis deditos, esse doloribus erraticis, Rheumatismo, Arthritidi vagæ Scorbuticæ, Convulsionibus, Spasmis, Atrophie, Ulceribus Telephiis, & aliis ejusdem familiæ Symptomatis omnium maximè obnoxios: idque etiamsi aliàs ἰσχυροὶ, seu firmis, benèque constitutis visceribus præditi sint. Hujus rei luctuosa nusquam non occurrunt. Exempla; in his præsertim, quibus summæ felicitatis loco est, voluptuariam Phagesisoposorum vitam transigere; languentem ventriculi appetitum muriaticis,

Art. 14.

& *Oxyperis* condimentis quotidie sollicitare; cibisque affatim superaffundere vina acida, & austera. Cujus sortis sunt, in Germanicis, vina *Rhenana*, *Neccarinum*, *Baccharacense*, *Mosellanicum*, *Rhincovicum*: in Gallicis, *Pictonicum*, *Lutetianum*, *Ruellinum*, *Argentolianum*, *Campaniae* rubellum *Vin d' Hay* dictum; & præ omnibus *Aurelianense* (quod quia cerebrum, nervosque acriter feriat, ideo *Lutetiae* in Regis Christianissimi Oeconomia lege cautum est, ne Oeconomus *Aurelianum* vinum Regiae Majestati ausit propinare:) inter Hispanica, *Xeresanum*, à *Cazalla*, è *S. Martino*: *Austriaca*, & *Moravica* omnia; de quibus *Crato* (*Consl.* 153.) observatum reliquit, quod ab ipsorum potu facile *Paralysis*, post dolores *Colicos*, oriatur; quibus in Scorbuto hoc nostro nullum Symptoma frequentius est.

- Hæc verò Vinorum genera nobis heic ex professo memorare placuit, tum quia haud paucis ex Nobilitate nostra, horumque exemplo & aliis eam infra dignitatem constitutis nil antiquius est, quam quovis ex iis venas suas singulis ferè partibus distendere: tum quod eadem supra alia omnia vix emendabili seu aciditate, seu austeritate peccant, rudimenta Scorbuti inferendo;

rendo; præfertim ubi intemperantiùs, & Græco more bibuntur ab his, quos Naturæ visum est calidiori Sanguine, habitùque corporis macilento donare. Quàm malè sanitati suæ consulunt, qui acidis & austeris hujusmodi vinis delectantur, vel ex eo judicare licet; quod *Franc. Citeffius*, vir undiquaque doctus quidem, & gravis, dum in causas diri illius morbi epidemii, quem *Colicum dolorem Pictonicum* nominavit, & de quo singularem scripsit tractatum, sedulò inquireret; ipsum vix aliunde quàm ab acerbitate vinorum Pictonicorum deduxerit. Eiusdem tam frequentis in *Moravia* quoque pestis causam eandem agnoscebat *Crato*, anno 1582. & tot in ea regione colicos & paralyticos non aliam ob causam videri existimabat, quàm quòd *Moravica* vina noxia sunt, & nativum quiddam, quod hunc morbum conciliat, in se continent. Meminit item *Cardanus* (*consilio pro dolore vago*) cujusdam colici doloris quadriennis, non ventrem solum & pectinem, sed pectus etiam, dorsum & cervicem, cum palpitatione ingenti, torquentis; cujus originem petit à vini acidi & austeri potu. Sed Exterorum Exemplis quid opus est? Quandoquidem & apud *Nostrates* pariter videmus ab eisdem furiis

tot excitari tempestates, ut è centum eorum qui vina subacida atq; austera frequentius ingurgitant, vix decem invenias ab *Arthritide vaga Scorbütica* omninò immunes. Nec admiratione digna res est. Nam ubi in gulæ terrarum marisque vastatricis gratiam, mille condituras, non ad tollendam, sed irritandam famem; & varia, non explendæ, sed excitandæ siti, vinorum genera quærimus, ac epulis dies noctesque ducimus: quid mirum, si laudabilis illa Sanguinis succique Nutritii *eucrasia*, unde sanitas & vires sustentantur, mutatur in utriusque *dyscrasiam*? Hanc verò maximè pariunt alimenta *acria* & *acida*, quæ à calore nostro vinci nequeunt, sed transeunt in seminium hujus Scorbuti.

Art. 15. Ad hæc, acido hujusmodi Scorbuto affectis nullum (spondemus) five præsentius, five certius adhibueris *remedium*, quàm lactis, Emulsionum ex Amygdalis dulcibus, Chinæ decocti, jusculeorum consummatorum, & id genus aliorum *Antacidorum* & *Analepti-
corum* usum, ad plures septimanas productum. Argumento tantum non apodictico, ejusdem productioni ciborum potuumq; immoderato acore infamium *ingluviam*, sua unice *ναυαγγελία* sufficere posse;

posse; interim ne uno quidem ex visceribus de suo quid ad infaustum opus conferente. Horsum peropportune retuleris quod à suprà citato *Citeſio* de Monachis quibusdam *Pictavensibus*, quos crudelissima ventris tormina (*Scorbutica* indubie) diu exercuerant, observatum. *Miserandum* certè, & *miserandum* magis, inquit, quod *Patribus Fuliensibus*, ann. 1614. contigit, cum in *Novallium canobium* coloniam deduxissent, intra mensem omnes (erant autem tredecim numero) queruli, gemebundi, proni in ventrem, eumque crudelissimis doloribus vexatum, suas vices dolere, cælum *Pictonicum* accusare: *Xenodochium* potius quam *monasterium* dixisses. Nec alia mihi causa succurrebat, quam quod, præter cælum, vino albo, eoque acerbissimo, aliàs generosis, ut *Tolosanis*, &c. assueti, pro potu uterentur: quod probavit eventus. Mutato enim cælo, & potus genere, confestim pristinae sanitati restituti sunt. En hic ad vivum usque expressam *Scorbuti* nostri ex acido oriundi effigiem; licet sub usurpata *Colicæ biliosæ* larva, qua optimo viro in *Scorbuticorum* curatione minùs versato imposuerat, depictam. En ejusdem primordia, præsertim à vino austero deducta; inculpatis interea visceribus. En denique acerbissimis stipatum

symptomatis morbum, cœlo tantum potiusque mutatis, brevi evanescentem. Quum itaque & quæ *pariunt* hunc Scorbutum, & quæ eundem certissimè *tollunt*, huic quam ultimo loco attulimus, *sententiæ* tam claris argumentis suffragantur: quid superest, nisi ut nobis in eadem acquiescere liceat, donec manifestè de ipsius falsitate constiterit? Nam ut omnia levi credulitate amplectenda non sunt: ita neque ea protinus repudianda, quæ in rebus obscuris cum rationi, tum experientiæ consentanea videntur; etiamsi statim cornicum oculos non configant. Sub occulta Naturæ & Artis facie quidni conijcere liceat, quod *ἀποδείκνυται* probari nequit? Certè insulsam *Scepticorum* *συνελα* sapit, demonstranda requirere, ubi locantur conjectanea. Noli ergo improbable mox censere, quod vix demonstrabile. In luce rerum tenui nos Homunculi caligamus; in mediocri cæcutimus; in majore talpæ sumus; in maxima insanimus; in omni, quo magis quarimus, eo magis dubitamus.

Art. 16. At verò ne quis in sensum à mente nostra alienum quæ hîc diximus iniquè interpretando detorqueat; par est strictim admoneamus, esse ex *visceribus* aliquot, quæ

quæ nonnunquam & *suas* etiam partes agant in hac scena: cum vel inveteratis obstructionibus referta, vel debito exuta tenore, aut alio quovis modo in ritè defungendis suis muneribus usque eò impedita fuerint; ut succum alimentis etiam optimis extractum corrumpendo, ei insignem, & quæ universo corpori gravis mox futura sit, *aciditatem* imprimant. Ita quippe *Ventriculus*, acriori, ac acidiori quàm convenit *fermento* imbutus, quicquid exceperit in totius alimoniam, isto veluti fascino confestim inficit: quemadmodum farinæ massa solito acrius, vel diutius fermentata, panem exhibet acidiorum, minúsque ideo laudabilem. Ita pariter & *Glandulæ* tum *Secretrices*, tum *Reductrices*, ubi humores à succi Nutritii distributione restibiles, quibus aliorum ablegandis inserviunt, præ meatuum suorum obstructione diutius detinuerunt: eos sensim acescere cogunt, in permagnum œconomiae Animalis detrimentum. Hujus rei eximium habemus exemplum in *acribus*, *acidisque Catarrhis*; qui ortum suum debent serosis Cerebri & Nervorum recrementis, ultra consuetum evacuandi tempus, in Glandulis eorum secretioni, & exportationi destinatis, retentis, & per stagnationem sponte acescentibus: quique

à capite decedentes in ventriculum, acore suo Chylum, & deinde sanguinem cum succo alibili polluant.

Art. 17. Æquum est porrò animadvertamus, haud rarò contingere, ut *Salsi* seu ad lixivii naturam propiùs accedentes humores (quales pro causâ continente *Salsi Scorbuti* suprâ posuimus) temporis progressu commigrent in *acidos*: tale illo, qui in iis antea fixus remanserat, jam tandem ad statum *fluxilitatis* deducto. Illud autem ubi fit (& in omni propemodum inveterato Scorbuto, ab humoribus Tartari æmulis exorto, fieri suspicor) morbi miasma ad summum suæ malignitatis gradum videtur adspirare. Tum enim liquor nervosus hujusmodi *Sale Scorbutico* aculeatus, adeò acris, irritativus, imò & corrosivus evadere solet; ut vel *aquæ Fortis*, aut *stigmati Vitrioli* vim causticam quàm proximè referat: id quod suprâ memoratis aliquot Scorbuticorum exemplis admiratione dignissimis commonstratum. Neque conceptu difficilis res est: siquidem *Chymicis* nil solennius, quàm è salibus destillatis etiam acidissimos, summèque corrosivos liquores elicere. Ac sublimatus in labyrintho corporis humani alembico *Spiritus Acidus*, ubi omni temperie exutus,

tus, & ad summum vigoris sui fastigium exaltatus, jam ubique ferocit; si crudelissimos ipsius effectus comparando examines, istis Hermeticorum Salibus, ignis vehementiâ in fluorem adactis, quadantenus similis videtur: ut in *Cancro*, in *ulceribus* carnem, & ipsa etiam ossa *depascentibus*, in *sphacelismo* subitaneo, & aliis pariter ἀθροισμῶν malis observare licet. Deest quidem Microcosmo nostro *Pyrophyllacium*; deest Chymicorum *ignis rotæ* dictus; & *reverberium* quoque deest; ne quidem tam conspicua hîc ulla flamma concipi potest in Sacrario cordis micare: quoniam tacito omnia fluunt incendio, secretoque modo, motûque promoventur ad ἀκμὴν fluxilitatis. Sed *Calor* adest perennis, in cordis adyto singulis pulsibus denuò accensus, & cum sanguine, factâ circuitione, cuncta exagitans. Adest item perpetua *Fermentatio*, in *sanis* quidem placida, & imperceptibilis; efferata autem nonnunquam, & incendio persimilis, in *Valtudinariis*. Adsunt præterea interdum & liquorum veluti certamine singulari conredientium *furie hostiles*, in universi corporis fervorem erumpentes, ac sulphur expirantes *Ætnæum*. Hæcque proculdubio, maximè ubi in unum concurrere, salinis particulis in sanguine, & succo nutritio

tritio Scorbuticorum ubique redundantibus exaltandis, atque ad fluoris simul ac ferociæ *ακροτης* adigendis sufficient. In hoc casu sanè, inter *acidas* & *salinas* utriusque liquoris particulas coeuntes, talem imaginari licet luctam, & ebullitionem; qualem aspicias, si *Nitrum Antimonio fuso* per granula injeceris, sensimque detonare siveris. Gliscit utrobique par prælium: neque hîc quàm illic major tumultus. *Salsedinis*, ac *Aciditatis* vires utrinque commissæ, ad destruendum sese invicem incurrunt: absolutaque demum pugnâ, pars fortior devictam suo imperio adjungit. Sæpiùs autem usu venit, ut salinæ, ceu viribus inferiores, in antagonista ditionem transeuntes, aciditatem quasi *Calcanthinam* induant: hâsque ascititia illa qualitate deinceps spoliare, haud minùs difficile sit, quàm *acetum* reducere ad *vini* generositatem. Unde factum esse autumamus, è sexcentis genito hunc in modum Scorbuto graviter afflictis, vix decem unquam fuisse per remedia, licèt aliàs nobilissima, sanitati de integro restitutos. Et quia omnium frequentissimè occurrit hujusmodi Scorbutus; inde forsàn contigit, ut Medicorum haud pauci in eam devenissent opinionem, omnem Scorbutum à sale in fluorem adacto indiscriminatim exoriri: sed

sed quanta verisimilitudine, facile judicari potest partim ex iis quæ jam diximus de *triplici ejusdem differentia*, partim ex his quæ de *propriis* unicuique differentia *signis*, & characteribus proximè dicenda veniunt.

Convenit autem illud priùs *Lectori* in memoriam revocemus; præter istas quarum rationibus speciatim enucleandis hactenus immorati sumus, dari adhuc & alias, à diversis morbi quæ accidentibus, quæ circumstantiis desumptas. Scilicet (1) à *modo generationis*, Scorbutus est vel *Hæreditarius*, ab infectis parentibus in sobolem traductus: vel *Adventitius* post nativitatem, sive per contagium ab aliis communicatus fuerit; sive proprio vitio, pravæque victus ratione acquisitus. (2) Ab *invasionis tempore*, vel *recens* est, & curatu proinde facilior; vel *inveteratus*, & qui altiùs jam actis radicibus, curationem ægrè si unquam admittit. (3) A *statu*, alius in *principio* est, in *augmento* alius, tertius jam ad summum suæ malignitatis *vigorem* proventus. (4) Et ratione *Symptomatum*, hic *paucis*, ille *pluribus*; alius *his*, alius *aliis* comitibus insignitur. (5) *Subjecti* denique ratione; nunc præ

præ cæteris vitatur *Sanguis*, nunc *Succus Nutritivus*, nonnunquam ex æquo uterque. Hæc autem discrimina, eo quòd minùs conducere videantur ad ipsam Scorbuti essentiam per causas proximas dignoscendam, sicco pede pertransivimus.

CAP.

C A P. VIII.

*De signis Diagnosticis, cuique Scorbuti
differentiæ propriis.*

SUMMARIUM.

ARTIC. (1) Observari in Scorbuto varia signorum Diacriticorum genera, pro humoris præcipuè peccantis cum indole, tum labe diversa. (2) Visitatioſa Scorbuti Rancidi indicia. (3) Quæ potissimum symptomata Scorbutum comitari solent, ex sale fixo enatum. (4) Quæ item eundem ab Acido provenisse ostendunt. (5) Incerti tamen iudicii omnia; ex non una ratione. (6) Error quidam Pauli Barberte: ejusque nervosa refutatio. (7) Variari etiam in unaquaque Scorbuti specie symptomata, pro partium affectarum varia constitutione. (8) Plura autem ex facultatum Animalium læsione, quàm ex reliquis duabus utouneque perturbatis, emergere; & quibus de causis id fiat. (9) Semper inesse humoribus miasmate Scorbutico infectis,
non-

nonnihil acrimoniæ, cerebro nervisque graviter infestæ. (10) Eâ plerumque, & κατ' ἐξουσίαν vitiari Succum Alimentarem. (11) Qui ἐν παρῶν vindicatur à calumniis Deusingii, &c. (12) Memorabile Cl. Loweri Experimentum Anatomicum, in succi nutritii à sanguine seorsim existentis Hypothesin cornua intentans : (13) Multis rationibus eluditur. (14) Ejusdem succi hanc esse naturam, ut ex salso, acidove sibi uberim admisto, inquinamentum sanguine aut Lymphâ & promptius concipere possit ; & (15) ægrius deponere. (16) Dictorum limites.

Art. I.

Quot & quæ sint præcipuæ Scorbuti species seu Differentiæ, habito ad causarum à quibus is immediatè solet oriri, indolem variam respectu ; in præcedentibus dictum est. Jamque ex ordine inquirendum sequitur, quibus *indiciis diacriticis* differentiæ illæ, facto ut artis est *stochasmo*, inter se distinguantur : quò rectius denique perveniamus ad palmarium totius *Diatribæ* hujus nostræ scopum ; i. e. ut pro diversa causarum Scorbuti continentium *idæ* Therapeiam instituamus, & suis unamquamque remediis strenuè aggrediamur. Morbus quidem ipse, atque proxima

proxima ejus materia, in intimo corporis recessu latentes, nostros plerumque sensus effugiunt, nec in conspectum se dant: ex *Symptomatis* tamen, ceu ex signis, nonnunquā innotescunt. Nam ut *Divinus senex* (πειρ τεχνῆς) olim docuit ὅσα τῶν ὀφθαλμῶν ἐκτὸς ἔσονται, ταῦτα τῇ τῆς νόσου ὁφθαλμῶν κίεσσι τίται & quaecunque oculorum conspectum fugiunt, ea mentis oculis obtinentur & superantur. *Varia* autem hujusmodi signa existunt, pro humoris unde profluunt specie diversa: & sua cuique causæ peculiariter emergunt discriminis argumenta; quæ hoc in loco igitur, in suam quæque familiam, quatenus ingens eorum multitudo, & absconditæ combinationes ferant, veniunt redigenda.

Ubi Scorbutus maximè à *rancida* seu *Sulphureo-salina* sanguinis, & succi quæque nutritii (utrumque enim in hoc casu, licèt non ex æquo forsan inquinatum esse autumo) dyscrasia dependet: symptomata usitatiores sunt *Macule*, *Exanthemata*, *Tubercula*, *Ulcera*; hæcque ex particulærum sulphuris & salis inter se concrescantium moleculis, è sanguine καὶ περιεσσει in corporis exteriora effusis, ibique manentibus: item *Vomit*us, *Cardialgia*, *Diarrhæa*, ventremque quasi lancinantis tormina; in-

K

dubie

dubiè ex materia morbifica in ventriculum & intestina confertim irruente, eaque ad tam efferum hostem quantocyùs expellendum irritante. Adjicias & frequentem sanguinis *effervescentiam*, sive ζύμωσιν præter-naturalem; ab incongruis & fermenti in morem activis particulis ei pertinaciter inhærentibus, ac intestinos tumultus per orgasmum subinde concitantibus. Porro si eadem labès, factâ in *Cerebri* adyta, hincque enatum genus *Nervosum* irruptione, functiones etiam *Animales* perturbaverit (id quod in confirmato plerumque *Scorbuto* contingit) tum ante omnia ingruere observabis *Vertigines*, *Cephalalgiam tensivam*, *Scotomiam*, *Coma somnolentum*, aut *vigilias immoderatas*, *Ephialten*, & nonnunquam *insaniam*.

Art. 3. In *Scorbuto* è *salis fixi* exsuperantia oriundo, ratione sanguinis præsertim infecti affligunt, *Dyspnæa*, *præcordiorum angustia*, *pathemata Cardiaca*, *Lipothymie*; quæ omnia non aliunde videntur profluere, quàm à sanguinis sæculentiis crudis, fixis atque salinis, nunc ipsum insigniter incrassantibus, ut *Pulmonum angustias* liberè permeare nequeat; nunc cor ipsum sua acredine feriendo; pulsûs rhythmum invertentibus, aut diutulè suspendentibus:

&

& *succi Nutritii* pariter corrupti ratione; *torpor, lassitudo spontanea, motus convulsivi, dolores artuum erratici, &c.* dictis faculentis partes quas in transitu alluunt, vel opprimentibus, vel irritantibus.

In *Scorbuto Acido*, ob succum Nutritium acore aculeatum, in primis infestant *Nervorum irrationes* ferè continuæ, & ex levissimo quoque animi pathemate ingravescentes; *Horrores & Rigores* frequentes (certissimum humoris aciditate peccantis indicium) *frigoris sensus* in occipite & spina dorsi, nonnunquam quoque per membra discurrens; *spasmi flatulenti, Convulsiones, passiones Hystericæ* vulgo dictæ; item *alvus* nunc diu adstricta, nunc in *Dysenteriam* usque laxata, cui intestinorum *ἀλγῆμα σιωνικόν Hippocratis* sæpe adjungitur; *Melancholia* insuper cum metu ac desperatione, *Atrophie, Exulcerationes*, & quæ agmen claudere solet, *Gangræna*. Similiter ob sanguinem aciditate inquinatum, vexant *Palpitatio & Tremores Cordis, pulsus* ex improvise interceptus, summæ anxietatis comes, & *Lipothymie* cum sudore frigido prodromus. Quid multis? *Acidum* est, quod ubivis in hoc morbo primas tenet: ejus

maleficio supera & infera in confusionem aguntur. Maximè ubi miasma eò atrocitatis processit, ut salibus in fluorem actis & per cuncta diffusis, *utrumq;* liquorem ex æquo vitiaverit: quemadmodum in annoso plerumque Scorbuto fieri arbitramur. In hoc enim casu, *utriusque* recrementa (quæ non unius indolis sunt, sed pro varia salium, ad corrodingi malitiam efferatorum combinatione, admodum inter se diversa) variis in partibus coeuntia, mutuóque inter se odio seu hostilitate colluctantia; Symptomata pariunt gravissima; *Dolores* nempe intollerabiles, noctu potissimum & per quietem suam exercentes carnificinam, ὀστεοπόρος; *Arthritidem planeticam*, *Rheumatismos* universim dispersos, & viperarum more mordentes; *Cancros* item, & *Carcinomata* aspectu foedissima, quibus ex inopinato succedunt *Sphacelismi*.

Art. 5. Atque hic quidem Elenchus est præcipuorum ex iis symptomatis, quæ non omni pariter Scorbuto communia existunt; sed alia *huic*, *illi* alia, & alia *tertiæ* ipsius differentię magis familiara: quorúmque ex discrimine præsens cujuslibet Scorbuto affecti status quodammodo intelligatur, & quis maximè humor in eo dominetur

dominetur & exsuperet. Hinc autem etiam si *τεκμήριον ποιῆσθαι*, & conjectando quodantenus internoscere liceat : vix licet tamen *ἀποδιδίχον λόγον* afferre, separatim agnoscendis rebus tanta inter se apparentiarum similitudine confusis. Nam 1. dictis humoribus sua cuique propria est & peculiaris *corrumpendi* ratio : nec eadem Miasmatis Scorbuti *ὑπερξίς* in omnibus, licet unam per causam à statu naturali alienatis. Aliud è *sanguine* exsurgit inquinamenti genus, à *Succo Nutritio* aliud, & tertium ex *Lympha* : quanquam isti liquores uno simul aut Sulphure, aut Sale, vel acido distemperati fuerint omnes. 2. Sunt item singulis horum inquinamenti *gradus* quidam, depravatum uniuscujusque statum pariter variantes : ac eo atrociorē quisque spirat malignitatem, quo ab sua Eucrasia longius recessit. 3. Ad hæc iidem humores non nisi *perrarò seorsim* & *καθ' ἑκάστων* peccare reperiuntur, reliquis interim prorsus illibatis : sed omnes de iisdem ferè vitiis plus minus participare necessum est. 4. Est præterea nonnihil, imò & multum diversitatis ex ipsorum *Salinum*, seu fixi sunt, seu in fluorem adacti, varia combinatione emergens : ut per arduum sit rescire, utrum hic, an ille, aut tertii generis Sal præ cæteris luxuriat.

Quippe in Scorbuticis, varii sales inter se haud uno modo confederati, nunc *Gypsum*, nunc *Calcem vivam*, modò *Alumen*; modò *Halinitrum*, aliàs *Vitriolum*, & nonnunquam *Arsenicum* æmulari & sapere videntur. Horum autem nihil non ad augendam symptomatum diversitatem necessario conducit: proindeque neminem mortalium esse arbitror adeò sagacis iudicii, ut quantumcunque accuratè instituto ex signis stochasmo, certam sibi, & rationibus in dubium vocari nesciis exstructam scientiam comparare possit, de *specie*, *gradu*, *complexione*, &c. miasmatis in hoc vel illo individuo subiecto latentis. Nec quemquam pudeat hujus incertitudinis; artis enim Medicæ pars maxima opinabilis est, & conjecturalis: nobisque satis est, *dominantis humoris speciem* ob oculos proposuisse.

Art. 6. Hic argumenti hujus occasione, illud me haud levi admiratione percellit, paucos ante annos fuisse Virum quendam, cum eruditione, tum praxi Medica apud *Belgas* insignem; qui seriò crederet, scriptisque doceret, *omnia quotquot sunt Scorbuti symptomata provenire ab unica causa, Lympha nimirum vel Pituita crassa Glandulas Lactæas ita obstruente, ut Chylus*
non

non possit nisi serosiore sui parte per eas transire. Hac enim sententia quid unquam audisti à ratione magis abhorrens? Nam si in omni Scorbuto Glandulæ Mesentericæ quemadmodum ea supponit, obstructæ essent; tum necessario consequeretur, ut Scorbutici omnes *grandioribus* in Mesenterio *tumoribus*, *fluxuque* alvi *Chyloso*, & *Atrophia* universali afficerentur: laudabiliore Chyli parte sic in primo sui itineris stadio interceptâ, indèque mox regurgitante in intestina. Pari necessitate etiam sequeretur, ut omnes in manifestum *Hydropis* discrimen ex diluvio seroso brevi incurrerent. Atqui longè certiozem *experientiæ* fidem habemus, Scorbuticorum dari quàm plurimos, qui neque de *Diarrhæa Chylosa*, neque de nutritionis defectu, neque etiam de ullis colluviei serosæ effectibus unquam conquesti sunt. Et *Anatomici* quidam testatum reliquere, haud paucos se hoc morbo extinctos aperuisse, in quibus Mesenterii Glandulas omni culpa vacuas reperiebant. Obstrui nonnunquam in Scorbuto hasce, ut & alias Glandes, lubenter concedimus quidem: at constanter pernegamus id semper fieri, sicut commenti hujus Autor somniasse videtur. Qui dum suæ *ὑποθέσει δουλεύειν* obnixè contenderet, specimen levissimæ creduli-

dulitatis nobis exhibuit, suoque ostendit exemplo quàm sit verum illud Moderni cujusdam effatum: *ubi semel occupatum ingenium est novis Hypothesibus, licet solis innitantur conjecturis, in infinitam conceptuum libertatem se diffundit; ne disputare quidem cum rei veritate amplius sustinet. Tam irrequieto et exsultante impetu stimulat in ulteriora voluptas gloriosa.* Sed ne latius exspatier, quàm sententiæ hujus hîc in transitu examinatæ levitas patiatur, ad id quod institueram me recipio.

Art. 7. Iis igitur quæ de Signorum in Scorbuticis observatorum differentiis jam dicta sunt, *Duo præcipuè occurrunt adjicienda. Alterum est, non eadem ubicunque corporis accidentia ab eodem humore excitari: sed alia, aliâque, & interdum inter se quasi toto cœlo differentia; pro partium à quibus is excipitur, diversitate.* Instantiæ causâ; Humor *Acidus* in nervosas, sensûque cæteris exquisitiori præditas partes illapsus, has multo crudeliùs excruciat, quàm alias ullas in universo corpore reperendas. Etiam in his observare licet haud parum discriminis. Idem enim Humor *acidus*, in *Nervis* ipsis *Convulsiones* parit; in *Vesica* urinaria *Stranguriam* cum summa lotii acredine; *Dysenteriam* in *intestinis*; *Dolo-*

Dolores Pleuritidem simulantes, in *Thoracem* succingente membrana; in *Panniculo carnofo*, & propriis *Musculorum* involucriis, *Horrores*, & *Rigores*, & *Rheumatismos*; in *Articulis*, *Podagricorum* tormina; & sexcenta alia mala, quæ speciem variare solent, pro partium quas malè multant, varia constitutione. Et de reliquis succis, *rancido* nempe, & *salso lixiviali* idem prorsus sentiendum. Hi enim perinde ut alter ab altero differunt ratione diversæ *magnitudinis*, *figuræ*, *motûs* particularum ex quibus compositi sunt; ita & diversimodè agunt in partes corporis in quas effunduntur: quinetiam uterque suum afficiendi modum variat, pro partis excipientis *idiosyncrasia* seu propria contextura. Ut utrinque ingens diversitas necessario emergat: quam ad particularia usque si confectatum irem, & ingenio mei jam propè retusi vires multitudine rerum opprimerem, & nimia prolixitate defatigarem Lectores ut ut summo candore instructos.

Alterum est; in tanta Symptomatum Art.8. varietate, *plura in functionum perturbatione Animalium consistere, quàm in reliquis duabus, vitali nimirum, et Naturali facultatibus quomodocunque conjectis in ataxiam:*

ataxiam : id quod supra notatum ad finem capitis secundi. Cujus memorabilis *Phænomeni* ratio nobis petenda videtur vel ex eo, quòd ipsum Miasma Scorbuticum Cerebro, generique Nervoso, quàm cæteris quibuscunque universi corporis partibus, magis infestum est, ac exitiale : vel ex eo, quòd Succus Nutritivus isto miasmate frequentius, & altius quàm sanguis vitari solet.

Art. 9. Quoad *Prius* ; ex præcedente Scorbutici *Ætiologia* satis (ni fallimur) liquet, materiam ipsius nunquam non *acrimonie* cujusdam magis minúsve participem esse ; ratione seu sulphurearum, seu salinarum, seu acidarum particularum quibus copiosè imprægnatur : hincque inferre licet, eandem sua natura sic comparatam, ut Cerebri Nervorumque & substantiam delicatissimam, tenerrimamque contexturam acedine illa feriendo, lædendo ac irritando, utrisque graviora symptomata inferat ; quàm reliquis omnibus partibus, quas *summo Conditori* visum est cùm duriori substantia, tum compagine firmiori donare. Quantas dolorum pungentium, vellicantium, erodentium, fixorum, erraticorum tempestates ; quàm diros spasmodorum, convulsionum, contorsionum, rigorum,

gorum, profluviorum, &c. furores, vel pauxillum acris cujuslibet humoris, in nervosas ac membraneas partes illapsum ciere solet; quis nescit? Et quis rodere humor præter *sulphureum, salsum, lixiviale, muriatico-salsum, acidum, acerbum, austerum*, hoc est *Scorbuticum*, potest? Quis *vellicare*? Quis nunc *æstum*, nunc summi, séque ad præcordia usque penetrantis *frigoris* sensum excitare? Nil mirum igitur, si liquores miasmate Scorbutico efferati, exasperati, velutique spiculis armati, Cerebrum, ejusque propagines nervosas bello internecino prosequuntur: maximè ubi corrodentem veræ *Melancholiae* feritatem sibi computrescendo acquisiverint. *Acido* enim humore quid acutius? quid magis hostile nervis?

*Quñ rapidos secū hic traxit in arma furores,
Et Medicas despexit opes.*

Hic plusquam Molossica immanitate per orgasmum indutus, & nunc per nervorum funiculos, nunc per declives membranas discurrens, ubique sævit. *Ventriculum* impetens, motu ipsius ac intestinorum inverso, prodigiosam humorum farraginem sæpiùs eliminat. Nec *Cordi*, nec *Cerebro* parcit. Ab eo rapidum *Cordi* motum, pulsum

pulsus intermissus summæ comitem anxietatis suboriri: ab eo præcordia constringi, comprimi, distendi usque ad Dyspnæam: ab eo τῷ ἐγκεφάλῳ noxam in tensione Menyngum, in interceptione aut circumgyratione spirituum, in falsarum suggestione imaginum, in offusione tenebrarum fieri, constare potest nulli non Hypochondriacorum symptomata observanti. Porro *Halitus* etiam ipsi dictis humoribus exhalantes eadem de malignitate participant: partésque quibus se inferunt pari cruciatu torquent. Sed vereor ne aut molestus sim Lectori, aut ejus ingenio videar diffidere, si de re maximè perspicua diutiùs disseram.

Art. 10. Ad *Posterius* verò quod attinet; à vero non prorsus alienum est, in *Scorbutò* plerumque Succum Alibilem præ cæteris humoribus, sanguine nimirum, & liquore Lymphæductuum, vitiari. Opinio hæc nostra fortassis nova videbitur, & paradoxa; his præsertim qui veteri illi, hodièque etiam apud plerosque obtinenti doctrinæ, de *Materia Nutritionis* in sanguine contenta, fidem consecrârunt: idcòque æquum est, ad eam ab incredibilitatis suspitione defendendam, paucula hîc rationum momenta proferamus.

Jam

Jam elapsi sunt tredecim circiter anni, ex quo primum in lucem emisi librum quendam de *Universa Oeconomia Animalis*; in quo cætera inter nonnulla haud parum à vulgo receptis Medicorum placitis discrepantia quidem, sed rationi juxta ac Anatomicorum nuperis inventis (ni egregiè fallor) magis consentanea, novas quasdam propositiones (à summis illis Naturæ Mystis, *Entio*, & *Glissonio* primitus excogitatas, scriptisque suis immortalibus, de *Sanguinis circuitione Harveyana*, & de *Anatomia Hepatis*, insertas) ad historiam *Nutritionis Animalium* decenter explicandam necessario spectantes tractavi; atque suis quamque rationibus, & experimentis autopticis conatus sum adstruere. Harum verò præcipuas præsens inquisitio exposcit, summatim nunc recenseam. Igitur

In *Exercitationibus* istis *Anatomico-physicis* luculenter à nobis demonstratū 1. non *Sanguinem* reverà, sed *Succum* quendam multo *benignioris mitiorisque* ingenii, & liquori *genitali* (è quo prima Animalis stamina, tanquam ex furculo, oriuntur) persimilem, esse nutrimentum corporis universale. 2. *Chyli duplicem Fluxionem* esse; alteram denuò instaurandis partibus per *Succum Nutritium*, verè strictimque sic dictum: efficiendis spiritibus, ac vitali
calori

Art. II.

calori perpetim refocillando *alteram*, sub specie sanguinis. 3. Præparari ex una Chyli parte Succum istum *Alimentarem*, in Glandulis *Mesenterii*, in tribus Lumbaribus *Clariss. Bartholino* adscriptis, & (in junioribus præsertim.) in *Thymo*. 4. Eundem ex hisce Glandulis *Cerebro*, & *Medulla Spinali*, per sextæ conjugationis, seu *paris vagi* nervos, aliósque iis in hoc opere subministrantes, placido motu importari: 5. indèque, ceu à principio *Dispensationis*, per nervos distribui in universas corporis partes eodem nutriendas. 6. Item eundem esse familiæ à sanguine planè diversæ; etiam in iis animalibus, quorum sanguis primordiale *Colliquamenti*, ex quo materiam & ortum duxit, albedinem semper retinet.

Contra hæc vires suas haud pauci etiam ex non vulgariter eruditis intenderunt: hi veterum auctoritate, ratiociniis illi, reliqui factis per Anatomen experimentis armati; omnes pro antiquo illo *Aristotelis* placito, *Sanguinem esse ultimum alimentum*, tanquam pro *Palladio* acerrimè disceptantes. In his autem neminem temerarius contradicendi ardor in prælium videtur præcipitasse, præter *Anton. Deusingium*; virum literis quidem ornatum, & industrium; ast ingenio valdè importuno, vitilitigationis

vitilitigationis amantissimo, totóque ad impetenda aliorum dogmata composito: quemadmodum evidenter ostendunt, ejus quæ extant omnia. Hic enim quæ præjudicio exæcatus, quæ alienæ laudi invidens; hanc Hypothesin, de *Succo Nutritio* per nervos & membranas distributo, concitato impetu invasit: in prospectum vulgi producto *Traçtatu* quodam singulari, quem partim ex undique collectis, ac malè inter se cohærentibus ratiuncularum umbris; partim ex convitiis libero homine indignis raptim confarcinârat. Sed irato Marte in arenam descendebat. Quæ enim in nos tela conjecerat, aut incassum cecidere, aut in ipsius caput retorta sunt à quibusdam ex florentissimis ævi hujus ingeniis. Et nunc, ut audio, κατὰ Πάτριαν: quæque sola potuit, mors ei silentium indixit. Neque etiam ulli ex cæteris Succi Nutritii adversariis ea hucusque fortuna contigit, ipsum efficacibus, sibi que fidem exigentibus argumentis evertisse. Objecta fuere quidem multa; nihil autem majoris momenti, quàm Experimentum illud Anatomicum ab *Ornatissimo* nostro *Lowero* (viro sanè in quo cum eruditione solida, cæteræ etiam virtutes, comitas, urbanitas, candor ac modestia certant) in *Libri sui de Corde &c. cap. 5.* allatum. Quod

Quod quia nonnullis videatur contra nos in hac quaestione tantis viribus militare, ut nullum effugiendi locum relinquat: idè & ipsum huc transcribere placuit, & quid indè ad convellendam istam, in qua nunc per transitum versamur, Hypothesin genuina inductione inferatur, examinare. Sic verò insignis iste Anatomicus.

Art. 12. Non uno experimento tandem mihi constitit, totum Chyli proventum nulla alia via quàm per ductus Chyliferos, in sanguinem infundi: si enim cursus ejus per vasa thoracica impediatur, animal qualicumq; cibo satiatum, intra paucos dies fame interibit; quod in duobus canibus diverso licèt modo expertus sum. Alterius enim thorace dextri lateris intra duas costas inferiores aperto, digitum immisi, & ungue velut in serram secto, commune receptaculum tribus horis a pastu valde turgidum perfregi, & laceravi; ut Chylo in cavitationem thoracis exitu dato, transitus ejus in ductus Chyliferos penitus interciperetur. Quo factò, & confuto vulnere, animal hoc cibo quantum capere voluit, postea satiavi: cum autem intra paucos dies expiraret, & à me statim diffecaretur, ventriculum atque intestina valde repleta, quin & venas lacteas Chylo plenas inveni; nihil autem ejus in to-

to ductu thoracico apparuit: verum in eo
pectoris latere, in quod commune receptaculū
disruptū erat, duæ libræ Chyli repertæ sunt.
Unde certò constare arbitror, ob præpeditum
Chyli per ductus thoracicos transitum animal
hoc, ventriculo licet cibus referto, utcumque
fame periisse, &c.

Experimentum agnosco Soletissimum, *Art. 13.*
& erectiori *Autoris* ingenio dignum. Ve-
rū neutiquam ex eo constare arbitror,
aut totum Chyli vectigal impendi in san-
guinem; aut sola fame canem extinctum
fuisse.

Quoad *Prius* enim; fac certissimum es-
se, quicquid Chyli transit in sanguinem,
id totum per ductus Chyliferos è commu-
ni receptaculo in venas subclavias deferri:
non sequitur tamen proinde universum
Chyli tributum in sanguinis thesaurum im-
portari. Nam quid obstat, precor, quin
alia aliqua ejusdem Chyli pars aliorsum
divertatur, antequam commune recepta-
culum attingat, & in primo sui itineris
stadio? è glandulis nempe Mesenterii, a-
liisque in vicinia constitutis, in nervos à
pari vago productos; ut nutriendis par-
tibus inserviat. Viæ quidem haud obscu-
ræ sunt, nec longis ambagibus impeditæ:
quemadmodum olim fusiùs ostensum in

Exercitat. nostra de Succo Nutritii distributione per Nervos. Et isthâc quoque transmitti aliquam Chyli portionem debere, necessarium vel ex eo videtur; quòd alioquin partes spermaticæ alimento suo indigerent omnes. Hæ enim tantum abest ut ex sanguine instaurentur, ut potius ab eo maximè absumantur: id quod non uno argumento aliàs à nobis probatum, viz. *in Exercitat. de usu sanguinis.* Quum igitur & aliæ Chylo pateant viæ, præter ductus thoracicos; & ejus necessitas alia; quàm quæ à *Doctiss. viro* heic statuitur: equidem non video cur non credam, alteram ejusdem partem in modò memoratos nervos transire, ut deperdita partium corporis spermaticarum substantia novo indè victu refarciatur: alteram verò in sanguinem indies pariter renovandum profundi.

Quoad *Posterius* perinde, nihil necessitatis apparet, cur cum *Autore* nostro credam, misellum istum Canem sola fame interfectum fuisse. Quidni enim adeò amplum, tamque profundum vulnus, ex se fati esset animali pauculos intra dies enecando? Quidni sanguis ipse, requisito novi indies Chyli affluxu destitutus, eoque nomine à benignitate sua usque eò alienatus, ut refocillando calori vitali non amplius utilis esse potuerit, mortem tam exiguo

quo temporis curriculo inferret; etiamsi interim partes solidæ suo Chyli dimenso, per nervos atque membranas allato, non defraudarentur? In diuturna profectò inedia, ubi deficit Chyli vectigal, sanguinem æstquare, planèque sarcophagum evadere & ipsam partium substantiam liquando depasci, notissimum est. At quamdiu vixit canis ab inflicto vulnere? Illud nobis divinandum aliàs accuratissimus Scriptor reliquit; numero dierum prorsus indefinito. Adhæc necessum erat, ut à tam ingenti Chyli copia in cavitationem thoracis effusa, cordis & pulmonum motus impensius impediretur: ut ex ejusdem putredine febris acuta confestim accenderetur: útque universa naturæ Oeconomia in tantis angustiiis perverteretur in confusionem. Sunt itaque, ut vides, præter interceptum Chyli in venas subclavias influxum, & aliæ haud minùs probabiles causæ, quibus necem Animalis illius pari, si non meliori jure adscribas. Harum quippe vix unam mihi dabis, quæ suâ duntaxat violentia, etiamsi reliquæ interim absint, non sufficiat ad perniciem cuivis licèt validissimo Animali citò comparandam. Ubi autem omnes (imò & plures forsitan) concurrebant, junctisque viribus conspirabant in unius caniculi exitum:

tium : uti nil mirum est , ipsum fuisse ab eis jugulatum ; ita cuivis de præcipua sic illatæ mortis causa inquirenti, tutius esse videtur in plurium Syndrome acquiescere, quàm hanc, vel illam singulariter sumptam totius culpæ invidiâ onerare. Non itaque illud vitio nobis vertendum est ; si quæ *Doctiff. vir* ex hoc suo experimento deduxit, ad astruendam illam vulgarem sententiam, de universi impendio Chyli in sanguinem ; indè non adeò genuinè consequi existimamus, ut pro λόγοις ἀναγκασίνοις, seu necessario fidem exigentibus argumentis debeant haberi. Horum verò acie sic retusâ, aliud nihil superesse videtur, quod nos à suscepto *succi Nutritii* patrocínio deterreat : &

Ille velut pelagi rupes immota resistit.

Art. 14. Jam verò ut in arcem causæ invadam ; supposito Nectareum hunc Succum & in statu naturali lenem, dulcémque, & liquori genitali analogum esse ; & per nervos circumquaque singulis partibus, pro cuiusque indigentia, distribui, in earum alimoniam : Veritati summè consentaneum videtur, eundem in Scorbuto altiùs aut sanguine, aut Lympha inquinari solere.

Primò

Primò enim magis vel minus lædi *nutritionem* in omni Scorbuto, in *falso* præsertim, & *Acido*; neminem reor ambigere. Imò à quibusdam defæcatoris etiam iudicii viris, Scorbutus aliud nil esse definitur, quàm universi corporis *Cacotrophia* ex Chymo vel *falsugine*, vel *aciditate* infecto. Ista autem nutritio depravata, unde proveniat? Certè non à sanguine, non à liquore Lymphæductuum; horum quippe neuter alendis partibus comparatus est: sed tantum ex succi nutritii vitio. Hic igitur ubi fuerit aliqua labe, undecunque concepta, usque eò corruptus, ut planè amiserit requisitas bono & laudabili alimento qualitates: necessum erit, ut partes omnes spermaticæ (& ex his quidem totum ferè corpus exstructum est) non solum genio suo defraudatæ sensim marcescant; verum ingrato etiam, incongruo & irritativo succo, tanquam indies augescente sarcina, onerentur. Et si labe quam conceperit, huiusmodi sit, ut ex acidis, falsisve fæculentiis suo modo corruptis dependeat: indè mox emergit Scorbutus, causæ suæ conformis.

Deinde, *succi alimentaris* hæc est natura & conditio, ut miasmate semel tactus Scorbutico, sanguine facilius possit à sua benignitate alienari. Est enim, dum benè

habet, liquor lenis, mitis, subdulcis, omni acrimonia vacuus, & ovi albumini haud abfimilis: idèoque quoties huic quid eximiè falsum, aut acidum (horùmque in hoc vel illo ut plurimum Scorbutus fundatur) admistum fuerit; facilè in succum degenerabit acrem, noxium, & falsugine aut acore fœdum. *Sanguis* autem, quamvis rectè constitutus, semper tamen particeps est haud exiguae *asperitatis*. Id quod vel hinc patet, quòd ipsam solidarum partium substantiam perpetuò deprædatur. Hòcque non solùm ratione caloris vitalis, qui in ipso singulis denuò momentis accenditur atque viget: sed & ob particularum quas in se continet, *aspredinem*; quæ partes corporis, quas inter circuitiorem alluit, quasi affriando deterit; quemadmodum à nobis olim, in *Exercitat, de sanguinis usu* demonstratum. Huic igitur, quàm Succo Nutritio magis familiare existimem, particulas falsas, sulphureas, acidas suo in alveo circumferre. Et quo propiùs quid accedit ad naturam ejus cui admistum est; eo minorem in illo parit à statu naturali recessum: & è contrà.

Art. 15. Porro, idem succus Nutritivus sicut promptiùs ex *Alkali* aut *Acido* inquinamentum concipit; ita forsan & *ab eo diffici-*

faciliùs vindicatur, quàm sanguis. Quànquam enim *illi* à variis recrementis repurgando, pleræque Glandularum suo quæque modo destinatae sunt: has tamen arbitramur, quàm sanguinis Emunctoria, muneri suo sæpiùs deesse. Utrùm id contingit, quòd glandularum ductus ac poruli, quos succus nutritius permeare debet, *angustiores* sint, proindèque obstructioni magis obnoxii, quàm meatus viscerum defaecando sanguini inservientium. An quoniam inter particulas ex quibus succi nutritii faculentia constant, ex una parte; & glandularum istos porulos, ex altera, major *incongruitas* (respectu figuræ) est, quàm inter particulas recrementa sanguinis constituentes, & cæcos meatus in visceribus ad ea singulatim fecernenda comparatis. An quia succus nutritius mitiori ac tardiori *motu* per itineris sui angustias, quàm sanguis per viscerum meacula ferri solet. An denique ex horum omnium (fortean & aliorum, quæ nos adhuc latent) concursu. Cuicunque demum causæ hanc rem retuleris, illud interim minimè dubitandum videtur; cùm ex variis succi Nutritii depravationibus, tum ex Glandularum ipsius quæ dispensationi, quæ depurationi famulantium affectibus diversis, ingentem morborum ac symptomatum.

tum vim oriri : quemadmodum cuivis verè aureum illum *Clariss. Whartoni* (qui nobis in hac luce præest) *Librum de Glandulis*, cum debita animi attentione perlegenti clarè constabit. At undenā usu venire potest, *inquies*, ut tot, tàmque diversa inter se mala ex unico illo fonte scaturiant? Equidem ex eo potissimum deducere, quòd ita dictis Glandulis comparatum est, ut sæpiùs quàm sanguinis E-munctoria, muneribus suis deficere possint. Hoc autem concessio, nemini mirum debet videri, Succum Nutritium ab suis impuritatibus, seu ingeneratæ sint, seu ali-cundè adventitiæ, multo difficiliùs liberari posse ac solere, quàm sanguinem à suis. Hincque fieri existimo, ut idem succus Nutritius, reliquis humoribus multo pro-nior sit, ad Scorbuticum miasma in se concipiendum : útque in eo morbo, tum plura numero, tum atrocitate graviora Symptoma-ta, ex functionum à Cerebro Nervisque dependentium ataxia emergere soleant ; quàm ex qualicunque reliquarum læsione. Quorum utrumque pluribus adhuc ratio-num momentis astruxissem, nisi mecum ab initio statuissem studere Laconismo, ne fastidio foret ingrata prolixitas,

Art. 16. Cæterum, ne quis hîc quæ de humorum
dispa-

disparili aptitudine ad concipiendum miasma Scorbuticum, dicta sunt, iniquè interpretando, in eam incidat hæresin, ut credat; in Scorbuto succum duntaxat nutritium inquinari, reliquis duobus, sanguine nimirum, & Lymphâ, suam interim puritatem conservantibus illibatam: haud parùm interest strictim admoneam, nihil tam absurdum mihi in mentem unquam venisse, meumque hoc esse iudicium; contingere nonnunquam (in *salso* scilicet, & in *acido* Scorbuto) ut isti humores *non perinde, non ex æquo* vitiiati sint omnes, sed *Succus Nutritivus* ἢ ἰξοχὺρ, sive præ cæteris. *Primum* enim omnes ex uno eodémque fonte, Chylo scilicet, originaliter dimanant: ideóque ut de iisdem vitiis ipsi ingeneratis omnes simul plùs minùs participent, necessarium videtur. *Deinde* non eximi *sanguinem* à vitiis succi nutritii, vel hinc manifestum est; quòd *iste* dum per intimos partium quarumcunque recessus itque reditque, *illius* reliquias illic manentes undis suis abluere, secúmque dein circumferre (haud rarò in mox secuturam sui corruptionem) aptus natus est. Pari necessitate *succum Nervosum* sanguis miasmate Scorbutico tactus vicissim inficit: quoniam *hic* ad cerebrum in suo circuitu delatus, huic materiam unde spirituosus
ille

ille liquor quasi per sublimationis modum extrahitur, perpetim suppeditat. Unde fit, ut è depauperato velutique vappescente sanguinis proventu, tenuior iusto, ac effætus liquor extillet in cerebrum; atque inibi è falso acidove sanguine, liquor acris proliciatur; in maximum facultatis Animalis detrimentum. Verbo dicam, quacunque dyscrasia sanguis sua bonitate fuerit exutus, eadem & succum quoque nutritium illicò corrumpi necessum est; & vice versa: idque tum communis utrique originis respectu, tum ratione parilis utrinque per cuncta diffusionis. Et de *Lympha* denique, idem prorsus sentiendum; utpote quæ partim ex arteriis, & è nervis partim derivari videtur. Concludo itaque, licet his quidem omnibus possint eadem vitia communia esse: in Scorbuto tamen non semper omnes parem malignitatem induere; sed *succum* plerumque *Nutritium* cæteris gravius peccare. Quod erat probandum.

Ridebunt, prævideo, hanc conjecturam nasutiores, quibus volupe est in aliorum Scriptis acriter exagitantis *Aristarchum* agere; quique nisi quod ipsi sentiunt, nihil rectum putant: sed forsitan verè ingeniosi de ea meliùs cogitabunt. Ego interim

rim

rim libertatem illam, quam aliis libenter concedo, mihi etiam pari jure vendico: ut quod in re admodum obscura verisimile videtur, Emunctorum examini offerre liceat.

CAP.

C A P. IX.

*Signa quædam Prognostica, Medicis in se
Scorbuticorum curationem suscepturis
diligenter observanda.*

SUMMARIUM.

ARTIC. (1) Πρόβλεψιν de futuro Scorbuti eventu instituturo Medico, quibus è fontibus petenda sint signa. (2) Quid præsentire liceat, pro varia mali origine. (3) Quid ex Lue venerea cum eodem complicata. (4) Quid item ex nuper prægressis, nondùmque perfectè curatis morbis. (5) Quanto in discrimine versentur, quibus præcipuè infectus fuerit succus Alimentaris. (6) Scorbuti, ab Acido universim sæviente oriundi, præsagium. (7) Quantum ostentent periculi variae Salium combinationes, ad αἵματι fluxilitatis & corrosionis jam provectorum. (8) Gravius Senes juvenibus; (9) Mulieres viris; (10) & Morosi, Medicorum consilio alacriter obsequentibus, laborare Scorbuto. (11) Monitum,

nitum, ne quis temerè his Prognosticis confidat.

Quibus ex indiciis desumi possit iudicium, de præsentì Scorbuticorum constitutione; jam inquisivimus: & sequitur nunc inde *Prognostica* hauriamus, quibus etiam prævideatur futura. Bono enim, & sacris *Æsculapii* mysteriis ritè initiato Medico triplicem hanc imprimis provinciam *divinus senex* (*ἐπιδημιῶν, lib. I.*) demandavit; nempe λέγει τὰ περιόµενα, χράσκειν τὰ παρόντα, προλέγειν τὰ ἐσόμενα.

Signa igitur, undè de Scorbuti hunc vel illum hominem individuum excercentis futuro eventu divinare liceat, multorum utique generum sunt. Quippe quædam eruuntur ex ipsa morbi origine; ab ejus *duratione* aliquot. Alia ex *humoris* maximè inquinati *specie*, gradûque *miasmatis* in eo concepti: alia ab *etate*, *sexu*, *temperamento*, *moribus* infecti: plura è diversis *Symptomatis* ipsum obsidentibus. Horum quotquot sunt præcipua viritum, & ex ordine, sed paucis exponam.

I. Quibus nascendi fors contigit adeò infelix, ut *hæreditario* jure in *Scorbutum*, sibi ab infectis parentibus relictum successerint:

ferint : his parum vel nihil omnino spei afulget, se ab ingenerato unquam veneno sincerè liberatum iri. Nam talium ipsis etiam primordiis infixæ miasmatis semina, cum visceribus unà crescunt : atque licèt fructus ipsorum, & folia subinde perita Medicorum manu decerpi possint ; semper tamen altiores agunt radices, repullulântque identidem vel levissima quaque de causa. Hos miseros tristis fortuna tenaciter urget, qui à genitoribus Scorbuto insanabili fractis vitam, simul & contagium sortiti sunt.

II. Nec multo mitiùs hiscum à fato agitur *infantulis*, quorum subrumantibus adhuc labellis contagiosum virus, boni lactis loco, suæ *nutrices* dicam, an veneficæ instillârunt. Ita enim haustum in tenellula pupulorum viscera venenum, mox se per omnia diffundit, cum partibus etiam solidis quasi adolescit ; indè vix ullis Medicinæ præsidis unquam extirpandum.

III. His proximo loco constituti sunt, quos firmata jam, atque integra ætate corripit Scorbutus, per *contagium* quomodo-cunque conceptus. Hausto enim, tacitèque se in penitiora viscerum penetrante fascino ; confestim in sanguinem, succumque

que simul nutritium, fermenti more, agit ; & utrumque de statu naturali usque eò deturbat ; ut exinde naturæ, licet optimis etiam artis auxiliis adjunctæ perarduum sit, suæ alterutrum benignitati denuò restituere. Maximè si sic infecti, antea aut *δυσπλαγχοι*, parùmque firmis viribus fuerint ; aut otio, & venere, aliisque voluptatum illecebris enervati.

IV. In iisdem fluctibus navigant etiam, quibus *lne olim Venerea* implicatis superadditum est contagium quoque Scorbuticum. Hoc enim ad *illius* malignitatem quamproximè accedere, invicèmq; exaui alterum ab altero ; suprà *sub finem cap. 3.* clarè ostensum. Art. 3.

Naturæq; gemit gemino sub pondere cymba.

V. Illi pariter magno in discrimine versantur, quos *febre diuturna*, aliòve ullo ex graviorum censu *morbo* jam propè *exhaustos*, recénsque convalescentiæ initiatos, Scorbutus corripuit. Nam his nec virium satès remanet, quò novi hostis insultum repellant : neq; viscera gerunt adhuc à noxiis morbi nuperi reliquiis vindicata. Art. 4.

VI. Quo recentior Scorbutus, eo *curatu facilior* :

facilior : & è contra. Namque in principio, labes nondum eò malignitatis processit, ut aut sanguini cum succo nutritio insigniter corrumpendo sufficeret, aut durabilem faceret in solidas partes impressionem. At ubi jam augescente indies pravitate, inveterascere incipit; & humores de vitæ ac nutritionis præsidio deicere solet, & ipsis etiam visceribus imprimere fœda; nec nisi difficillimè delenda suæ tyrannidis vestigia. Undè fit, ut nunc singulis annis, nunc ex longiori intervallo, pro victûs ratione, & aliis circumstantiis, recrudescat atque recurrat; modò iisdem, modò aliis, sed æquè gravibus accidentibus stipatus. Humor enim *Melancholicus*, (primarium Scorbutici miasmatis subjectum) ut non nisi longo tempore coacervatur; ita etiam non nisi longo tempore tollitur. Sua utique natura contumax est; & vel generosissimis medicamentis resistit. Ubi verò malum, fixa in cerebro nervisque sede, in facultates *Animales* diu sævit; vix unquam de integro extirpabitur. Symptomata quidem demulcere licet; inquinamentum penitus extinguere, non item.

Art. 5. VII. *Gravius Scorbuto laborant, quibus Succus Alimentaris jam inveterato miasmate*

miasmate corruptus est; quàm qui sanguinem habent supra ceteros humores eo inquinatum. Prognostici hujus certitudo non uno pede niti videtur. *Sanguinis* enim hæc est natura & prærogativa, ut in singulis panè momentis renovata sui ipsius & *generatione*, & per incendium *dispersione* seu absorptione consistat: ut per universa corporis perpetuo, eoque rapido sanè *motu* circumferatur: ut cum pluribus, tum grandioribus gaudeat Emunctoriis, quorum multiplici artificio vendicat à suis quibuscunque impuritatibus liberari. Horum verò nihil non ad conservandam ipsius puritatem suo modo facere arbitramur. *Succo* autem *Nutritio* paria desunt privilegia. Is enim & per angustiores meatus, & tardiori admodum motu distribuitur. Item ejus defæcationi si non pauciora, at minora saltem, sed & obstructioni magis obnoxia comparata sunt Emunctoria. Ad hæc (quod maximi in hac quæstione momenti est) singulis partibus, pro cujusq; exigentia, dispensatus; eis per contiguitatem apponitur; tum per arctiorem coalitum agglutinatur; & in ipsam denique partium substantiam assimilando transformatur. Estque proinde necessarium, ut idem illas quibus ipse imprægnatur feculentias, cujuscunque demum generis

M

sint,

sint, partibus solidis infixas relinquat: inde forsitan non nisi longo tempore, magnâq; naturæ luctatione exterminandas. His adjicere licet & illud; miasmati Scorbutico cum succo Alimentari tantam intercedere discordiam, ut non *εὐπρεσσύλα*, seu pacifico unquam fœdere consocialia sint; sed planè *ἀσύμμελα*, sibi que mutuo dissidio infesta: id quod suprà ex professo demonstratum.

Art.6. VIII. Gravior adhuc iis impendet calamitas, qui in Scorbutum delapsi sunt, ex *Acido* in sanguinem pariter & succum Nutritium grassante oriundum. Quippe ubi in utrumque Cacotrophia tantoperè invaluit, ut ambo in liquores acidos, austeros, Calcanthinos degeneraverint: frustra expectaveris, alterutrum suo unquam genio restitutum iri; nisi in hominibus bene visceratis, integrarum adhuc virium, & Medicorum consilio obsequentibus; perque generosissima & naturæ & artis præsidia, diù continuata. Nam ita imperio acidi subjectos humores in locum undè dejecti sunt, restituere; haud minùs difficile est; quàm vino in acetum degeneranti pristinam gratiam reddere.

Art.7. IX. Ominum autem gravissimè periclitan-

clitantur, quibus Scorbuto lánguescentibus inveterato, humores ex *salium* in summum *fluxilitatis* & *acrimoniæ* fastigium jam eveكتورum *combinatione* adeò efferi evaserunt, & corrosivi; ut partes etiam solidas erodendo, æmulari videantur vim *Cauſticorum*. His enim ab hoc statu nullus datur regressus: sed conturbata, ruinosa, conclamata tum fermè omnia; remedium verò, & virium cum partibus atrophia colliquatis refectionis, nihil. Namque in hujusmodi Scorbüticorū propè jam exhaustis corporibus, tam variæ, tamque perplexæ sunt salium efferatorum Syzygiæ & conspirationes; ut perarduum sit, eas distinctim internoscere; ac per appropriata cuique singulari antidota dissolvere, tantum non impossibile. In hoc autem casu, circumſpecti Medici est, præſagire quidem pericula; sed interim non omittere quæ ars & humanitas requirit. *Satiùs quippe est, anceps remedium experiri, quàm nullum: & dubia spes certa desperatione potior.*

X. Ex Scorbuto, *adhuc florente juventa* Art. 3. *fervidis, non idem ac ævo cedentibus instat periculum.* His enim & virium minus est, & plus excrementorum ab infidis concoctionibus restibulum: utrumque proculdubio

ex sanguine caloris atque spirituum vitalium (qui soli medentur morbis) indigo, velutique in vappam spontè languescente.

- .9. XI. *Mulieres* item viris periculosiùs laborant : quia & calore ac viribus plerunque inferiores sunt , & pròprie in sanguinis corruptionem, ex importuna mensium suppressione. Adjicias & *παραγίαν*, cum vita otio ut plurimum, & deliciis transacta.

Art. 10. XII. At eadem *utriusque* sexui mala impendent, ubi Scorbuto jam altiùs infixio affecti, non salutari Medicorum consilio ducuntur, sed in perversa abducuntur enormi suarum cupiditatum instinctu. Hic enim, si usquam morborum, exactissimâ ratione in rerum usu non-naturaliû observandâ opus est; opus est & medicamentis eximiis, multis, appropriatis, subinde pro re nata variandis : ut tanti hostis vires, ex omni-victûs errore succrescentes, undique, & sæpiùs iteratis quasi certaminibus impugnentur. Malè igitur salutis suæ consulunt, qui hoc morbo conflictati, genioque suo sive per contumaciam, seu ex petulanti libidinis æstro nimium indulgentes; vivere ex Medicinæ præscriptis fastidio habent.

bent. His equidem seriò inculcandum est illud Hippocratis axioma ; ἡ τέχνη διὰ τριῶν τὸ εἶσθαι, ὁ νοσίων, καὶ ὁ ἰατρὸς, &c. *Ars ex tribus constat ; morbo, ægroto, & Medico artis ministro. Ægrotum cum Medico adversari morbo oportet.* (ἐπισημίων, Lib. I.) τὰ νόσα ποιεῖν, non minus ægroti officium quàm Medici est. Ab hoc requiritur, quod factò opus est, ex medendi scientia consulere : ab illo, alacriter exequi quod consultum est, præscriptisque morigerum se præbere. Qui aliter fecerit, debitis perversitati suæ pœnis reliquendus ; tanquam divino artis Hippocraticæ auxilio indignus.

Præter hætenus explicata morbi hujus ostenta, restant & alia ; quæ ex variis Symptomatum aspectibus desumpta, Scorbuticorum fata majori adhuc certitudine præmonstrent. Ne quam autem confusionis obscuritatem pariat longior, ac malè distincta rerum productio ; ista expedit in illum locum conjicere, ubi de Symptomatum præcipuis & per causas suas enucleandis, & per appropriata cuique remedia curandis agere mecum constitui.

Interim de utriusque loci Prognostici. Art. II.

cis, illud in genere notatu dignum est ;
iis non temere, non sine summa circum-
speditione credendum : ne per incertam,
 nec respondentem eventui prædictionem,
 aut Ægroti requisitis, & etiam tum
 fortè profuturis remediorum suppetiis
 relinquuntur destituti ; aut qui judicio
 erraverit Medicus, cùm sibi, tum Ar-
 ti (quam summi Numinis indulgentiâ
 singulari Hominibus concessam, ab omni
 ævo principes viri crediderunt) falla-
 ciâ infamiam imprudenter conciliet. In
 hoc enim morbo, si in alio ullo, ut
 causæ, ita & Accidentium quoque præ-
 significationes admodum obscuræ sunt, &
 ancipitis fidei : observatùmque est, non-
 nullos etiam ex deploratis, præter &
 suam, & Medicorum expectationem, è
 faucibus fati emeruisse. Præterea, con-
 venit ægros securos agere ; ut corpore
 tantùm, non etiam animo laborent : &
 si qua ipsorum animos exasperatura sint ;
 optimum est, ea dum ægrotant, ipso-
 rum notitiæ subtrahere. Cæterùm ubi
 Scorbuto vel sita in Abdomine viscera
 duris, inque scirrhum vergentibus tumo-
 ribus obsessa sunt ; vel exulcerati pul-
 mones : ibi spes abiit omnis ; nec Me-
 dico serò nimis in consilium advocato
 aliud quid agendum superest, nisi at mi-
 tigatâ

tigatâ symptomatum atrocitate, conclamato *iudicium* conciliare pro virili annitatur. Quæ supra hominem (inquit Medicorum Princeps Romanorum, *Corn. Celsus*) Deo committe; & consule non minùs tuæ famæ, quàm ægrorum salutis.

M 4

CAP.

C A P. X.

Scorbuti Therapia, in genere instituta.

SUMMARIUM.

ARTIC. (1) *Positum esse palmarium dissertationis hujus scopum in methodica Scorbuti Curatione.* (2) *Quæ bipartita est; altera nempe Morbi ipsius, cum causis ei conjunctis, ablationem respiciens: altera verò compescendæ Symptomatum hinc inde oriundorum severitiæ accommoda.* (3) *Prioris (quæ capitis hujus materia est) summa: & scopi præcipui:* (4) *viz. vitiosorum humorum in primis viis congestorum exterminatio per Evacuantia;* (5) *Galaxiæ deobstructio;* (6) *Miasmatis Scorbutici correctio;* (7) *Viscerum, si qua seu temperie, seu tono læsa sunt, in pristinum vigorem restitutio.* (8) *Quibus instrumentis primo satisfiat scopo.* (9) *Quibus attingendus sit secundus.* (10) *Quæ item conducant ad tertium:* (11) *quæque ad ultimum.*

Libero;

Ibero, illaborato & facili sermone tra- Art.1.
ditam nunc tandem audivistis, *Com-*
mittones Consultissimi, sententiam no-
stram, de Morbi hujus gravissimi natura,
differentiis, causis, signis, aliisque omni-
bus, quotquot ad clariorem ejus notitiam
nobis denique comparandam requisita,
& consideratione digna viderentur. Et
vestri, lubenter agnosco, juris est, pa-
ri libertate de verisimilitudine dicto-
rum dijudicare. Mihi interim reliquum
est, ne patientiâ vestrâ videar amplius
abusum iſſe, ad ultimum, palmariûm-
que hujus tam prolixæ, ac tot tantis-
que difficultatum nodis implicatæ disser-
tationis scopum, velutique coronidem
toti operi imponendam, rectâ accedere:
Methodicam nempe Morbi Θεραπείαν, pro ip-
sius cùm Causarum continentium, tum ur-
gentium maximè symptomatum indole di-
versa instituendam. In hoc quippe uno,
tanquam suo in centro, universas priorum
lineas capitum concurrere atque uniri o-
portet. Hicque mihi peropportunè in
mentem venit prudentissimi illius consilii,
ab Hippocrate omnibus suis in artium ex-
cellentissima discipulis dati; de remediis
maximè convenit esse sollicitos, qui tam
volunt, μη λόγῳ μόνον, ἀλλὰ καὶ ἔργῳ ἰατροὶ νομίζεσθαι.

non

ipsi cum causis ei conjunctis auferendo ; alteram ad compescenda ex utrisque *symptomata*, conservatis interim quantum liceat ægri viribus, accommodatam.

Prior ex pluribus constat Scopis, semper *Art.3.*
quidem unū in finem, *Miasmatis* putà *Scorbutici extinctionem omnimodam*, dirigendis ; sed sæpè variandis, pro varia ipsius cum origine, tum progressu, & combinatione. Horum *præcipuos* (omnes enim pænè infinitum foret seriatim præstituiere ; & vel prævidere, perarduum) quosque ego & maximè in se generales, & ægrotis utilissimos esse futuros existimem, ex ordine, paucis tamen expediam.

Primum igitur, *Cruditates*, si quæ ad- *Art.4.*
sunt (& adsunt quidem sæpissimè, in hac passim tragoedia primas tenentes, suoque in Chylum maleficio universi corporis *Cacotrophiam* indies augentes) in Chylificationis officina, adituque Mesenterii congestæ ; *sui ablationem* per medicamenta seu *dra*, seu *rim* clementer ducentia indicant : quò ventriculus vitiosorum humorum quasi saburrâ sic exoneratus, suoque quamprimùm redditus fermento, commissâ sibi exinde alimenta fidelius digerendo sit, atque puriorem in Chylum trans-

transmutando : útque aliis mox subsecuturis præsidis liberior aperiatur transitus in corporis penitiora.

Art.5. Deinde, si qui venulis Lactiferis, hisque ancillantium in Mesenterio Glandularum exilissimis ductibus *infarctus* insunt (id quod plerumque in Scorbuto arbitror contingere) ii quoque confestim *dissolvi expediri*que desiderabunt : idque ne novus Chymi proventus in istis itineris sui angustiis interceptus, ab ulteriori progressu prohibeatur; in spermaticarum partium ex eo nutriendarum suo dimenso defraudationem, penuriámq; sanguinis indè pariter instaurandi.

Art.6. Tertio loco *Corrigenda* veniet prava illa tum sanguinis, tum Succii Nutritii *dispositio*, ex qua miasma Scorbuticum & primitus emergebat, & indies denuò fovetur: hocque ut, deletâ tandem labe, suus utrique genius liquori restituatur.

Art.7. Postremò, si qua ex *visceribus* fuerint in hærente diutiùs inquinamento insigniter *lesæ* (id quod jam inveterascente morbo sæpius fit) iis quoque; pro peculiari cuiusque constitutione, próque illatæ natura injuriæ, tempestivè succurrendum:

ne

ne exinde, tanquam ex intus relicta radice, malum denuò succrescat. Præ cæteris verò summa *Ventriculi* habenda ratio est; ut eo in priorem *ivoriæ* statum revocato, finis imponatur Apepsiæ, omnium malorum fomiti.

Hos porrò scopos ad unguem usque attingere cupienti Medico, *instrumentis* quibusdam opus est peridoneis, selectissimisque, & cuique eorum speciatim, & singulari cum judicio accommodatis. Planius dicam, & ad tyrunculorum etiam captum, de unoquoque horum genere.

Ut *primo* scopo fiat satis, hoc est, ut hu- Art.8.
mores quomodocunque vitiosi è ventriculo, intestinis, Mesenteriiq; confiniis clementer ac sensim exturbentur; exordien-
dum est à benigniori *Purgatione*. Moderatâ quippe alvi laxitate, affectum hunc optimè demulceas. Talem verò cum tutissima confidentia licet expectare ab *Eccopropticis*, *Emeticis*, *Catharticis*, suo quibusque tempore administratis. De his verò in genere animadvertendum; 1. Nullis propinanda esse *φάρμακα ἐμμηνα*, præsertim ex τῶν *δυσσημῶν* censu, nisi iis qui & ad vomendum sint suapte jam sponte pernauseam proclives; & vomitiones olim
cum

cum *εὐφορία* & levamine pertulerint, quales *εὐεμενικὰ*, *Hippocrati* dicuntur. Hujusmodi enim hominibus *ἐμετοποιῶν* τὴν *διὰ κοιλίαν*, salutiferum esse solet: aliter verò affectis, & periculi plenum, nec eventu proficuum. 2. His item, quos purgari oportet per inferiora, à *validioribus*, & dolorificas intestinorum vellicationes cum præcordiorum anxietate concitare solitis *Catharticis* planè abstinendum. Talium enim ex usu, experientiâ compertum est, & Scorbuticos in præsentissimum vitæ discrimen, inopinatâ virium prostratione adduci, peccantisque materiæ malitiam haud parùm exacui. Hîc igitur *Mitiorum* est delectus faciendus; quæ non semel, at sæpius, & ex intervallis, pro exigentiæ simul & assumentis virium ratione, postulant exhiberi.

- Art. 9.* Ad secundum propositum artificialiter exequendum, comparata habemus *Attenuantia* & *Incidentia*, iisque nominibus *Ecphrastica* medicamina. Quorum de recto usu paucula hæc observanda sunt.
1. Ut semper à *lenioribus* incipiatur.
 2. Ut impendiò *Ecphrasticis*, si obstructions fuerint viscerum adytis altius jam impactæ, si in crasso aere homines degant,

si humores frigidi sint, & crassi, potissimum agatur. 3. Ut in his etiam illa, quæ Scorbuto simul peculiari proprietate perhibentur adversari, præ aliis eligantur. 4. Ut in succis, spiritibus, essentialisque destillatis, conservis, potius quàm decoctionibus & extractis (quibus nempe medicamentorum sal volatilis evanescere solet) exhibeantur. 5. Ut iis alternatim interponantur *Purgantia*; quò fluidiores nunc demum redditi humores vitiosi, foràs ejiciantur tempestivè; sibi novas alioquin, ac nobiliores forsitan sedes quæsituri.

Ad *Tertii* negotium ex animi sententia *Art. 10.* expediendum in primis conducunt *Digestiva*, & *Antiscorbutica* vulgo dicta. Quæ *sale volatili* ubertim imprægnata, eo nomine humores, ex deficiente adhuc *πνευμαλόν* in statu fixitatis remanentes alterare, hoc est, ad desideratum fluxilitatis ac spiritualsentia gradum promovere, sensimque perducere apta nata sunt. In his *Salia volatilia* quæcunque primarium obtinent locum. Inter *Appropriata* verò, omnibus aliis efficaciam præcellere creduntur *Cochlearia*, *Beccabunga*, *Armoracia*, *Chelidonium minus*, *Nummularia*, *Sinapi*, *Oxylapathum*, *Taraxicum*, *Helenium*, *Ruta*
mura-

muraria, Angelica, Zedoaria, Bacca Juniperi, Gummi Ammoniâcum, Lacca, viperarum carnes & sal volatilis; ex quibus varia composita solent præparari. His tamen non temerè, non indiscriminatim utendum est; sed cum cautione, factoque priùs, pro ægroti temperamento, ac pro indole ipsius etiam Scorbuti, delectu: ne per medicamenta tam calida & acria, ex se jam æstuant, infestique acrimoniâ humores porrò exasperentur.

Eundem in finem *venæ Sectio* etiam conducit. Sanguinis enim & expeditiori in orbem motui, & ab admistis impuritatibus quibuscunque depurationi eximiè confert. Accedit, quòd exagitatus à spiritu sive salino, sive acido sanguis, imminutione sui meliorem spondet quietem. Admitti igitur in usum *Phlebotomia* postulat in Scorbuto, quoties *Plethora* cum virium integritate adest; quoties *febris* vel imminet, vel jam afficit; quoties viris *hæmorrhoides*, *catamenia* mulieribus præter consuetum suppressa sunt: sed ita, ut ubi maculæ & exanthemata jam prodierunt, omittatur; ut potiùs parca manu, & iteratis vicibus, quàm profusè, ac semel tantùm sanguis educatur; ne vires collabantur, neu *Cachexia Leucophlegmatica*,
aut

aut *Hydrops* ex sic læsa sanguificatione subsequatur.

Huc facit quoque *Dieta*, cujus in alterandis cum sanguinis, tum succi Nutritii intemperiebus, vis ipsis ferè medicamentis par est, & longè gravior ventriculo. Quam ob rem, ne medicamina inter & alimenta quid mutuae suboriatur repugnantiae, in curationis impedimentum ac dilationem; sed ut hæc cum istis, consimili facultatum subsidio, in restituendam Scorbuti affectis sanitatem conspirare possint: instituenda victus ea ratio est, unde morbo ipsi, ejusque tum *Procatartics*, tum *conjunctis causis* bellum pariter indicatur. Ea verò qualis debet esse, nullo penè negotio colligi potest ex iis, quæ de illis in utroq; genere causis supra in *cap. 3.* dicta sunt: omnes quippe causæ illæ sedulo vitandæ. Cætera nil opus est figillatim attingamus; cum speciminis locum occupent prædicta. Illud tamen in genere monendum duxi; *Diatam* maxima ex parte *incidentem* esse, *attenuantem*, *abstergentem*, *deobstruentem* debere. Videtis itaque jam tandem, quàm necessariò requisita sint ad *tertium* hunc curandi Scorbuti scopum, rectè & ex Medicorum institutis assequendum, optima non solum

Pharmaciae, verùm *Chirurgiae* etiam, atque *Dietae* praesidia. Videtis etiam, qua ratione, & quemadmodum omnia ista, suo quæque tempore, ad eundem finem sint dirigenda.

Art. II. Quarto denique scopo satisficient *Corroborantia* quæ vulgo dicuntur; talia videlicet, quæ per morbum, ejusve causam continentem partibus læsis, suam cuique *virtutem*, temperiemq; suam restituere comparata sunt. Hujus ordinis *Cephalica* censentur, *Stomachica*, *Hepatica*, &c. huic vel illi ex visceribus coctioni publicæ destinatis, ob peculiarem quandam virtutis congruentiam; experientiâ compertam, *Appropriata*. Quorum in usu id universim oportet observari; ut investigato prius, quæ corporis partes præcipuè sint in *consensum* tractæ, quâsque imprimis humores vitiosi occuparint: ad eas præsertim cura dirigatur, in priorem statum revocandas; idque per remedia tum istis in specie dicta, tum miasmatis Scorbutico adversantia. Eligantur verò præ cæteris, quæ *Ventriculo* jam propè emortuum fermentum restituant; ad Chyli & concoctionem minus tardam ac infidam, & ab inutilibus recrementis separationem, in aditu Mesenterii, strenuè conducant; hisque nomi-

mini-

minibus, illatam sanguini simul & succo
Nutritio labem penitus deleant.

Atque hæc quidem de iis, quæ in cura-
tione Scorbuti *in genere* & summo studio
instituenda sunt, & ea quam præscripsi-
mus methodo in actum deducenda, com-
pendio dicta sunt. Quibus in exequen-
dis si quis communicato hîc à nobis con-
silio auscultaverit; ne desperet, quin
compos voti factus, brevî habeat quod
cælo imputet. Interim instituti hujus
nostri postulat ratio, ut ad curationes sin-
gulis ejusdem morbi *differentiis*, pro cau-
sæ has constituentium diversitate, spe-
ciatim accommodandas progrediamur.

C A P. X I.

Scorbuti Rancidi Therapeia.

S U M M A R I U M.

ARTIC. I. *Præcipuam curandi hujus Scorbuti rationem in eo potissimum consistere, ut Sanguis Sulphure præsertim distemperatus, ab eo quamprimum vindicetur. (2) Cui proposito conducunt Cholagoga temperatiora; (3) Phlebotomia, suo tempore administrata; (4) Digestiva seu Alterantia mitioris generis, & Antiscorbutica pariter lenia; (5) quorum numero accensentur Acidulæ, vitriolo, sale nitro, Alumine, &c. imprægnatæ; (6) Corroborantia specifica.*

Art. I. **I**N Scorbuto igitur CALIDIORI, quem à sanguine rancido supra deductum vidisti; quandoquidem videtur causa ipsius proxima non aliunde quam ex biliosis seu Sulphureis particulis, initâ cum nonnullis etiam salinis societate, in sanguine præsertim luxuriantibus, efferatis, dominiûmque in cætera ejus elementa ferociter

rociter exercentibus petenda : idcirco medendi leges postulant, ut ad eum per causæ ablationem *curandum*, hujusmodi adhibeantur remedia, quæ sic distemperatum sanguinem valeant sulphureâ suâ intemperie sensim exuere. Hujus fortis sunt.

I. *Purgantia ex Cholagogis* temperatio- *Art.2.*
ribus composita (exulent enim *Aloetica* omnia, & *Scammoniata*; ne humoribus majorem adhuc fervorem cum acrimonia conciliando, malum exasperent) vehiculis attenuantibus quidem, sed bilis æstum simul contemperantibus diluta, vicibûsque per intervalla iteratis propinata.

II. *Sanguinis 'Αραιωσις* per *Phlebotomiam*. *Art.3.*
Hæc quippe in hoc casu *ὑγιαίνοντο* & *σπασμωδία* remedium est : tum quia nonnihil causæ etiam continenti detrahit; tum quòd sanguinis residuo & potenter contemperando, & sensim purificando præ cæteris omnibus inservit (quippe impuri sanguinis per repetitam venæ sectionem detracti in locum, laudabilior indies, ac defæcator succedit) dummodo non profusiori & unico tempore factâ sanguinis emissionem, sed parcâ manu, vicibûsque prudenter partitis administretur. Hic igitur

tur Philosophum Medicum, non agyrtam aut circulatorem se præstare oportet; sed ægroti habitum, vires, ætatem, consuetudinem, symptomata maximè urgentia, intentâ mentis acie contemplari: τὰν ὁ ἰδρὶς αὐτοῦ ἐστὶν; ut rectè dictum ab Hippocrate, illo viro fuit, cui magno suo merito, tanquam parenti omnis Medicinæ, omnes assurgimus. Ac si morbus jam radices egerit, & sanguinis jam adsit magna corruptio, ac cacochymia sine plethora; eâque totum ita corpus occupaverit, ut jam maculæ efflorescant hinc indè incute; vix venæ sectio tentanda: sed tum potius ad Cachexiæ Scorbuticæ correctionem per alterantia (ventris colluviæ priùs averruncatâ) accedendum.

Art. 4. III. *Digestiva* seu alterantia temperatiora, quæ sanguinis *Sulphureo-salinam* intemperiem corrigant, ejusque orgasmos ac effervescentias immoderatas leniendo componant; tum miasma Scorbuticum ex particularum *Sulphurearum* cum *Salinis* combinatione accensum extinguant. Hujus commatis nec immeritò censentur radices *Scorzoneræ*, *Feniculi*, *Cichorii*, *Oxy-lapathi*, *Petroselinii*, *Chinæ*, *Graminis*, *Eryngii*. Herbx, *Endivia*, *Fumaria*, *Taraxicum*, *Scolopendria*, *Scabiosa*, *Ulmaria*,
Bor-

Borrage, Chamædris, Chamæpitis, Cherc-folium, Beccabunga, Cardamines, Lujula, Tamariscus; flores Genistæ, Sambaci, Lupuli Saliſtarii, Pæoniæ maris, Calendulæ; fructus, Uvæ passæ, Corinthiæ, Poma fragrantia, Pruna Damascena, nûces juglandes cum putaminibus immaturæ, mala Citria, Limonia, Aurantia, Pini; Semina Cardui-benedicti, Melonum, Citrii, Fraxini, Endivie, Erucæ, &c. quomodocunque parata, præcipuè verò ad formam *Apozemat*is coquendo redacta; ut eo expeditius sese in penitiora & ductuum Chyliferorum, & viscerum penetrare, virésque suas in isto itinere minùs retusas quaquaversum, deferente sanguine, diffundere possint. In hominibus autem calidiori præditis temperamento, inque maciem indè pronis; abstinendum ab *Cochleariæ, Raphani Sylvestris, Corticis Winterani*, aliorumque id genus *acrium, saléque volatili* abundantium Antiscorbuticorum usu: eorumque loco admittenda sunt *Lac asininum*, succo *Taraxaci* alteratum, aquæ ex mitioribus Antiscorbuticis cum *pomacio* non acido, aut sero *lactis vaccini* destillatæ; & ipsum *lactis serum*, à coagulo adhuc tepidum, ad libræ unius quantitatem, singulo manè atque crepusculo, per plures septimanas, exhibitum; instillatis priùs in unamquam-

que dosim guttulis decem, vel pluribus spiritûs *Cochleariæ*, aut *Salis dulcis*. Ut unâ fideliâ plures simul dealbentur parietes; hoc est, ut biliosæ sanguinis dyscrasiæ, simul & Scorbutico miasmati, tum impendenti Atrophix prospiciatur.

Art. 5. Iisdem indicationibus pari cum emolumento suffecturas equidem spondeo *Aguas Minerales*, *Acidulas* vulgo dictas; quæ ex admistione spiritûs vitrioli, salis nitri, & Aluminis (quæ mineralia nunc quidem simplicia, sed frequentius cum aliis mineralibus magis aut minus commixta in terræ visceribus, imprimis in ferro reperiuntur) plerumque solent oriri. Hujusmodi fontium magna est copia, in variis regionibus, eis præsertim ubi fodinæ ferreæ abundant: & sola in *Germania* numerus eorum ad millenarium ferè accedit; affirmante *Doctiss. Bernhardo Vareno, Geograph. general. cap. 17. lib. 1.* In *Britannia* verò nostra celebriores sunt *Barnetten*ses, *Eberhamiens*es, *Tunbrigen*ses, *Astropen*ses, *Scarburgen*ses, & qui è rupe *S. Vincentii* prope *Bristolliam* urbem scaturit. Harumque Acidularum excellentes virtutes, in præfervido sanguine tum ad justam temperiem reducendo, tum ab impuritatibus Sulphureo-salinis clementer, quâ per urinam,

nam, quà per diaphoresin repurgando, sed & expediendis insuper viscerum obstructi-
onibus; adeò omnibus non solùm Medi-
cis, verùm indoctræ etiam multitudini notæ
sunt, ut nostro præconio neutiquam indi-
geant. Nec est quòd in præscribendis re-
gulis in earum usu legitimo observandis
immoremur: id enim ab aliis factitatum.
Illud autem in genere subinnuere visum est,
dosis quotidie vel augendam, vel diminu-
endam esse, pro expeditiori vel tardiori
aquarum permeatu; ritè observato inte-
rim tum in diætâ, tum in exercitiis regi-
mine, quod Oxipotis solenne est: *Tem-
pusque* pariter Acidulis bibendis impenden-
dum, longius aut brevius esse debere, pro
majori minorive assumentis euphoria &
emolumento.

Emenso demum Acidularum, cum inter-
calatis semel in hebdomade purgationibus,
stadio; quamprimùm progredi expediet
ad ea, quæ curationi susceptæ supremam
manum adjiciant: hoc est, quibus insint
facultates, cum sanguinem in adhuc melio-
rem temperiei expansionisque æquabilis
dispositionem reducendi, tum ventriculo
cæterisque visceribus nutritioni famulanti-
bus priorem *εὐπρίας & εὐπερίστας*, statum re-
stituendi. Inter hæc faciliè primas obti-
nere

nere perhibentur *Vina Oligophora*, tenuia & subacida; temperatioribus quidem, sed aromaticis, ventriculóque minùs ingratis *Antiscorbuticis* (cujusmodi sunt *Pimpinella*, *Mentha*, *Borrago*, *Feniculus*, *Angelica*, *Melissa*, *Ulmaria*; flores *Aurantiorum*, *Sambuci*, *Garyophyllorum*, *Genistæ*; cortices *Citrii*, *Aurantii*, *Cinnamomi*, &c.) nobilitata, & ad sobrietatis normam assumpta. Item confecta ex *Pomorum fragrantium*, *Cerasorum*, *Ribium*, *Mororum*, &c. Succis vina, post debitam fermentationem ac maturationem in usum quotidianum recepta. Atque *Cerevisiæ medicatæ*, in quibus radices *Lapathi acuti*; summitates *Tamarisci*, *Pini*, *Abietis*; flores *Sambuci* fuerint incocti; aut *Lingua Cervina*, *Nasturtium aquaticum*, *Beccabunga*, cum pomis *Citriis*, *Aurantii*ve totis in taleolas confectis infusa.

C A P. XII.

Scorbuti à sale fixo exorti Curatio.

SUMMARIUM.

ARTIC. (1) *Propria Scorbuti hujus Antidota, vires suas non aliunde sortiri, quàm à Sale Volatili, quo ubertim donata sunt.* (2) *Horum maximè Celebrata conjiciuntur in Elenchum: ubi primò ponuntur Simplicia, & (3) deinde Composita; Aquæ scilicet Destillatæ, Spiritus, Tincturæ, Syrupi, Electuaria, Pulveres: (4) quibus Cathartica sæpius interponi oportet; & qualia. (5) Utrisque succedere debent Diuretica nonnunquam, & Diaphoretica appropriata. (6) Agmen claudunt Corroborantia: (7) in quibus palma Aromaticis aliquot conceditur, vinisque oligophoris. (8) Ac simpliciora compositis jure præferuntur.*

CÆterùm, ubi curandus occurrit *Se- Art. I.*
cundæ speciei Scorbutus; quandoquidem causa ipsius proxima in sanguinis motu expansivo, & πνομή per SALEM
FIXUM

FIXUM præpeditis consistere videtur: idcirco præsidium vix aliunde licet sperare, quàm ex hujusmodi medicamentis, quæ *Sale Volatili* ubertim donata sunt, quæque eo potissimum nomine ad corrigendam illam sanguinis Μόλυσιν præ cæteris conducere creduntur. Horum ingentem sylvam almæ, & mortalium necessitatibus ubique prospicientis Naturæ benignitas protulit; unde judicio pollens Medicus talia potest sibi in usum excerpere, quæ & reliquis omnibus virtutum efficaciam longè præstent, & præsentī ægroto- rum statui, consilióque sub manu nato sint quàm maximè accommodata.

Art. 2. Inter SIMPLICIA, summis, nec supra meritum elatis laudibus celebrantur radices *Armoraciæ, Petasitidis, Ari, Zedoariæ, Taraxaci, Angelicæ, Helenii, Oxylapathi, Contrayervæ, Serpentariæ Virginianæ*, quinque *Aperientes*: cortices *Fraxini, Winteranus, Tamarisci, Cinnamomi, Aurantiorum, Juglandium nucum Viridium*: folia *Cochleariæ, Beccabungæ, Nasturtii aquatici, Chelidonii minoris, Nummulariæ, Trifolii, Scordii, Virgæ aureæ, Absinthii, Chamædryos*: flores *Sambuci, Genistæ, Rorismarini, Pæoniæ maris*: fructus, *Mala Aurantia subacida, Citria, Poma Pini*: Baccæ *Juniperi,*

nipcri, Ebuli, Hederæ: Semina Erucæ, Sinapios, Aquilegiæ: Gummi Ammoniæcum, Galbanum, Terebinthina, Lacca: ex arte præparata, Cremor Tartari, Chalybs cum sulphure præparatus, Spiritus Cochleariæ sine fermentatione (ne sal volatilis interim exhalet) extractus, salis rectificatus, Cornu Cervini, fuliginis, Ammoniacus, Tartari compositus, Sulphuris, Vitrioli, &c.

EX COMPOSITIS, generosiora Art. 3.
consentur Aquæ destillatæ, Raphani composita, Lumbricorum magistralis, Limacum magistralis (omnes in Pharmacopœia Londinensi reformata descriptæ) Prophylactica Sylvii, Spiritus Lumbricorum compositus Mollenbrochii (in Arthritide vaga Scorbutica laudatissimus) Antiscorbutica Dorncrellii, Doringii, Sennerti, Quercetani (quarum formulas sub uno aspectu positas videre est apud Cl. Sennertum, de Scorbuto cap. 6.) Mynsichti (in sua Pharmacop. pag. 185. descripta) Willisii (lib. de Scorbuto, cap. 7.) &c.

Tincturæ Ronsæi, Sennerti, Willisii, Martis Mynsichti, in menstruis appropriatis extractæ. Item Spiritus Antiscor-

tiscorbuticus compositus, à Freder. Deckers in notis suis ad *Praxin Barbettianam*, pag. 157. laudatus.

Syrupi, *Scelotyrbicus Forresti*, *Cochleariæ compositus Practici* cujusdam *Uratilavienfis* (uterque à *Sennerto* posteris commendatus.) *Antiscorbuticus Atysichti*, *Magistralis Willisii* (*lib. de Scorbuto*, pag. 264. edition. *Londinens.*) qui cæteris omnibus videtur anteferendus. Horum tamen usum existimo nemini, nisi delicatioris palati, concedendum; tum quia in eorum præparatione vix fieri potest, quin magna pars Spirituum volatilium, qui herbis insunt antiscorbuticis, undèque suas maximè virtutes nanciscuntur, in æerem dispergatur inter coquendum: tum quod succus ille in salis formam concretus, quem *Saccharum* vocamus, ut ut palato dulcedinis specie subblandiatur, reverà tamen *salem* quendam in se continet *acerrimum*, & *corrosivum*. Id quod ex ejus analysi Chymicorum igne facta planè constat: quippe Saccharum per se destillatum, liquorem largitur vix aquæ Chrysulcæ acrimoniæ & vi corrodeute inferiorem. Adicias & alias rationes, quibus Saccharum, & Saccharata omnia Scorbuticis nocere abundè

bundè probant *Dorncrellius* in præfatione *Dispensatorii* & *Mollenbrochius* in tract. de *Arthrit. Vaga*.

Electuaria, *Danicum* ex baccis quas *Mul-tiber* vocant confectum, descriptumque à *Georg. Horstio* in *Pharmacop. Univer-sali*; Antiscorbuticum *Scroderi*, in *sua Pharmacop. pag. 185.* cum multis aliis apud *Sennertum*, *Willisum*, alios extan-tibus.

Pulveres, *Birckmanno* cuidam adscri-ptus, à *Quercetano* (*Pharmacop. dog-mat. restitut. lib. 1. cap. 20.*) reforma-tus, & *Pharmacop. Londinens.* sub titulo *Ari compos.* descriptus: Antiscorbuti-cus *Salomonis Alberti*, ad sudores cien-dos: *Willisii*, de *Scorbut. pag. 260. edition. Londinens.* &c.

De hujusmodi remediis in formam so-lidiorum concinnatis, illud in genere no-tandum; ut iis in ventriculum exceptis paulò post superingerantur & alia ap-propriata, consistentiæ *liquida*; quæ ip-sis vehiculo sint, virésque jam in actum erupturas in sanguinem usque expeditius deferant, & per universum corpus diffun-dant.

dant. Utriusque autem generis medicamenta ter aut quater singulis diebus repetenda sunt ; manè scilicet , sub meridiem , circa quartam pomeridianam , & crepusculo : sed quantitate uniuscujusque constitutioni ac ætati examussim conveniente.

Art.4. Cæterum his Antiscorbuticis sæpius interponi debent *Cathartica* ; ea præsertim , quæ particulis constant asperioribus , volatilibus , motûque suo ventriculum ac intestina ad expulsionem enixè sollicitantibus. Hujusmodi selectiora sunt *Pilulæ stomachicæ cum Gummi , Melanogogæ Quercetani , Tartaræ Bontii , Antiscorbuticæ Timæi*, à D. Deckers in not. ad *Praxin Barbettianam* , pag. 148. *descriptæ* ; item *Fætidæ Pharmacop. Londin. nostræ ex Ammoniaco , &c.*

Pulveres , Diasennæ , Diaturbith cum Rhabarbaro , Comitæ Warmicensis , Sennerti ad extirpandum Scorbutum , &c.

Electuaria , De Citro solutivum , Diabalzemer , è succo rosarum , Diaprunum Sylvianum , Caryocostinum , &c.

Vinum

Vinum Solutivum sequens. R. herbar. Cochleariæ, Nasturtii aquatici ana M. j. Rutæ murar. M. β. radic. Armoraciæ, Polypod. quern. ana ʒij. Hellebor. nigri præpar. Zalapii ana ʒβ. folior. Sennæ elect. ʒj. flavedin. Aurantii ʒij. Cinnamomi acerrimi ʒj. β. Macis ʒj. Tartari albis. ʒiij. Concisa & crassè contusa insuantur sacculo, vasique lapideò imponentur; affundendo vini Gallici vel Rhénani pintas quatuor. Post infusionem in B. M. clausam, exhibeantur ad ʒ4. vel 5.

Aliquoties alternatis per intervalla *Di-* Art. 5.
gestivis & Catharticis, quæ ad corrigendam sanguinis *απυραινωσις* suo quodque modo faciant; si morbi tanta fuerit contumacia, ut adhuc hastam abjicere detrectet: tunc ex usu erit, ad hujusmodi Antiscorbuticorum opem redire, quæ partim sensibiliter per *Urinas & sudores*, partim per *Diaphoresin* insensibilem, fixi in sanguine salis reliquias valeant exterminare: facto eorum delectu, pro naturæ inclinatione, ac vergentia humorum; ut citra horum aut illius repugnantiam vires suas exerçant. Itaque ubi materiam Tartaream ad *renes* præsertim, ducente naturâ, tendere videt Medicus; eò & suas

suas quamprimùm manus auxiliatrices obvertat, *Diuretica* (quorum haud exigua pars cum Antiscorbuticis coincidunt) liberius exhibendo : sed & nonnunquam, in hominibus nempe calidioris temperamenti, confugiendo ad *Acidulas*, præcipuè *ferratas*, quarum de utilitate in hujusmodi Scorbuto, videatur *Epistola Ronssæi*.

Ubi verò Scorbutici humoris reliquiæ, in *ambitum* corporis diffusæ, illic hæere observantur; inde discuti desiderant *Diaphoreticis*, seu in Laconico, seu extra propinatis. Quo nomine summis laudibus apud emunctiores celebrantur sudores, *Theriaca Saxonica Mynsichti*, *Essentia Fummaria*, *rob Sambuci*, *viperarum sale volatili* (de cujus rectè conficiendi modo, consule *D. Charas* librum Gallicè nuper scriptum, *sur la vipere*) sale *Absinthii*, *Cardui-benedicti*, *Bezoardico minerali*, *Antimonio Diaphoretico*, & similibus *Hidroticis* excitati.

Art. 6. Ita tandem expulsis, διὰ τῶν συμφορέων χυμῶν, humoris Scorbutici ἐγγεγαλιμμένον (ex *Hippocratis* ore loquor) sævitiaque Symptomatum usque eò devictâ, ut in eorum sensim evanescentium locum quies ac

ac status *ἀναγνώριος* inceperit jam succedere : aliud nil medico restabit agendum, nisi ut *Corroborantia* simul & *Analeptica*, apotelesmatis loco, præscribat. Hic enim ei illud imprimis incumbit, ut calor ille, qui sanguinis & indigena & conservator existit, omniumque in corpore actionum causa ; successione Chyli commodâ fiat luculentior, alacrior, vitalior. Quod tum fiet, quum convalescentes ligna super foco largè reponent. Sed quæ verbo dicam ; ita tum alimenta, tum medicamina, unde spiritibus denuò refeedis, sanguis quàm ante purior, & concipiendo expansionis motui pronior, influat à corde in cætera viscera. Quibus, ubi à serositate sanguinis laxata, debito carent, tenore ; opitulari conveniet per moderatam recalesfactionem, resiccationem, adstrictionem.

His igitur, qui *salino* hujusmodi Scorbuto recens levati, ad perfectâ valetudinē quotidie propius aspirant ; equidem commendare ausim, præ cæteris corroborantibus, *Aromatica*, *vinâque oligophora*. Hæc, quoniam nihil æquè spiritibus vitalibus faciat reficiendis (solum enim vini odoratu deficientes revocamus), & quia crassos, salêque fixo detentos in statu cruditatis

humores, incidant, attenuent, rarefaciant; hoc est, in subtiles particulas, minutissimósque globulos, & transire per inconspicua arteriolarum cutanearum ostiola aptos, dividant, & distrahant, & discutiant. Et in hoc negotio, quid amplius volumus? *Illæ*, quia hujusmodi contexturam sortita sunt, unde jugi fluore quasi deradiantia corpuscula subtiliora, odoris gratissimi specie, ventriculo robur afflent, effectumque ipsius fermentum motibus suis velocioribus exagitando resuscitent. Ut *utraque* in unum jungas; *Vina Medica*, ex herbis Antiscorbuticis, simul & gratos odores expirantibus, vino vel *Gallico* tenuiori, vel *Baccharaceensi* horno, maturimò infusis, confici curato; vires à Scorbuto relecturis moderatè propinanda. In his verò seligi meretur *Marathrites* (*Fœniculatum* nos vasis inscribimus, propter Medicamentariorum pueros) de quo testatur *Cassianus*, cap. 9. quod Μααθηταις οἶνον ὀρεξιν κινῶν, σῶμα γὰρ παύειν οὐκ ἀδυνατῶν ἐστίν; *Vinum* è fœniculo appetitum excitat, stomachum roborat, & Urinam prolecat, Cui pleno suffragatur ore etiam *Dioscorides* (in 5. de mat. Medic. 74.) & nostra item experientia, cum successu semper prospero conjuncta.

Hujusmodi

Hujusmodi equidem *medicamenta ali-* Art.7.
mentosa, euporista, & minus composita,
 ideo laboriosis, ac permagnâ ingredien-
 tium farragine confarcinatis longè præfe-
 ro; tum quia mihi religioni est, velle in
 cubitalibus istis schedis quærere, quod
 unum in victu, naturalissima sanè medici-
 na, reperire est: tum quòd multis magnis-
 que laudibus apud genuinos artis nostræ
 mystas, & meritissimè extollitur illud *Ar-*
noldi de Villa-nova (*Parabol. med.* 15.
p. 391.) *Potens mederi simplicibus, compo-*
sita medicamina dolosè, aut frustra quærit.
 Atq; hæcenus me profiteor discipulum *He-*
rodici Selymbriani, quem *Plato* (*De Re-*
pub. 3.) refert instituisse *Medicinam Pæ-*
dagogicam, sive quæ victu ac exercitiis, in
 rem accommodatis, valetudinem corporum
 & sustineret, & redderet.

C A P. XIII.

*Curatio Scorbuti ex Acido præsertim
oriundi.*

SUMMARIUM.

ARTIC. (1) *Belli contra hunc hostem
gerendi ratio, in compendium redacta :*
(2) *telorúmque Synopsis, quibus in
prælium descendenti utendum.* (3) *Quo
consilio primum præscribuntur Alviduca
benigniora ;* (4) *tum Ecephractica ;*
(5) *deinde quæ Acidum utcuñque ex-
pugnent, salia nempe volatilia, pulveres
Testacei, sales concentrantes vulgo dicti,
Emulsa oleosa, Chalybs cum sulphure
preparatus, Acidulæ ferratæ naturales,*
(6) *quæ plus uno nomine anteponuntur
arte Chymicorum compositis ;* (7) *Lacti-
cinia, temperatioribus Antiscorbuticis di-
tata ;* (8) *& postremò Corroborantia.*
(9) *His tamen serias per intervalla
interponendas.*

Art. I, **J**Amque perventum est tandem ad rectè
instituendam Scorbuti illius, quem ex
ACIDO

ACIDO miasmate, tum sanguinis am-
nem purpureum, tum ambrosiam nutritiam
insigniter corrumpente, suprà deduximus,
Curationem. Hujus igitur summa in hoc
unum recidere videtur ; ut ambo illi hu-
mores (quorum alter vitæ ipsius fons si-
mul & pabulum est, alter partibus perpetim
resarciendis inservit) ab omni *acore im-*
moderato, undecunque concepto, penitus
vindicerentur. Sed hoc artis, hoc summæ in-
dustriæ est. Namque,

Hostem adeo immanem, adeo insidiosum *Art.2.*
expugnare aggredientibus, opus est & ge-
nerosissimis, nec citra summam prudentiæ
cautelam in aciem explicandis præfidiis.
Castra illius nunc aperto Marte invaden-
da ; nunc in occulto actis quasi cuniculis
perfodienda : & ferro, igneque agendum,
ut ejus vires acerrimæ destruantur. Aper-
tius dicam ; *Eccoproticis, Catharticis, Ec-*
phracticis, Antacidis, Chalybeatis, Acidulis,
Antiscorbuticis, Corroborantibus & Anale-
pticis, contra insurgenti Medico seriatim
utendum est : ad eluendam abdominis
cloacam ; ad oppilationes Glandularum
Chyli, succique nutritii depurationi fa-
mulantium expediendas ; & ad indè, vel
aliundè scaturientem sanguinis, et succi
alibilis aciditatem de integro extinguen-
dam ;

dam; virésque demum reficiendas. Et hæc quidem de variis armorum telorúmque generibus, quæ contumacissimo huic morbo fortiter profligando commodissima nobis videntur, in genere dicta sunt.

Reliquum est, ut de rationibus eorundem paucula subjungamus; à primis ad ultima viritim decurrendo.

- Art. 3.* Exordiendum esse ab *Eccoproticis* dixi; tum quia ad demulcendum hunc affectum nihil magis compertum est conducere, quàm moderatam alvi laxitatem; qua succi crudi ac acido-salini è ventriculo, intestinis, Mesenteriique confiniis clementer exturbari solent: tum quòd experienciâ pariter edocti sunt Medici, ex catharticiis sævioribus, maximè in curationis initio exhibitis, & graviores concitari in ventre dolores, & quasi nova tempestate vires porrò exhauriri. Sufficiant itaque suo tempore Leniora. Nec incitum illud quidem veteribus, dum *atram bilem*, i. e. succum Melancholicum, mitioribus aggrediendum voluere. Adhæc, commodissimè viam præparant *Venæ Sectioni*; unde haud parum emolumenti hisce ægris licet sperare. Nam exagitatus à spiritu Acido sanguis, Phlebotomia moderata imminutus,
- &

& meliorem quietem, motumque æquabiliorem spondet.

Proximum his locum assignavimus *Ec- Art. 4.*
phrædics; quoniam in hoc morbo sæpius
 contingit, ut Glandulæ tum *secretrices*,
 tum *reductrices* obstructionibus obfessæ,
 muneribus suis malè defungantur; neque
 aliter ad officia ritè præstanda possint,
 nisi per deoppilantia revocari. Horum
 autem è classe Deobstruentia seligi debent
mitiora, *Antiscorbuticis* quoque minùs ca-
 lidis associanda. *Acidi* enim ubique sævi-
 entis contemperationem ratio præpostu-
 lat, priusquam ad valentiora procedatur.
 Hic itaque apprimè conveniunt, quæ in
 Practicorum Scriptis passim adversus *Af-*
fectionem Hypochondriacam ex viscerum ob-
 structionibus, præscripta sunt.

Tertiò occurrunt *Antacida* (mihi fas *Art. 5.*
 fit, precor, voce spuria uti, dum genuinam
 desidero) quæ humoribus impressum a-
 corem, seu *contemperando*, seu *figendo* ac
præcipitando, sensim refringant; & ad
 Chyli tum concoctionem minùs tardam,
 ac infidam, tum ab inutilibus recrementis
 secretionem in Mesenterii aditu, condu-
 cant. *Horum* autem, si vires & agendi
 modum diversum spectemus, haud unum
 genus

genus constituendum est. *Alia* quippe humorum aciditatem ideo contemperare arbitror, quia virtute sua *volatili* planè vincant; cujus energiae sunt *Salia* quaecunque *Volatilia*, *Viperarum* nempe, & *Ammoniacum*; itémque *Spiritus Cornu Cervini*, *Fuliginis*, *sanguinis humani*, *Lumbri-
corum magistralis*, &c. Quod enim *Spiritus Vitales* in Sanguine, & in succo Nervoso *Animales*, ubi rectè constituti sunt, aliàs præstare debent ac solent: id ipsum *Volatiles* assumpti præstiterint in utroque liquore; & *his* effeceris, in quo defecerint *illi*. *Aliis* infringendi acorem vis inest; ut pulveribus *Testaceis*, oculis nimirum, & *chelis Cancrorum*, *Margaritis*, *Ovorum testis*, *Coralliis*, *Cretæ albæ*, *Succino flavo*, & similibus: à quibus sales *acetosi*, in sanguine juxta ac succo Nutritio soluti, & luxuriantes, aut *imbibuntur* (ut nonnullis concipere placuit) aut (ut alii voluere) *figuntur*, i.e. à motu & orgasmo prohibentur. His accensendi sunt & *sales Concentrantes* dicti; quibus per *elixivationem* confectis, par inesse creditur omne acidum domandi potestas: eo forsitan modo quo salis manipulus, cerevisiae ebullienti injectus, deturbat faeces, liquoremque clarescit. Item *Emulsa oleosa*, *pinguiscula*; quæ quia acrimoniam cujus-

vis humoris obtundere nōrunt, ideo suas quoque partes compescendo Melancholiæ acori conferant. Accedit deniq; *Chalybs*; qui non pondere suo prodest; non ecphrastica seu aperiente facultate, qua reverà destituitur; non cognatione acoris, quæ ferrugineo cuiusvis intercedit cum vitriolato; neq; etiam stypticitate seu astringendi potestate, qua insignitur: ast multo verisimiliùs quòd mala Hypochondriaca ferè omnia à *fermentationis* violentia proficisci videantur; eidemque compescendæ *Chalybs* summoperè conducat. Quippe si aceto etiam acerrimo (cui ferrosa Melancholicorum colluvies certè haud multùm absimilis existit) limaturam ejus, per noctis spatium indideris; postridie pro aceto aquam invenes, omni acore spoliata. Quemadmodum à nobis ante decennium indicatum, in consilio quòdam Hygiastico, pro illustrib. excellentissimòque Heroe, *D. Johanne Luca, Marchione Durazzo*, Melancholia Hypochondriaca tunc temporis afflicto, conscripto, & paulo post in lucem emissio. Hoc pariter nomine mèdelam huic malo spondent *Acidulæ Ferratæ*; utpote quæ *Chalybis* seu spiritum dulcificantem, seu minutissima ramenta, aquis suis diluta ferunt; indèque eximiam adversus aciditatem

ditatem Melancholiæ virtutem fortiuntur.

Art. 6. Hoc autem de Acidulis tantum *Naturalibus* intelligi volumus. Nam quod spectat ad *arte paratas*; sunt quidem ex tumidis *Paracelsi* Sectatoribus, qui, ut nescio quibus *Hermeticorum* Magnalibus apud credulum vulgus arroganter jactatis, sibi reconditoris scientiæ famam compararent, gloriati sunt, tales se ex Chalybis in sallem, aut pollinem redacti solutione in aquis destillatis conficere posse; naturalibus non solum per omnia pares, verum etiam eo anteferendas, quod quicquid illæ ingenti copia haustæ perhibentur præstare, id hæ quoque perexiguâ, & quasi per compendium efficiant. Horum tamen fidem suspectam habemus. *Primo* enim Acidularum & Thermarum, quas ipsa in terræ visceribus præparatas effundit Natura, ea est prærogativa atque benignitas; ut etiam permagna quantitate in ventrem ingestæ, corpori neutiquam officere solent, sicut alia purgantia; sed sese in omnia abdominis viscera innoxia tenuitate penetrantes, quicquid ibi offendunt, mox abstergendo, abluendoque, secum per alvum & urinam exportant. Quod pulveris cujusbet è Marte ac salibus

bus confecti pauxillum, aliquo liquore dilutum, nunquam præstabit. Quippe quæ, precor, imaginari potest proportio inter paucula pulveris salini granula, ingentemque venularum Lactearum multitudinem? ut illa in omnes distribui, hærentesque hinc indè humores vitiosos secum educere possint. *Deinde* in componendis aquis Mineralibus ea est Naturæ solertia, quam nulla ars imitando assequi hætenus potuit. Adhæc aciduli fontes vires suas frequentius à Mineralium *spirituosis*, ac *volatilibus* effluviis, quàm ab aliquo sale fixo mutuuntur: quemadmodum validissimis, fidemque cogentibus argumentis probatum invenias apud Doctiss. *Bernhard. Varenum*, *Geograph. general. lib. 1. cap. 17. propos. 3, 4, & 5.* His equidem rationibus faciliè inducor ut credam, acidulas istas Artificiales, de quibus tam magnifica prædicant Alchymistæ, nullo in numero habendas esse, si cum eis comparentur, quas liberalis, idemque solertissimus naturæ genius in subterraneis Hydrophylaciis atque meatibus, inimitabili artificio præparaverit.

Pari, & nonnunquam meliori passu incedunt *Lacticinia*; lac nempe *Caprinum* (maximè si capra alatur Antiscorbuticis) *Asininum* & *Vaccinum* (aqua Taraxaci destil-

destillata dilutum) quibus ab ubere adhuc tepidis instillatæ sunt spiritus *Cochleariæ*, vel *Salis Ammoniaci* guttulæ aliquot; & (illis absentibus) *Serum* lactis bubalini, temperatioribus Antiscorbuticis imprægnatum. Item aquæ *Limacum*, & *Lumbricorum* magistrales; juscula *Limacum*, vel *Astacorum fluviatiliū*, cum Taraxaco cocta, & id genus alia alimenta medicamentosa, quæ chymum dulciorem & pinguiusculum suppeditando, miasmatis Scorbutici acrimoniam ex Acido subnatam sensim enervent.

Art. 8. Ultimum curationis momentum servant *Corroborantia* Medicorum vulgo dicta; quæ nempe acidam illam, subaustera mve corruptelam, sanguini, & Succo Nutritio adhuc inhaerentem; penitus obliterare; partesque simul solidas, si quæ nativa exutæ sint constitutione, in priorem *robustas & vigorosas* statum restituere, apta nata sunt. Hic itaque in usum admitti postulant, quæ passim apud *Præcticos*, ad absolvendam *Melancholiæ Hypochondriacæ* curationem extant præscripta. In his, vulgaria sunt *Confectiones Alchermes*, & de *Hyacintho*, cum *Electuario* è *Sassafras*: nobiliora verò, *salia volatilia*, dictas vires possidentia; inter quæ primatus *Ammoniaci*,

uco, ejusque Spiritui jure ascribitur ab Expertissimis. Possemus & alia adhuc parvis energiae *Antimelancholica* hinc inde colligere, in eorum, qui è gravissimo isthoc Scorbuto jam inceperint ope Medicinæ recreari, ulterius emolumentum. Sed neque id consilii nobis est; quicquid in subsidium crescit huic malo, indiscriminatum coacervare; & satis est, ex amplissima ista præsidiorum sylva, paucula quidem, sed quibus tutò liceat confidere, facto generosiorum delectu, excerptisse. Adhæc, non vacat in littore cochleas & bulbos colligere, dum nondum subducto in portum navigio, nauclerus in altum revocat; admonens, ad finem navigationis destinatæ jam prope perventis, intempestivè cessare remigia.

Igitur huic tam prolixo capiti ut colo- *Art. 9.*
phonem addam, accipe quod mihi observatu dignissimum videtur; & hoc quoque ex alienis hortulis desumptum. In hujus curatione Scorbuti, *naturæ remissio interdum concedenda est, & ab omni medicamentorum genere aliquandiu abstinendum.* Ita enim comparati sumus omnes, ut à prælonga medicaminum serie, tanquam à gravissima servitute abhorreamus. Et ex Melancholia languentibus haud exiguo solatio

tio esse solet, à valetudinis cura subinde feriari. Observatum est præterea, multos sic ægotantes, tempore curationis nihil commodi percepisse; dimissâ verò curatione, se præter spem restitutos persensisse. Sunt denique ex Melancholicorum grege, quibus ad sanitatem nihil deest, nisi quod se sanos non credunt. Unde illud prudentissimi Celsi; *semper qui volunt curari, nunquam curantur.*

CAP.

CAP. XIV.

Qua Methodo, quibûsque potissimum Remediis graviora Scorbuti Symptomata possint, quoties urgent, relevari.

SUMMARIUM.

ARTIC. (1) Unde usu venit nonnunquam, ut Scorbuticis auxiliaturus Medicus, dilatâ in præsens morbi ipsius eradicatione, maximè urgentibus illius Symptomatis operam dare cogatur quamprimum compescendis. (2) Bina præcepta generalia, in Symptomatum curatione Scorbuticorum observanda. (3) Respiratio difficilis, Scorbuti comes & filia, unde proximè oriatur: & (4) quibus remediorum generibus ei commodissimè obviâ eatur. (5) Hæmorrhagiæ Scorbutiæ ætiologia, (6) curatio, (7) Diarrhææ Scorbuto supervenientis causæ diversæ: (8) eâque curandi ratio pariter varia. (9) Tormina Ventris Scorbutum excipientia, unde deducenda; (10) quibûsque præsidis;

P

pro

pro cansarum varietate variis, oppugnanda sint. (11) Dolores Scorbutici, alias aliásque corporis partes, pro determinato in has vel illas humoris peccantis influxu, diversimodè multantes: quomodo mitigandi sunt, atque tollendi. (12) Paralyseôs Scorbuticæ ortus, dignotio, medicina. (13) Cum Scorbutico conjuncti Hydropis causa proxima. (14) Eiusdem causæ remota, (15) discrimen & (16) remediâ. (17) De Atrophix Scorbuticæ causa duplici, diagnosticis, curatione.

Art. I.

Sicut Navarchis, ita perinde & Medicis summæ loco prudentiæ est, sinus obliquare, ubi per sævitiam tempestatis non licet rectum tenere cursum. Id quod in *Scorbuticorum curatione* sæpius contingit. Quippe in infido isthoc, & æstuoso utiq; mari navigantibus, tot tantæque interdum procellæ *Symptomatum* ex improvise ingruunt; ut amisso gubernaculi, velorumque & acûs magneticæ usu, nec cursum corrigere possint, nec sistere navigia; sed fluctuum impetu abrepti, incumbentibus ventis quantum licet indulgere cogantur. Hocque ut nauclero artis suæ honos constet, & vectoribus vita. Ubi igitur, incrudefcentibus ex inopinato *Accidentibus*,
ægroti

ægroti cuiuspiam salus in extremum est deducta discrimen; *Medici* est, curam suam à destinato morbi ipsius in totum profligandi cursu prudenter deflectere, ad maturiùs compescendum intervenientium furorem symptomatum; ne his intempestivè neglectis, deficientibùsque ægrotum viribus, opportunitas inceptum opus perficiendi à fato præcidatur. Quæ verò ratione consilii, quibùsque præsidiorum generibus, singula graviorum symptomatum in specie respicientibus, id commodissimè possit præstare; nobis nunc strictim exponendum: ut quod hujus provinciæ nostræ reliquum est, pro data fide conficiamus.

Et potest quidem doctrinæ hujus summa sub duplici præcepto comprehendì. *Art. 2.* Alterum est, ut *sua cuique symptomati appropriata opponantur præsidia*. Alterum, ut *omnibus istis specificis, parti graviùs afflicte dicatis, admisceantur Antiscorbutica*; talia præsertim, quæ cum appropriatis pariter conspirent ad affectam partem ab hoste vindicandam. Hocque perpetuæ legis habere vim voluerunt expertissimi. Hæc autem intelligenda sunt de hoc vel illo symptomate *singulari*, ubi per se solum affligit. At in Syndrome *plurium*, porro

inquirere oportebit, quis affectus omnium prior debeat auferri. Proculdubio is, qui magis urget. Quis autem magis urget? Certè, qui vel effectû savior, vel efficiendo prior est: ille, quia præceptus in periculum est; ille, quia eo, qui causa existit, non curato, nequit qui effectus est, unquam curari. Prælibatis hisce in genere, nunc progrediamur ad particularia.

Art. 3. Ex dira igitur illa symptomatum cohorte Scorbuticorum, nulli primatus potiori equidem jure attribuitur, quàm **DIFFICILI RESPIRATIONI**, & *pectoris angustiae per paroxysmos invadenti*. Hic enim interceptus spirandi, vivendique motus, & frequenter adoriri, & in præsentaneum vitæ periculum conjicere solet Scorbuto affectos. Oriri plerumque arbitror, vel à subitanea jam tum grumescens propè *sanguinis* in angustioribus Pulmonum permeaculis *stagnatione*: vel ex *irritatione convulsiva* nervorum spirandi organis inservientium. In *priori* casu, summa adest præcordiorum distentio, indèque quasi immobilitas, cum rubore faciei sublivescente, caligine oculis offusâ, lipothymiâ, pulsu parvo, debili, intermisso, ac ægrorum de salute sua desperatione conjuncta. In *posteriori* autem, nec mul-

multum à Rhythmo variat cordis arteriarumque pulsus; & sicca tussis urget, cum anxia præcordiorum constrictione, altisque suspiriis gravem anhelitum interpolantibus.

Animadverso itaque hujusmodi discrimine, ut adeò laborantibus vitalibus quamprimùm subveniat, huic vel illi causæ opponenda sunt, quæ aut ipsam prorsus expugnare, aut ejus orgasmum atque furorem saltem ad tempus compescere valeant. *Sanguini* præ sua crassitie, in circuitu per angustias Pulmonum stagnanti (sive id vitium sit *sale fixo*, sive *Acido* in Spiritus vitales prævalenti adscribendum) ea maximè præsidia debentur, quæ ipsum potenter *attenuando*, *incidendo*, *exagitando*, fluxilitati requisitæ, expeditiorique in orbem motui restituant. Hujus sortis sunt I. *Enemata* carminantia, revellendi causâ injecta: 2. *Venæ solutio*, mox à rejecto clysmate administranda; maximè ubi exundantiam sanguinis contestantur plethoræ phænomena. Ita enim imminuto sanguine, ejus quod reliquum est & faciliùs attenuabitur; & citatiore motu permeabit angustias pulmonum. Nec de vena secanda ambigendum. Nam parum aut nihil in-

terest, modò superfluus extrahatur sanguis, quâ tandem viâ is educatur :
 3. *Thoracica Calidiora*, paris efficacix
Antiscorbuticis associata. Scilicet Tincturæ
Croci, *Enulæ campanæ*, *Castorei*; Elixir
proprietatis; Confectio *Alchermes*; flores
Salis Ammoniaci, *Benzoini*; salia volatilia
Viperarum, *fimi Equini*; spiritus *Salis Am-*
moniaci, *Cochleariæ*, &c. vel per se, vel
 cum convenientibus vehiculis, exiguâ
 quidem, sed sæpius iteratâ dosi, propi-
 nata. Hæc enim optimè intercalant hu-
 jus affectûs insultum; idque sanguinem à
 coagulatione abstinendo. Nam coagula-
 tum cruorem resolvi à sale volatili aquâ
 diluto, experientiâ compertum: neque
 præter salia volatilia quidquam aptum ad
 coagulationem illam prohibendam aut sol-
 vendam reperitur.

Cæterùm Asthmati Scorbutico; ex
Nervorum Pneumonicorum Convulsione ori-
 undò (utrum isthæc Convulsio nervis
 suborietur ex salina vel acida *succi ner-*
vosi acrimonia, an *vapores* pari acredine
 ferientes pro causa sui proxima agnoscat)
 medelam spondent *Antispasmodica*: qui-
 bus inesse compertum est facultates ob-
 tundendi, supprimendi, discutiendi irri-
 tantem illam humorum vaporûmve acri-
 mo-

moniam. Hoc nomine celebrantur Spiritus *Salis Ammoniaci, Cornu Cervini, Fuliginis, Sanguinis humani, Cranii, Castorei, Lavendulae* compositus, appropriatis liquoribus contemperati, & repetitis identidem haustulis, dum urget spirandi difficultas, assumpti. Non Castoreo, Galbano, Assæ foetidæ; non tincturis horum in aqua Raphani composita, vel Lumbricorum magistrali extractis, par honos potest denegari. At in hujusmodi Dyspnæa ægroto suffocationis discrimen interminante, nullum præsentius est remedium, quàm *Laudani Opiati* paucula grana, in vino Hispanico generoso dissoluta, adq; tincturæ extractione infusa; tū cochleatim subinde exhibita. Hujus quippe fascino placidissimo, & hypnoticâ benignitate, tanquam demulcente Mercurii caduceo, *humores* qui in tumultuandi audaciam jam tum efferati sunt, componuntur ad quietem; qui acrimoniâ Nervis infesti, mitigantur: & *vapores* flatulenti (qui spiritibus immisti *Animalibus*, non solum in nervos *vitalium* vi punctoria sæviunt nonnunquam; assæpe etiam per habitum corporis ubique discurrentes, admirandas partium in Musculis distorsiones, motusque convulsivos excitant) supprimuntur, ac per leves demum sudores, à somno erumpentes, discutiuntur.

II. De Hæmorrhagiis in Scorbuto.

Art. 5. Sanguis uti in Scorbuto quàm par est crassior, & coagulationi pronior redditus, *Dyspnææ* causa existit, ubi vel paulisper stagnat in meatibus pulmonum: ita è contrario in eodem iusto fluidior factus, ingentes nonnunquam HÆMORRHAGIAS parit; nunc per *Hæmorrhoides* in viris, in mulieribus ex utero, nunc in utrisque è pulmonibus, ventriculo, gingivis aliisve partibus cum impetu erumpens, ægròsque in præsentaneum vitæ discrimen adducens.

Hujus tam diri Symptomatis *Causam* vel inde petendam arbitror, quòd sanguis luxuriante supra modum *sero* dilutus, intestinòque simul tumultu efferatus, violenter prorumpit per arteriolarum oscilla: vel hinc, quòd idem sanguis *sale volatili acri* abundans, & ab eo debitâ suâ exutus consistentiâ, sed & orgasmo exagitatus, ruptis arteriolarum claustris, qua sic facta est effluendi porta *ubi opus exsilit*. De *priori*, res adeò est in propatulo, ut ulteriori probatione non indigeat. Et quoad *posterius*, *fusoriam* scilicet *salis volatilis acris*

cris efficaciam; hæc quoque nullo ferè negotio potest evinci. Namque sicut naturalis Coagulationis sanguinis causa est succus *Acidus*, ad ipsum accedens partim è *Chylo*, partim ex *Lympha*; quemadmodum supra, ubi de *Acidi* Scorbuti generatione egimus, haud uno experimento probatum est: ita per legem contrarietatis, deficientis in sanguine Coagulationis causa, salè *volatili*, & in primis acri accepta ferenda. Deinde, cuique Medicorum observare est, è Scorbuticis eos præ cæteris obnoxios esse Hæmorrhagiis, qui Scorbuto *rancido*, in quo certissimum est sanguinem Sulphureis, volatilibusque, & acribus particulis luxuriare, afficiuntur. In *Peste* præterea, cujus venenum pariter à sale volatili, ad summum acredinis gradum provecto, potissimum dependere suspicor, nullum frequentius occurrit symptoma, quàm spontanea sanguinis profusio. Ad hæc, ita præter consuetum attenuato sanguini optimè medentur *Acida*; nec aliâ opinor ratione, quàm quòd devictò, missoque sub jugum sale illo volatili, & ob acrimoniam infami, qui antea dominium exercebat in sanguinem, suam huic consistentiam reddant.

Supposito itaque, Scorbuticorum Hæ- Art. 6.
morrha-

morrhagias si non semper, at saltem ut plurimum provenire à nimia sanguinis fluiditate; hancque vel *seri* exuperantiæ, vel *sali volatili* simul & *acri*, sanguinem quasi fundenti adscribendam esse: hoc inquam supposito, sequitur sanguinem justo fluidiorem non aliter posse ad nativam consistentiam revocari, quàm horum ope remediorum, quæ aut *Seri* in illo redundantis diluvium exhauriant, aut infringant expugnentque *acrimoniam* eidem à sale volatili impressam. Quare

Hæmorrhagia *Serosi* sanguinis optimè curabitur 1. *Minuendo serum* per *Hydragoga* plùs unâ vice exhibita: 2. *Incrassando sanguinem* Plantagine, Portulacâ, Sempervivo majore, Bellide minori, floribus Rosarum rubrarum, Balauftiorum; feminibus Acetosæ, Plantaginis; Cydoneis, Mespillis, aliisque austeris prudenter parçaque manu administratis: item pulveribus Diarrhod. Abbatis, Corallii rubri, Croci Martis, Santali, &c. nunc unâ, nunc aliâ formâ exhibitis: & 3. *eundem*, si æstu simul exagitur, *contemperando*. Cui scopo *Lapis Prunellæ*, in *Hordei*, *Plantaginis* & *Beccabungæ* decocto dissolutus, est convenientissimus. Hoc autem non sufficiente, sensim progrediendum ad potentiora,

tiora, *Nepenthes* nempe *Opiatum*, aliâque *Hypnotica*. Item 4. *Coarctando vias laxiores* & patentiores, modò dictis *incrassantibus*, addendo potentiùs *adstringentia*, qualia sunt sal *Chalybis albiſſimus*, aliâque *Chalybeata*, quæ *Vitriolum* unâ cum *Ferro* sapiant.

Profluvio sanguinis à *ſale volatili acri* oriundo, convenientiſſimè medentur 1. *Venæ ſectio*; qua ſanguini & tranquillitas, & averſus à parte affecta motus conciliabitur. Hæcque in omni Hæmorrhagia enormi, ubi periculum imminet vitæ, locum habere debet; nec unâ tamen vice, ſed bis terve adminiſtranda eſt, pro neceſſitatis ac virium ratione. 2. Quæ *ſal volatile lixivioſum* ſeu obtundendo, ſeu ſigendo, acrimoniam ſanguinis contemperent, eique conſiſtentiam reſtituant: idque ſui vel olei, vel acidi, vel ſpiritûs volatilis oleoſi ratione. Huc itaque ſpectant *Emulſa oleoſa* *Amygdalarum dulcium*, ſeminum quatuor frigidorum majorum, *Papaveris albi*, &c. In acidorum, & præſertim austeriuſculorum decoctis. Item terræ pingues, *Bolus Armena*, *Terra ſigillata Lemnia*, *Sileſtica*, &c. Huc etiam referenda ſunt *olea ex cornibus, oſſibus, ungulis animalium extracta*; ſed præ omnibus

Lau-

Laudanum Opiatum, & *sulphur minerale* arte *fixatum*: hoc enim summam habent vim sales volatiles vel acerrimos figendi: 3. *quæ vasorum ora nimis laxa*, & adhuc dehiscencia constringendo coarctant. In quibus summam laudem merentur *Acidulæ* ferro simul & vitriolo imprægnatæ.

Cùm autem in hoc symptomate multiplex sæpè occurrat indicatio, ac præcept vitæ periculum immineat; prudentis idcirco Medici est, talia in usum præsentaneum feligere, quæ minùs composita pluribus scopis satisfaciant: videndùmque præterea quibus medicamentis experientissimi ad coercendam quamcunque sanguinis effluxionem felicitur usi fuerint.

III. De Fluxibus *alvi* Scorbuticis.

Art. 7. Proximo Hæmorrhagiæ loco ponimus *DIARRHOEAM*, æquè familiarem utique, nec minùs immanem Scorbuti comitem: tum quòd ut *illa* plerumque ex nimia serositate, aut acrimonia lixiviali sanguinis; ita & *hæc* à similibus aliorum humorum vitiis suboriat: tum quia utrique affectui eadem ferè præsidia comperiuntur prodesse. *Fluxus alvi* igitur,
Scor-

Scorbuto, maximè jam inveterascenti superveniens, affectus acer, ferox & in primis acutus esse solet; in quo stomachus & intestina mirè torquentur, & flatuum copiâ distenduntur; sitis cum nausea excruciat; pulsus celer, frequens ac ferè parvus; his & nonnunquam succedit animi defectio, viriùmque prostratio semper conjungitur.

Fit autem in genere quoties vitiosi humores, seu ante in prima corporis regione sensim congesti, seu eò ex arteriis aut nervis Mesentericis, nunc criticè quidè, aut sæpiùs symptomaticè effusi, usque eò angunt intestina, ut ipsos sese fortiter constringendo cogantur foras ejicere per inferiora. At *varii* in variis, quin & in iisdem nonnunquam hominibus, isti humores existunt. Quippe 1. in his *Chyli* plus minus unà cum fæcibus alvinis excernitur: idque ut plurimum ex impedita Chyli per spongiosam intestinorum crustam in Lacteas transcolatione. 2. In illis confertim ejicitur *serosa illuvies*, quæ frequentius debetur succo Pancreatico seroso, è plexu Nervorum in abdomine maximo illuc transmissio; interdum seroso sanguinis detrimento, quod halitus forma per ambitum corporis debuit dissipari, sed condensante

do aperto, & in intestina sanguinem effundenti. 6. Sunt denique qui de profluvio ventris conquerantur, in quo dejectiones *unguinosæ*, & quasi adipe vel oleo perfusæ cernuntur : idque quòd recens concreta pinguedinis carnisve aut etiam (diu protrahente vitio) solidarum partium substantia liqueſcat defluâtque in alvum, quod in *Atrophia Scorbutica* potissimum contingere observatum.

In tanta igitur Humorum fluxus perpetrantium varietate, pariter varianda est curandi ratio, ut sua cuique præsidia prudenter possint accommodari. Scilicet, Art. 8.

1. Ubi quod infernè procedit, Chyli substantiam refert; quandoquidem vitiū ab impedita Chyli distributione per Lacteas dependet : Medici est eò dirigere curarum summam, ut leviter deterſo intestinorum muco, Lactearumque reſeratis oscillis, liberior Chylo aperiatur ingressus. Id quod commodissimè fiet per *Eccoproica*, Rhabarbarum nempe, pilulas *stomach. cum Gummi, Mastichinas*, &c. Et per *Ecphractica*, & præsertim *Chalybeata*, cum spiritibus *Antiscorbuticis* conjuncta.

2. Ex Diarrhæa *Serosa* languentibus
auxi-

auxilium spondent primò *Hydragoga* mī-
 tiora, feri reliquias per alvum clementer
 educentia; ut *Mechoacanna*, *Zalapium*,
Mercurius dulcis, *Rhabarbarum*, cum
Cinnamomi & *nucis Moschatae* pauxillo
 commista : deinde *Diuretica*, & *Sudori-*
fera, quæ cū sanguinem, tum succum
 nutritium sero scatentem quā per urinam,
 quā per sudores repurgent; in quibus
 laudabiliora censemus decocta ex radici-
 bus *Chinæ*, *Salsæparillæ*, *Petasitidis*, *Con-*
trayervæ, &c. *Lignis Guajaci*, *Sassafras*,
Juniperi, *Quercūs*, *Buxi*, &c. parata : &
 denique quæ aut humiditatem aqueam, si
 qua in visceribus adhuc remanserit, *imbi-*
bant; aut intestina frequenti dejectione
 debilitata *corrobovent*. *Prioris* familiæ
 sunt *Creta*, *Oculi Cancrorum*, *Cornū*
Cervinum, ossa animalium usta, ac per
 se in pulverem redacta, parvæque quanti-
 tate subinde usurpata. Ad *posteriorem*
 spectant *Diascordium*, *Theriaca*, *Confe-*
ctio de Hyacintho, *Elect.* è *Sassafras*, *Vi-*
num Absinthites, & similia. Quoties au-
 tem in hujusmodi serosa *Diarrhæa* unde-
 cunque prodiens *salsum* & *mordax* existit
 serum : toties id corrigendum *Anodynis*
 & *Opiatis*; *Laudano* nimirum *opiato*, *Pi-*
lulis de Cynoglossa, de *Styrace*, & id genus
 aliis. Pluribus verò indicationibus satis-
 faciet

faciet *Rhabarbarum* modicè tostum, & ad drachinam circiter unam, cum pari quantitate *Diascordii*, & *Laudani* opiati Londinensis granulo uno atque altero, sub somnum exhibitum: hocque quia non tantum benignè exhaurit aquas hinc redundantes; sed blanda etiam sua austeritate laxiorem alvum mox adstringit. Ab aliis autem *Adstringentibus* abstinendum; ne intempestivè detenta, & aliorum versa colluvies serosa, ægros in dyspnœam aut Hydropem conjiciat.

3. *Biliose* Diarrhœæ furorem artificiosè compesces, *Evacuando* jam sponte fluxuram bilem, undecunque ad intestinâ deductam; *obtundendo* & *contemperando* ejusdem adhuc in mesenterii confiniis remanentis acrimoniam salinam, miasmate Scorbutico hinc exasperatam; & ventriculum cum intestinis *corroborando*. *Primum* præstabunt *Cholagoga* benigniora, *Rhabarbarum*, viz. Manna Calabrinum, Tamarindi, syrupus Rosarum, &c. *Secundum* effeceris per liberalem usum feri lactis à coagulo etiamnum tepidi, Emulsionum oleosarum & infrigidantium, Tincturæ Rosarum; item pulverum Testaceorum, *Diascordii*, confectionis de Hyacintho, *Laudani* opiati, & similium, quibus inest

Q

facul-

facultas Biliofos humores quâ fluiditate nimia, quâ salina acredine jam tum tumultuantes, atque continentia laceffentes, contemperandi simul & figendi. His verò consultiffimè adjungas, si malum diutius perseveraverit, & Acidulas ferratas. *Ultimo* scopo satisfaciunt eadem quæ modò præscripsimus in fine curationis profluvii ferofi usurpanda. Cæteris autem omnibus merito suo præfertur Crocus Martis, ritè præparatus, & cum Conserva Rosarum rubrarum aut Cynorrhod. & speciebus Diarrhod. Abbatis, ac syrupo Chalybeato in forma Electuarii exhibitus.

4. In profluvio alvi *Melancholico*, utrum id ex præassata bile, an ab Acido vitriolico, quæ dejiciuntur piceo quasi colore inumbrante, provenerit; ut & in *Cruento* ex vasculorū in intestinis erosione, eadem ferè methodus curandi, eadèmq; remedia, quæ ad consopendam citrinæ bilis acrimoniam modò allata sunt, apprimè convenient. Etenim isthæ crebro usu atræ perinde ac flavæ bilis symptomata lenient. In his autem palmam merentur serum lactis, pulveres Testacei, Emulsiones, spiritus Volatiles oleosi, & lac Chalybeatum. Porro ubi *Dysenteria* aut
Tenes-

Tenesmus insoleſcit, inſuper addenda venient *Enemata* primò *Anodyna*, & deinde ex *Traumaticis* in lacte decoctis parata, & conſeſtim à coctione (ne putreſcendo rancidam acquirant acrimoniam) ac ſæpiùs, haud magna tamen quantitate, (ne jam exulcerata inteſtina ultra modum diſtendantur) infuſa, atque diutiùs retenta. Quippe Clyſteres omnes, mitigandi doloris ergò injecti, longiori tempore debent detineri: & omnium longiſſimè, quibus glutinandi & conſolidandi facultas ineſt. His verò parum aut nihil proficientibus, tandem ad diutinum *Acidularum* uſum, veluti ad anchoram ſacram confugiendum.

5. Poſtremò, in fluxu alvi *Unguinoſo*, qui Atrophix nonnunquam Scorbuticæ ſi non effectus, at ſaltem comes exiſtit; eis opus eſt auxiliis, quæ vel Hecticum calorem, ex nimio *Sanguinis* ardore partibus etiam ſolidis infixum, ſenſimque earum ſubſtantiam *coſiſſimam* ſeu colliquatione deprædantem, quâ *infrigidando*, quâ *humectando*, ac nonnihil ſimul *adſtringendo* extinguant: vel pariter Sarcophagani *ſucci nutritii* acrimoniam acido-ſalinam potenter corrigendo, ipſum reddant benigniorem, & reſarciendis partibus magis accommodum. Igitur, ubi Febris quò-

que suborta est, ægroti sunt *Hælicorum* more tractandi; advocatis simul in subsidium *Antiscorbuticis* temperatioribus. His autem qui ab omni febris suspicione liberi sunt, præcipiendum est, iis utantur medicamentis, quæ adversus *Atróphiam* inveterato supervenientem Scorbuto infrà præscribimus.

IV. De Torminibus Ventris, *passionem Colicam simulantibus.*

Art. 9. Quemadmodum in Scorbuto, ex humoribus vitiosis undecunque in cavitatem intestinorum affatim effusis, quæ jam descripsimus alvi profluvia ortum ducunt: ita & ab iisdem seu in interiores abdominis membranas, seu inter ipsas intestinorum tunicas irruentibus, illic hærentibus, partésque istas tam exquisito sensu præditas acrimoniâ suâ vellicantibus, velutique dilacerantibus, gravissima excitantur *ventris termina*. Quæ dolores Colicos nunc quidem æmulantur, nunc autem atrocitate usque eò superant, ut fuerint, qui hinc in Peritonæi rupturam inciderint.

Ampliolem horum αλγημάτων πει̃ ὁμφαλὸν descriptionem si quis expetit, is voti compos fiet adeundo *Hellerium* (*de morb. intern.*

tern. lib. 1. cap. de dolore colico) *Joh. Langium* (*lib. 2. Epist. 38.*) *Cratonem* (*consil. 10. & 11. item Epist. 3. & 4.*) & *Citesium* (*de dolore colico Piſtonico, cap. 6.*) Hi enim expressam hujus tam diri symptomatis imaginem, apud Antiquiores nusquam inveniendā, ex propriis observationibus depinxere ; adeò ut cuivis attentè legenti facile sit illud à colica vulgari distinguere per hujusmodi diagnostica. Dolor Ventris, Scorbuti comes, non continuò, sed per intervalla infestat ; cum pulsu & urina quales Scorbutò affectis familiares esse jam dictum est 2. Durat interdum ad quadragesimum usq; diem : 3. Non coli ductu circumscribitur, sed universum ferè abdomen pervagando occupat ; 4. & quidem cum ventris depressione, ut cum umbilico introrsum revellatur, & hic lumbis quasi annexus videatur : 5. Potius secundum intestini longitudinem, quàm latitudinem percipitur ; 6. cum intestini recti sursum revulsione, ut nihil prodeat ; 7. & cum gravioribus symptomatis, quam quæ Colico vulgari supervenire solent : 8. Nec solutâ etiam alvo, & exeuntibus flatibus mitescit : 9. Haud raro transit in Paralyfin.

De ortu & causis horum dolorum, varii

Q 3

varia

varia comminiscuntur. *Alii* deducunt ab effusione materiæ Scorbuticæ per venas *Mesaraicas*, quæ in intestina non hiant, inter duas intestinorum tunicas; quas indè distendi volunt, & vellicari, usque ad acerbissimi doloris illationem. Caterùm huic conjecturæ planè refragatur sanguinis in orbem perpetuò moti doctrina: unde constat venarum Mesentericarum usum esse, sanguinem ex intestinis in ramum Mesentericum, iadèque in venam portæ deferre,

Aliis visum est, ad hostilem *salium* quorundam, in Mesenterii plexibus nervosis, & nonnunquam etiam inter intestinorum tunicas congregientium, luctam & effervescentiam confugere. Ut clariùs eloquar. Supponunt, succi nervosi recrementa quædam *acetosa* stigmati vitriolici æmula, circa dictos Mesenterii plexus, aliàsve in vicinia partes nerveas, copiosè congesta; quibus mox à sanguine arterioso effervescente, ferosa colluvies, *salis fixi*, & velut *lixivialis*, particulis abundè referta advenit, cùmque iis, ob mutuam hostilitatem, turgescens; dolores quasi lancinantes producit. Sicut observamus Spiritum Vitrioli, sali cuivis volatili, non tamen oleoso, affusum, effervescentiam notabilem excitare.

tare. At verò hujusmodi colluctatio & effervescentia sales inter acidos & lixiviales, ut ut magna, non nisi momentanea tamen esse solet, perrarò ultra horulæ semi-quadrantem durans: his autem doloribus solenne est, ad plures usque dies sine intermissione excruciare. Quamobrem licèt minimè negaverim, hîc suppositam ex Acido & salso confusis effervescentiam, nonnullis Scorbuto affectis esse familiarem: vix tamen credibile videtur, eam ad tam diuturnos cruciatus sufficere; nisi simul supponatur, novum singulis ferè momentis affluere salium supplementum, unde certamen identidem renovetur. Talem verò novæ materiæ affluxum, angustiae locorum affectorum vix admittent, citra ingentis tumoris, inde excreturi discrimen. Adhæc quid opus est, ut plures, & dissidentium ratione salium, quibus aculeati sunt, inter se repugnantes humores, *Acidum scilicet, & salsum*, hîc simul in scenam adducamus; postquam manifestò deprehensum est, alterutrum ex iis, dummodo fuerit insignis acrimoniæ particeps, per se & posse & solere acutissimos ac diu durantes in dictis locis dolores excitare? Fieri pseudocolicam à *bilis* acrimonia salina; fieri ab aciditate *Melancholiae*; & interdum etiam ab asperitate fixi

salis in *sero* contenti, quis nescit? Nos igitur ad similitudinem veritatis propiùs accedere arbitramur, quod modo innuimus, Colicam isthanc Scorbuticam, in qua nunc versamur, vel *Biliofo* humori, acrimoniâ salinâ peccanti, eoque rodenti; vel laceranti & propemodum corrosivæ *Melancholiæ* aciditati, seu in tunicas intestinorum, seu in plexus nervorum Mesentericos favienti, ut plurimum deberi. Est tamen & tempus, ubi *serum lixiviale* suas quoque in hac tragœdia partes, seu distendendo, seu convellendo agit. Est quoque, quando hi humores non solitariè, sed *conjunctim*, per Syndromen, factâque quasi conspiratione, affligunt: id quod tormentorum differentias observanti perfacile innotescat. Prout enim causæ jam memoratæ puriores ac solitariae magis existunt; aut cum aliis diversimodè conjunctæ, ac plus minus ab illis temperatæ occurrunt: ita aliquam in doloribus quos excitant, pariunt diversitatem, verbis quidem vix satis explicabilem.

Art. 10. Ex dictis itaque liquidò apparet, non unam aut simplicem doloribus hisce *currendis* semper convenire rationem. Namque licet ipsi dolores in genere curentur *remotione Cause*, & *mitigatione* per anodyna;

na: cum tamen insignis adsit dolorum, causarum, removementium, mitigantium diversitas; æquum est profectò, ut sua cuique doloris differentiæ, & cuique causæ antidota opponantur. De *singulis* ergo singulatim, sed Laconicè dicendum est.

I. Tormina ventris Scorbutica, ubi ab humorum sulphureorum seu *biliosorum* acrimonia fiunt, proindèque cum haud obscuro *ardoris* sensu in locis affectis conjunguntur; optimè curantur 1. Bilem pinguiorem *contemperando* per *Acida*, & in primis per spiritum *Nitri*, addendo simul Emulsionem *suboleosas*, ac præsertim *Opiata*. 2. Clementer *subducendo* per alvum, exhibitis per intervalla tum Enematibus *laxantibus* simul & *anodynis*, tum *Cholagogis* mitioribus, ut pulpa Tamarindorum, Rosarum pallidarum infusione, Elect. è succo Rosarum, Cholagogo Sylvii, &c. in fero lactis. His addenda sunt *Fotus*, *Cataplasmata*, *Linimenta*, ex *Emollientibus*, *Laxantibus*, *Antiscorbuticis* temperatioribus composita: ut æstuantis bilis acrimonia temperetur, miasmatis Scorbutici malignitas dometur, ac pori membranarum aperiantur. Porrò ut utrique indicationi simul & semel satisfiat, *Cholagogis* & *Opiatis* unà agendum est. Sic enim inducto som-

somno, & dolor consopietur, & materia peccans evacuabitur.

2. Doloribus verò *Lacerantibus*, partémque affectam sine ardore *rodentibus*, utpote ab *acida* Melancholiæ *acimonia* oriundis; apprimè medicaberis *corrigendo* atrocem illum, & Phalaride immanio rem humoris peccantis acorem. Hic itaque in usum revocanda sunt pulveres *Testacei*, *Serum lactis*, lac *Asininum*, *Antimonium Diaphoreticum*, *Spiritus Vini acromaticus* (utpote sale *volatili* & *oleoso* præditus) aquæ *Theriacales* & *Antiscorbuticæ*, *Tinctura Castorei*, *Opiata*, *Spiritus Cornu Cervini*, salis *Ammoniaci* (quem corticibus *Aurantiorum* instillatum, cùmque spiritu baccarum *Juniperi*, vel seminum *Anisi* mixtum, atque sæpiùs in die exhibitum, præ cæteris omnibus laudant *Sylviani*) & id genus alia *Antacida*. His autem interponenda interdum *Enemata*, ex *Emollientibus*, *Carminantibus*, *Antiscorbuticis* in sero lactis decoctis, conflata. Externè conveniet *Cataplasma* ex flor. Chamæmeli, Sambuci; fol. Nasturtii vel Beccabungæ; baccis *Juniperi*, contusis, & sero lactis ad mollitiem (optimè clausis interim vasis) incoctis confectum, calidèque ventri impositum. Hæc omnia plus præstabunt, si *sudores* simul erumpant.

pant. Ad eos igitur propellendos, proficuum fuerit, si æger, prius assumpto spiritu aliquo Antiscorbutico, non acido, in decocto radic. & seminum *Bardane*; impositoque Cataplasmate, se in lecto, ad sudores blandè provocandos, componat. Præter hujusmodi per *Hidrosin* evacuantia, alia omnia exulent. Nondum enim mitigatâ humoris melancholici atrocitate, si *Cathartica* admiseris; irritas crabrones, & severiores concitandi paroxysmos discrimen incurris:

3. Eadem porrò methodus medendi, eadèmq; remedia conferunt quoque in Pseudocolica Scorbutica, ex *Sero Lixiviali*, seu copiâ suâ distendente, seu per falsedinem corrodente, oriunda: cum eo tamen discrimine, quòd hîc locus etiam Hydragogis mitioribus sit concedendus; quæ frequentius vel infrequentius debent exhiberi, pro majori, minorive serositatum redundantia.

Hoc, *Lector erudite*, si novum tibi & admiratione dignum videtur; nisi quid utilioris te contemplationis detinet, audi & aliud, quod animum tuum majori adhuc stupore forsân afficiet. Tanta est Naturæ erga nos misellos benignitas, ut non
nulla

nulla protulerit, quæ in omni Colicorum genere dolorum, summo cum ægrorum emolumento possint exhiberi. Horum è censu sunt primùm *Hypnotica* & *Acopa*; utpote quæ non tantùm sensui stuporem & indolentiam inducant, sed etiam humorum peccantium tenuitatem cogant & increascent, acrimoniam qualemcunque infringant, vehementemque orgasmum reprimant. Parcius tamen ista: nec nisi πῖς ἰσθῖσι τὰ ἰερά. Deinde lac *Asininum*, aut *Caprillum*, & utriusque succedaneum, *Serum* lactis vaccini: illud recens ab ubere mulctum; istud adhuc à coagulo tepidum; utrumque in plures dies præscriptum. His enim mitigata post tormina, primarumque viarum purgationem propinatis; non alvina tantùm regio, sed totum etiam corpus perfectum neoterismum consequetur. Sed omnium instar sunt αἰσθηῖν illa λυγρὰ, *Acidule* purgantes, *Borbonenses* in primis in Gallia (de quibus testatur *Citellus*, usu earum ferè omnes suos Pictavenfes, ex Colico Epidemico paralyticos, fuisse ad integram sanitatem perductos) & in Britannia nostra, *Barnettenses* & *Ebshamienfes*. Harum sanè & virtus clara, & ratio medendi admirabilis est.

V. De aliis Doloribus Scorbuticis.

Sed latiùs adhuc alas explicare solet *Art. II.*
atrox hic Vultur, non viscera solùm, Ti-
tyani ex more, quotidie dilacerans; sed
& cæteras partes, pro vario sui influxu,
excrucians. Quippe nunc *Cerebri*, *ar-*
tuum, *lumborum*, *ossium* membranas diro
cruciatu affligit: nunc *articulorum* liga-
menta & tendines, sub *Arthritidis* larva
rodendo exurit: nunc nervulos *Lumba-*
res, interdum & *renes*, simulata *Nephri-*
tide, torquet: varios ubique dolores
inferens, pro partium quascunque inse-
derit, diversitate. De his autem non est
quòd sigillatim dicamus; quandoquidem
ex iis, quæ de doloribus *Pseudocolicis*
modò dicta sunt, cuivis ad sacra *Hygeæ*
facienda solenniter admissio facillè sit col-
ligere; eos exoriri omnes ab acrimonia
vel *salina*, vel *acida* Succi Nervosi; om-
nèsque pariter compescendos esse quâ
subductione, quâ *correctione* illius ita pec-
cantis materiæ. Quibus verò *remediorum*
generibus utrumque sit præstandû, iterum-
iterumque monstravimus. Satis itaque
esto, de *curatione* horum dolorum insti-
tuenda

tuenda strictim admonere, in iis semper annitendum, ut succi præcipuè Nutritii dyscrasia contemperetur; ut acidorum, acrium, salforum, aliorumque effervescentia, & orgasmus compescatur; ut copia omnium leniter minuatur, & cloaca quasi corporis sensim eluatur; ut denique affectis injuriâ partibus suis cuique tonus restituatur. Nobis enim nec vacat, nec volupe est, in hunc inamænium, totiésque ab aliis tritum longiùs exspatiari campum: & speciminis locum occupent prædicta.

VI. De Paralyfi Scorbutica.

Art. 12. Est etiam tempus, ubi modò dictos Ventris, lumborum, Capitisque præsertim dolores PARALYSIS quædam excipit; à *Paralyfi Veterum* signis suis diacriticis, supra *cap. 2. art. 8.* descriptis, facile distinguenda: indubièq; ex eo deducenda, quòd tartareæ Succi Nervosi impuritates, *ἢν νεῦρων πρὸς ἐν τῷ ἁλτὺς μεταστάσῃ πρὸς τὸν*, in spinam dorsi, nervorumque origines effusæ, cæcos illos, per quos Spir. animalibus patere solet aditus, meatus obstruendo præcluserint. Nec est, quòd multum ambigamus de *Via*, per quam istiusmodi materia, Paralyfin mox paritura, ex intestino-

stinorum ac Mesenterii membranis transmissa ad medullam spinalem, nervos inde productos invadere, hisque non ἀνασθησις quidem, sed ἀχνησις inferre possit. Nam à nervis illis, qui à Plexu abdominis maximo in Mesenterium juxta atque in intestina disseminantur; quique cum Lumbis per mutuam quasi inosculacionem ubique ferè commercium exercent.: via utique & expedita patet, & compendiosa ex utrisque in spinam dorsii. Et quàm sit in proclivi, ut humor aliquis hinc inde transferatur, remeétque, per funiculos Nervorum inter se καὶ τὸ Συγχέει communicantium; res ipsa loquitur, ut in multis aliis morbis, ita & apertissimè in *strumis* & *scrophulis*, quæ sedes sæpe mutant, ex materiæ unde subnascuntur metastasi. Quæ sive criticè, sive symptomaticè fiat, minimè dubitandum quin in causa esse possit, ut *Capitis* quoque doloribus interdum isthæc Paralyseôs species ex inopinato succedat: materiâ Scorbuticâ de Cerebro in spinalem medullam delapsâ, nervorûmque ad hos vel illos ex artubus spectantium origines obstruente. Quamvis enim Paralyseôs propriè sic dictæ proxima & formalis ratio, in resolutione seu laxitate nervorum unicè consistat; ad istam tamen resolutionem nervis inferendam facere

cere potest, quicquid Spir. animalium, seu illius influxûs subtilissimi, quo solo nervorum funiculi ad voluntatis imperium invigorantur ac distenduntur, quicumque is demum fuerit, commeatum sit intercipiendo: *compressio* scilicet, *præcisio*, & *obstructio*. Non est itaque necessum, ut hic ad nervorum *emollitionem* vel irrigationem ab aliquo humore confugiamus: ut falsò docet *Rondeletius* (*Meth. Med. cap. 32.*) & cum eo *Laur. Joubertus* (*in tract. de Paralyfi*) qui ex precaria hypothesi, solam pituitam tenuem Paralyfin excitare existimat. Maximè quû emphrax-is nodo faciliùs promptiùsque solvendo sufficiat.

Porro, sicut hujusmodi *Paralyfis* non aliunde oriri videtur, quàm à succi Nervosi recrementis crassioribus, inconspicua nervorum permeacula obstruentibus: ita & *Convulsiones*, quæ non minùs frequenter affectum hunc comitari solent, ab iisdem acrimonia sua vel salina, vel acida nervoso generi infestis, ac delicatissima nervorum involucra atque fibrillas alternatim rodentibus ac vellicantibus, potissimùm adscribendas esse censemus.

Hæc igitur Symptomata, ut & *Stupor*, *Tremores* & id genus alia accidentia *Neuritica* Scorbuto familiaria, ut *causis*, ita & *curandi ratione* per omnia ferè conveniunt: nec ad sui ablationē aliud quicquam in genere exposcunt artificii, quàm ut *remedia invigorandis corroborandisq;* *Cerebro et Nervis appropriata*, cum *Antiscorbutis* generosioribus *conjugantur*. Horum *formulas* de industria prætermitto; apud *Sennertum*, *Horstium*, *Willisum*, in *Libris de Scorbuto & Convulsionibus*; item apud *Deckerum*, in notis ad *Praxin Barbettianam*, pag. 153. legendas. His autem, ulterioris auxilii causâ, adjungendum esse existimo, *Thermarum Sulphurearum* usum, ad plures septimanas continuatum. Testatur enim consultiss. *Citiesius* de calidis *Borbonensibus*, quamplurimos se ex *Colica* apud *Piæfaves* olim *Epidemica* in *Paralyfin* conjectos, earum virtute ad integram sanitatem brevè perductos observâsse: ipsèque etiam idem testari possum, de *Thermis* nostris apud *Bathoniam* in agro *Somersettensi* scaturientibus.

VII. De HYDROPE *Scorbutica.*

Art. 13. Inter hæc graviora Scorbuti jam inveterascentis accidentia, heic sibi locum vendicat & **HYDROPS**: quo nunc pedes, nunc venter, & aliquando universum quoque Corpus fœdum in modum intumescunt; quique & cum duriori abdominis, hepatis, lienisque tumore; & cum respirandi difficultate majore (quæ à Catharsi solet ingravescere) quàm aliàs affligit.

Hujus *Causam proximam* liquidò apparet esse *Lymphæductuum liquorem*, præter naturæ institutum extravasatum, sensimque collectum in partium affectarum membranis: hocque quòd tenellula illa vasa, quibus latex serofus circumferri debuit, ejus vel nimia quantitate fuerint ad diruptionem usque distenta, vel acrimoniâ erosa; prægressâ *Glandularum* iisdem *Lymphæductibus* inservientium obstructione. Hinc enim necessum videtur, ut præpedita in suo reditu *Lympha*, quâ data porta copiosè effluat, sicque gravissimum hunc morbum, *Hydropem* ægris brevè inferat.

Remota

Remota autem causæ admodum variæ Art. 14.
sunt. Nam quæcunque Chyli sanguifica-
tionem ita lædunt, ut ex ipso non quidem
bonus & laudabilis, sed crudus, vitiosus,
justoq; serosior sanguis generetur; eadem
manifestò faciunt ad inducendam hanc
Lymphæ exundationem. In his verò pri-
matum tenere videtur immoderatus *Aquæ*
Vitæ dicam, an *mortis*, & *Spirituum arden-*
tium usus; quo acidum illud Ventriculi
fermentum, famis pariter atque digestio-
nis *σπίστασμα*, usque eò obtunditur, ut
alimenta in illo neque rite comminui ac
fermentari possint, neque deinceps ab in-
vicem sufficienter segregari. Unde crudus
atque aquosus, sed & acrimoniæ particeps
Chylus necessariò emergit; sibi per omnia
consimilem sanguinem & succum nutri-
tium suppeditaturus. Adde, quòd de-
voti illi *Bacchi Antistites*, qui dies no-
ctesque istiusmodi spirituum poculis indul-
gent, ut plurimum cum *Cerere* divortium
faciunt; at ratione acrimoniæ illius falsæ,
quam vino adusto inesse testatur ingens
faucium ardor, sitisque indè accensa, ve-
hementer sitiunt: & ad tollendam sitim,
toto pomeridiano tempore *Bacchanalia* ce-
lebrare coguntur. Hincq; non potest non
generari Chylus, & deinde sanguis, cum

succo nutritio, crudus, serosus, & hydro-
pi inferendo aptissimus. Sicque *Lenæi* isti
Heroes, dum bibendo curas diluere stu-
dent, præcipites se in Stygias undas mit-
tunt. *Habitualement* nempe sibi ultrò con-
trahunt *Hydropem*; non solùm alienatis à
crasi sua sanguine ac succo alibili; verùm
& visceribus ipsis per diluvium serosum
tono sensim exutis.

Art. 15. Horum igitur status, ubi semel à Scor-
buto arctiùs obsidentur, pro deplorato
plerumque habendus. Utpote qui *Cachexiâ*
inveteratâ, hancque excipiente de-
mum *Hydrope* quasi eviscerati; neque *Cathartica*,
nec *Diaphoretica*, aut alia ulla
remediorum genera exhauriendis aquis ac-
comodata ferre valent. Hujusmodi ita-
que in casibus, serò nimis advocato in
auxilium *Medico*, aliud nil quicquam re-
stat agendum, nisi ut prudenter præmis-
so permagni illius, in quo ægroti versan-
tur, discriminis prognostico, experimen-
tum faciat, quantum subsidii sit sperandum
ex usu *Cardiacorum* ac *Diureticorum*, cum
valentissimis *Antihydopicis* atque *Antiscor-
buticis* ritè conjunctorum.

Aliis autem, qui de Scorbuto incide-
runt in *Hydropem*; idque subito, & per
causam

causam aliquam *evidentem*; non idem periculum calamitâsque imminet. His ergo ut *Medicus* amissam sanitatem eâ qua par est fide ac solertiâ restituat; *curationem* in hunc modum aggrediatur.

1. Ubi serosa colluvies è Lymphædu- Art. 16.
ctibus ex improvise exundans, non tantum copiâ suâ, sed etiam *aciditate* peccat: ibi illa quamprimùm corrigenda est, atque emendanda medicamentis suprâ, in *cap. de Scorbuti ex Acido in primis oriundi curatione*, præscriptis.

2. Quoties eadem *salsedine* offendit (quod plerumque fit) toties convenient remedia in præcedentibus ad curandum Scorbutum à *sale fixo* exortum laudata; ut & *sudorifera aromatica*, spiritibus *Antiscorbuticis* nobilitata, quorum ope salsedo luxuriantis lymphæ potentissimè corrigetur.

3. In utroque casu summoperè conducunt *Hydragoga*, post aliqualem feri seu acidi, seu falsi contemperationem exhibita: sed dosi mediocri, & identidem repetitâ. Conveniunt quoque, post benigniores purgationes, *Diuretica* (in quorum numero maximè laudantur cineres

Eufonium, Apúmque pulvis, in lixivio cum *sale Genistæ* facto propinati) *Exsiccantia*, partésque læsas *redintegrantia*, & præ omnibus aliis diuturnior à potu *abstinentia*, de cuius admiranda virtute vide sis *Fabricium Hildanum*, *Centur. 4. observ. 41.* Eximiè item conferunt *Discutientia* & *Resolventia* externè applicata partibus lixiviali cataclysmate tumefactis : hæcque sub variis *Emplastrorum*, *Cataplasmatum*, *Sacculorum*, *suffitiuum*, &c. formulis usurpanda.

Inter *specifica* melioris notæ recensentur *Pilulæ Hydroticæ* à Cl. D. Zwelfero, in *Pharmacop. Auguſtan. pag. m. 213.* præscriptæ ; *Electuar. Hydragogum Sylvii*, in *Prax. Medic. lib. 1. cap. 7. sect. 55.* videndum ; *Tinctura Allii*, vino *Absinthite* extracta ; *Lixivium Diureticum Leviathan Rabbi*, apud *Heurnium lib. 2. method. medend. cap. 6.* descriptum ; *Decoctum Sudoriferum Quercetani*, in *Pharmacop. Dogmat. rest* : *Specificum Diaphoreticum Greg. Horstii*, in *lib. de Scorbuto* : *Aqua Hidrotica Sennerti*, in *cap. de Hydrope* : *Theriaca Veneta*, vino *Malvatico* dissoluta, & cum guttulis aliquot spiritûs *Salis Ammoniaci* propinata.

VIII. De Atrophia Scorbutica.

In rebus Physicis, exoriri ab una eadém- Art. 17.
que causâ diversos nonnunquam, imò &
inter se mutuò contrarios effectus; idque
ob varias subjecti, in quod vires illa suas
exercet, dispositiones: haud novum est.
Hinc enim axioma illud vulgare; *omnis*
Agentis energia ad capacitatem Patientis re-
stringitur. Hujus verò rei eximium in
morbo isthoc *πολύμορφον* sese offert exem-
plum. Quippe sicut à Scorbuto interdum
scaturit *Hydrops*, quo nunc una, nunc
plures, quin & omnes corporis partes ul-
tra debitam sibi magnitudinem intume-
scunt: ita è contrario haud rariùs con-
tingit, ut ex eodem generetur & *Atro-*
phia; qua modò hæc vel illa pars singu-
laris, modò, & sæpiùs quidem Universæ
(cartilaginibus, ossibus & parenchymate
viscerum duntaxat exceptis; upote quæ
parùm aut nihil in ipso etiam Marasmo ex-
tenuantur) contabescunt & absumuntur;
genio suo sensim defraudatæ.

Accidit autem defectus hic Nutritionis,

R 4

cre-

crebriùs *Succi nutritii*, rariùs *Partium affectuum* vitio.

Succi Nutritii vitio; quoties is aut *deficit* in universo corpore, vel in aliqua parte: aut *incongruus* ac *ineptus* evasit partium substantiæ indies reparandæ.

Deficit in Universo Corpore, in hoc casu (alios enim nostrum non est heic attingere) aut ob Chyli boni & laudabilis penuriam; aut ob ejusdem *distributionem* ad partes indè alendas quomodocunque *impeditam*: & in parte aliqua *privata*, ex pariter intercepto sui in eam influxu; sive id fiat ob nervorum ad ipsam tendentium dissectionem, aut compressionem, aut (quod sæpius obtingit) obstructionem; sive ab alia qualicunque causa.

Idem succus nutritius corpori, ejusque partibus his vel illis resarciendis redditur *ineptus*, ubi à dulci sua, subpingui & balsamicâ naturâ alienatus, in *salsam*, *lixiviam*, *muriaticam*, *acidam*, &c. degeneravit: uti in Scorbuto inveterato, tum *salso*, tum *Acido* sæpe usu venire, consentaneum est.

Partium

Partium denique *nutriendarum* crimine contingit *Atrophia*, quoties ipsæ à quacunque demum causa, & imprimis *externa*, *fortuitaque*, aliquam passæ sunt injuriam insignem; ex casu nempe, contusione, vulnere grandi, &c. unde non tantum *nervi*, per quos continuum succi nutritii supplementum debuit inferri, rupti, aut dissecti; verum *carnes* ipsæ, ac *membranae*, &c. labefactatæ sunt & graviter vitiatæ. Ideoque in hoc casu succus alimentaris non tantum deficit, sed *corrumpitur* quoque, ubi ad partium ita læsarum confinia accesserit.

Ut ex ingenti campo excerpta in exiguum denique gyrum compellamus; equidem *Atrophiam* Scorbuto propterea supervenire suspicamur, vel quod *Succus nutritius* ita in itinere suo, per viarum quas liberè debuit pertransire, *obstructiones*, intercipitur, ut nutriendis partibus non possit accedere: vel quod *idem*, etiamsi itineris metam assequatur, conceptæ tamen *salsedinis*, aut *Aciditatis* eximie ratione, adeò vitiosus existit, ut partibus neutiquam inserviat reficiendis.

In *priori* casu, si *Obstructiones* in venularum *Lactearum* anfractibus hærent ; alvus ut plurimum justo fluidior, albicantia rejicit excrementa : utrumque à Chylo in intestina restagnante. Sin penitiora *Mesenterii*, & *Glandulas* præsertim succi alibilis depurationi comparatas infederint : tunc duri, magnique, & (malo in deterius jam tum ruente) Scirrhusi *Tumores* in Mesenterio excitantur, manifesti locorum præcipuè affectorum indices.

In *posteriori* autem, Chymus neque refluat in intestina, nec glandulas mole auget ; sed ad corporis usque habitum delatus, illicque à partibus refectione indigis, tanquam ingratus atque inutilis, planè rejectus ; inibi nunc maculas & tubercula, nunc strigmentorum quasi squamulas, scabiem, ulcuscula sordida, & id genus alia pravitatis suæ indicia profert : quæ pro variis acrimoniæ *Salinæ* aut *Acidæ* gradibus ac conditionibus, haud parùm inter se variant.

Nemini itaque obscurum esse potest, optimam *Curandi* hujus affectûs rationem vel in eo consistere, ut *Galaxiæ* obstructions

ones per convenientia expédiantur *Ectophractica*: vel in hoc, ut *Succi nutritii vitia*, quæ & qualiacunque fuerint, *Alterantibus* corrigantur ac emendentur: sed & nonnunquam in *utroque*.

Inter *Deobstruentia*, haud scio equidem an quicquam utilius homini à natura datum sit *Acidulis*: quæ facilè in adyta Mesenterii & Glandularum sese penetrantes, vias Chyliferas omni ab infarctu, quâ attenuando, quâ detergendo liberant; nec tamen ullum interim relinquunt sive caloris, sive acrimoniæ vestigium. Profunt quoque *Fotus*, *Linimenta*, *Balnea* aliâque remedia *Externa*, qualia Practici pro Hecticis tabidisque præscribunt.

Ex *Alterantibus*, seligi debent ea, quæ huic vel illi Succi alimentaris vitio speciatim adversentur: *Antacida* nimirum, quoties illius dyscrasia in *acore* potissimum radicatur; & quæ *Salsedinem* humorum destruere apta nata sunt, ubi ejusdem intemperies præcipuè dependet ab exuperantia *Salis*. In utroque autem genere, *Temperatiora* sunt cæteris præferenda.

Contra Marasmm à Succi nutritii *Salsedine*

sedine exortum fortissimè militant *Lac Caprillum*, imprimis si Capra herbis Antiscorbuticis alatur, aut si spiritus aliquis adversus eundem affectum valens lacti instilletur; *Apozemata* ex *Taraxico*, *Endivia*, *Cichorio*, *Oxalide*, *Beccabunga*, *Cheremfolio*, *Uvis Corinthiacis*, & id genus aliis parata, spiritûque *Cochleariæ* nobilitata; *Aquæ Limacum* compositæ temperatiores; *Syrupus aureus* Joh. Anglici (*Gatfiden* nempe) à *Cl. Sennerto* adversus febrem Hecticam laudatus, qui commodissimè dilui potest decocto *Taraxaci*, aut *Sero lactis* adhuc tepido.

In defectu nutritionis ab ejusdem succi nutritii *Acore*, plurimum emolumenti adferunt *pulveres Testacei*, per plures dies in aqua *Limacum Magistrali* exhibiti: *Lac asininum*, aut *Vaccinum* aquâ hordeatâ, vel è *Taraxaco* destillatâ dilutum: *Jusscula instaurantia*, ex *Cochlearum*, *Limacum*, *Testudinum*, *Cancrorum*, *Astacorum*ve fluviatilium carnibus in aqua hordeata, donec ferè liquecant in gelatinam, decoctis, per setaceum transmissis, cumque *Amygdalis dulcibus*, *pineis*, *femin. frigid. major.* & *Saccharo* albo canto, vel *Perlato* conditis confecta; & aquis *Antiscor-*

tiscorbuticis temperatioribus parùm diluta. Hæc enim suo tempore usurpata, sensim devicto succi alibilis acore, reficiunt simul & impinguant.

Sunt & Corrigentia quædam *Universalis*, qualia ex Mineralibus & Metallis, aliisque ad has vel illas Animalium partes minùs determinatis parantur efficacissima, ideoque in utriusque generis Atrophia haud incommodè adhibenda; ut *Calamelanos*, *Tinctura Antimonii*, *Chalybis*, *Corallii*, *Margaritarum*, &c.

Superfunt & *alia* adhuc Hydræ hujus capita, hætenus ad scrutinium revocatis quidem & numero plura, nec levioribus telis abscindenda: sed talia, quæ nec incommodè possint ad istam vel illam è toties jam descriptis *Sanguinis*, aut *Succi Nutritii* intemperiebus referri; nec alia ad sui præcisionem exposcant remedia, quàm quæ suprà sunt, suo quæque in loco, præscripta, ad istas utriusque liquoris dyscrasias respectivè alterandas corrigendisque. De *his* igitur silentium agere constitui: ne aut *Lectori* fastidio sit molesta prolixitas; aut *ipsius* ingenio videar diffidere, si de tam perspicuis rebus diutiùs

diutiùs differam. Adhæc, defesso nunc
tandem calamo opportunè adest ἰσχυ-
ρότερος ; &

Jam pervenimus usque ad umbilicos.
Jam Lector queriturque, deficitque ;
Jam Librarius hoc & ipse dicit ;
Ohe jam satùs est, ohe Libelle.

Επιφώνημα,

Επιφάνεια,

I N

Medicastro.

ALia inter quæ in hoc opere observaveris, *Lector Cordate*, severiori tuo judicio minùs quàm nobis in votis fuit, arridere; illud cum primis te admiratione affecisse suspicamur, nos in *Therapentica* illius parte, *Formulas* quas vocant, & *Systemata Medicamentorum ad pondus & mensuram non exegisse*. Æquum est igitur, te hîc, coronidis loco, admoncamus; id à nobis factum fuisse, non ut de diligentia aliquid remitteremus, non ex ignorance artis medicamina suo quæque in genere componendi: sed inductu
con-

consilii recti, honestique, & publicam tum Ægrotorum, tum his medicinam facientium utilitatem respicientis.

Sciebam nempe, & *Seniorum* solertiam, in *Pharmaceutice* pro nascentis sub manu commodi opportunitate instituenda, id mihi laboris supervacuum reddidisse: neque in cudendis ex re nata remedium formulis, artificium inesse vel tam *abstrusum*, ut *juniores* etiam ἡμεῖς ἰατροὶ παῖδες lateat; adeoque *Sanctum*, nemini ut liceat, ne latum (quod aiunt) unguem ab Antecessorum in eo præceptis discedere.

Sciebam præterea, quin & impensè dolebam, haud rarò contingere, ut ex istis medicamentorum præscriptis, seu (ut vul-

go dicuntur) *Receptis*, quæ *Præti-*
corum in libris nusquam non scatu-
 riunt, multo plus periculi quàm e-
 molumenti non rectè valentibus (ut
 de sic læsa simul *Artis* omnium divi-
 nissimæ dignitate nunc sileam) sub-
 oriat. Idque dum temerè in u-
 sum revocantur ab iis, qui nec illo-
 rum rationes, nec utendi *inveniar*
 calleant; ast omnium literarum, &
 politioris disciplinæ, nedum *Physio-*
logiæ expertes, se tamen jactitent
 morbis quibuscunque (si Diis pla-
 cet) cùrandis pares esse: eo quòd
 ingentem *Receptorum* sylvam, hinc
 raptim & indè collectam, atque sub
 variis titulis, tanquàm in locos com-
 munes, dispositam secum consueve-
 rint circumgestare. Quasi ad asse-
 quendum nobilissimum illud, & per
 universitatem rerum latè discurrens
Medendi mysterium (quod norunt
 tamen Eruditi, priscos illos sapien-

S

tiæ

tia consultos, non Mortalium industriæ, sed cœlo deductum *Diis* suis immortalibus adscripsisse) aliud nil esset requisitum, præter inconsultam nescio quam istiuscemodi *Prescriptiuncularum*, unà cum nominibus Morborum quibus accommodatæ fuerant, ῥαψωδίας. Horum itaque, & aliarum id genus pestium, quorum culpâ factum est, ut Divina *Medicinæ* scientia apud imperitos malè audiat, Sacrilegæ audaciæ ut, hac saltem ex parte, iremus obviam; destinato consilio stylum abstinuimus à *Formulis* præsidiorum hic describendis: ne aliter si fecissemus, *Semiscoli* isti sibi ansam indè arriperent, in vitas credulorum, Artisque nostræ gloriam porrò peccandi.

Hactenus equidem ad *Aristotelis* exemplum studia mea composui; qui alumno suo, *Alexandro Magno*, ipsum

sum disciplinarum *Acroamaticarum* quas vocant, dignitatem, evulgatis earum præceptis, profanâsse querenti fertur rescripsisse; *ita libros illos esse editos, ut haberi possint pro ineditis: nec enim quenkum sensum ipsorum magnopere percepturum esse, nisi quæ in iis continerentur, jam antea didicisset.* Ipse scilicet pariter indignor, communicari sublimioris doctrinæ laudem cum humillimis. Neque enim unquam *Sapientiam* inter vulgus hominum quisquam disseminare tentavit, absque pessimis successibus, miserorumque perniciæ. Quid? si quis *Jura* ac *Leges* illos docere velit; quas contentionum tempestates, quantos tumultus, quot rebelliones suscitabit? Idem de *Religione*, de arcanis *Imperii*, de *Medicorum* secretis & similibus.

Et interest sanè generis humani;

S 2

ut

ut ii quos θεῶν χρίσας non vano prorsus elogio dixit *Antiquitas*, sanctissimam suam disciplinam nemini, præter hos qui ad eam publicè profitemdam ex legum auctoritate admissi, & νόμος ἐν ἡρώεσσι ἀρχισυνδύοις fuerint, edoceant. Sic enim optimè & hominum saluti consultum foret, & honori disciplinæ. Hincque subtilissimi illius Philosophi, *Hieron. Cardani* iudicio (*in Libr. de Socratis studio*) qui artem *Hippocraticam* communicârunt populis, morte oppidò digni sunt, nec simplici. Eorum enim factò, peritissimi Medicorum acceperunt iudicem populum: ut errare cum illis cogantur; aut si rectè agendo perdurare velint, atq; persistere, casus ægrorum infelices illis attribuantur.

Interest etiam, ut procul removeantur ab ejusdem Artis exercitio,
qui

qui ipsam ne à limine quidem salutarunt : sed civium valetudinem quæstui habent, debitumque artis fructum aliis sceleratè præripiunt, qui ab ineunte usque ætate in ea addiscenda operæ plurimum, ingentesque sumptus fecere. Quid enim *crudelius* excogitari potest, quàm imperito, & quicquid usquam concipitur nefas, lucelli causâ, aufuro Agyrtæ bonos cives tradere impunè occidendos ? Quid *iniquius*, quàm sublatâ munerum, dignitatum, graduum, meritorum, personarum distinctione ; profanis sacra, ignavis generosa, ardua indoctis, subtilia idiotis, honesta impuris, omnibus omnia licentissimè, & cum impunitate permittere ? Quid denique *periculosius*, quàm justa, & divinis pariter atque humanis legibus consentanea, omnique ab ævo à tot viris prudentiâ simul & imperio illu-

tribus solenniter sancita Medicorum *Privilegia*, quibus, tanquam fixis publicâ auctoritate terminis, olim distincti fuerunt, & ab Empiricorum invasione defensi, violare; ad liberalis contemptum eruditionis, indeq; necessariò succrescentis barbariei inductionem? Eò enim solet impendi labor ac industria, unde emolumentum atque honos speretur; at demptis studiorum præmiis, etiam studia mox pereunt: seu ut idem elegantius exprimit *Jamblicus* apud *Stobæum* (*Serm. 46.*) *augetur et crescit, quicquid in honore est; deficit et minuit, quicquid in contemptu est.*

Est itaque, quòd metuamus *Medicine*, ne intra unius abhinc sæculi decursum, usque eò evilescat ejus *Profectio*, ut indigna habeatur, cui viri sive natalibus ingenui, seu egregiis in-

ingeniū dotibus ornati, ſe totos devoveant. Diu namque jam eſt, quòd haud parum de priſtina ſua exiſtinatione, non ſolū apud ventoſam plebem, verū etiam Magnates, Satrapas, ſummisq; rebus præpoſitos, perdidit : indies magis magisque, tanquam impellente fato, declinans ad occaſum. Hocque alia nulla, uti videtur, de cauſa, niſi ex ingenti aumero, & inſcitia, vilitateque (ne quid gravius dicam) eorum, qui ſcienciæ orgiis nunquam initiati, ſacris tanen operari non erubescunt : quique neglectâ Morborum per cauſas naturales cognitione dignotioneque, *Ἐμπύειαν* ſolam temerè dicam, an impiè conſectantur; atque ut *Plinius* veriffimè (*lib. 26. cap. 1.*) *diſcunt periculis concivium, ac per experimenta impurè mortes agunt.* Hodie ſcilicet, ſi unquam (quod nulli non honeſto pectori dolorem

inurere debet acerbissimum) ejusmodi *Receptariorum, Circumforaneorum, Veneficorum* omnia plena.

Fingit se Medicum quisquis, idiota, profanus, Judæus, monachus, histrio, rator, anus.

Nihil dixisti, *Satyrice* ; medicos se fingunt quoque *Rizotomi, Seplasiarii, sordidi Balneatores, triobolares Phlebotomatores, spurcidici Lenones, indocti parochiarum Sacrificuli, Chymistæ carboniperdes, audiculi Edentatores, impudentissimi Vomantes, veteratores fatidici, lœdinosæ obstetrices, τελαῖδες, & præcæteris omnibus perfida illa, ingratiſſimaque impostorum gens, Pharmacopolæ ; qui sunt in Rep. agrorum pernicies, rei medicæ calamitas, & Libitina præſides.*

His tamen σκετοπαῖγος, cataſta, λoricis

ris & equuleo digniffimis, *Magiftratus*, importuna utique, & non folùm proletariis, & capite tantùm cenfis, fed amplioris fortunæ hominibus, imò fibimet etiam ipsis interdum exitiali lenitate, parcunt: neque ulla in eos pœna in Rebusp. constituta eft (ut olim graviter conqueftus eft *Hippocrates Magnus*, in Νόμῳ) præterquam ignominia. Quæ non afficit, neque contingit eos, qui ex composito personam Medici induerunt. Ut nos, graviffima quidem de caufa, cum *Marcello Palingenio*, exclamemus;

O miferæ Leges! quæ talia crimina fertis.

O cæci Reges! qui rem non cernitis iftam.

Vos quibus imperiũ, qui mundi fræna tenetis,

Ne tantũ tolerate nefas, hanc tollite peftẽ, &c.

aut claufis nunc tandem mufæis no-
ftris, nuncioque *Philosophiæ* remis-
fo,

so, de justissimo Regum patrocínio desperantes, ita nobiscum, quemadmodum *Salomon*, in re graviore, expostulemus; *si unus et stultorum et noster eventus erit; quid nobis prodest, quòd majorem sapientiæ dedimus operam?*

Habent quidem literæ humaniores, & illa *πικίλη φιλομαθία*, nescio quam vim *ἐπιστηρικὴν*; ut quòs Musa illa semel afflavit, semper ad illud *Sophiæ* templum respiciant; quasi sua tam sanctum erga numen devotione satis beati. Cæterum ubi nobiscum seriò expendimus, qualem spicam culmus iste ex se tandem effundit; quid quæso, præter steriles aristas, nudam inquam contemplandi delectationem, & famam egentibus inutilem sui que tædium cito sensuram, relinquit? Nunc enim perversam rationem fortuna instituit, ut in multis

multis gentibus propè sit ad egregii animi indicium, arceri à regiis, aut in illis jacere : & ubi Musis olim præcipuum fuit sacrarium, ibi si benè rationem ponis, virtutis jam opus soli agant nummi. Adeoque ad se-
verioris prudentiæ fastidium com-
positus videtur sæculi hujus genius,
ut nihil supra artem parasiticam
scivisse, percommodum sit, nec Ma-
gnatum favore indignum : imò, præ-
ter ignorantiam, & mores impudi-
cos, nulla pateat ad honores via. Ita
apud populum pariter populique
duces, munera nostra sordent ; ac
lampadum instar, aliis inserviando
gratis ipsi consumimur. Ille quidem
nobilissimus *Philosophiæ Naturalis*
mor, impetusque sciendi, à pecuniæ
& ambitûs utilitate semotus, in se-
curis & jam felicibus ingeniis, in-
ter avitas opes digna & præcipua
majestate se commendat. At verò si
quis

quis angusti cultor agelli, impari amore deceptus, de egestate sua sublimia quoque *Physices* mysteria contemplari, & eadem sinceritate colere audebit; quantumcunque magnificè de studiorum profectu cogitet, sæpissimè de *Hecates* cœna gustabit. Divitiæ enim, quamvis cæcæ, norunt tamen divertere ab inopi cruditione: quasi dissonum sit, & incongruum *Pluti* cum *Apolline*, *Minerva* & *Mercurio* commercium.

His malis insuper accessit & illud; inter ipsos etiam *Literatos* tam insana gliscit ardetque de gloriolæ umbra contentio, ut nemo edere in publicum aliquod Scriptum possit, qui non statim inveniat obtrectatorem. Nihil aliud autem suis curis, suis laboribus, quàm invidiam & animi ægritudinem quærere, extrema dementia est.

No-

Noftrum itaque Ordinem, ut vides, haud fimplex infelicitas premit. Nempe qui *Medicinam* fcriptis excolere aggrediuntur, feſe virulentis *Ariſtarchorum* cenſuris ultrò exponunt : qui contrà ſtilo ſilentium cautè indicunt, pro deſidijs vulgo habentur, aut faltem pro non multùm eruditis. Hinc contemptu obſidemur, illinc metu.

Sic undique laborantibus, quid aliud ſupereſt conſilii, niſi ut minimo contenti, taciteque ſolatium petentes à ſtudiis, domi privatim ſapere contendamus ? Hoc equidem longè conſultius videtur, quàm aut per animi impotentiam ſuccumbere, & cedere fortunæ ; aut viſa nobis & cogitata, ut ut ad Artis ejus quam proſitemur, augmentum ſpectantia, divulgando, eas tempeſtates ciere, quæ

quæ nobis in posterum otium & quietem adimant. Mihi igitur certum est, posthac ita facere : ne quis unquam in futuro de calami mei ineptiis conqueratur ; nec ipse vicissim de illius malignitate. In freto vixi, moriar in portu. Vale itaque, *Lector candide* ; atque meis, tum *Typographi* erratis sit tua humanitas nonnihil præsidii.

FINIS.



